

11269





Pharmacopœi Parisienses

ex Dono Magistri
Gillet

1764



11260
EXTRACTVM

CHYMICARVM

QVAESTIONVM, SIVE
RESPONSIONIS AD THEORI-

am lapidis philosophici editam in aca-
demia Regiomontana à quodam
ibidem antichymista.

VBI VERITAS ARTIS

CHYMICAE ETIAM CONTRA

*principia negantem assertitur, & multæ dif-
ficiles & jucundæ quaestiones
discutiuntur:*

AVCTORE

JOHANNE CUNRADO GER-

HARD. M. D. ILLUSTRIVM COMITVM

de Hoenloe & Civitatis Oringa-
næ Physico.



ARGENTORATI,

Impensis Heredum LAZARI ZETZNERI

Anno M. DC. XVI.

1150c

THE HISTORY OF THE

REIGN OF KING CHARLES THE FIRST

BY JOHN BURNET

IN TWO VOLUMES

LONDON

Printed by J. Sturges, at the

Printers Office, in Pall Mall

1704

By Authority

Printed by J. Sturges, at the

Printers Office, in Pall Mall

1704

By Authority

Printed by J. Sturges, at the

ILLVSTRISSIMO
PRINCIPI DOMINO, DO-
MINO JOHANNI FRIDERICO DUCI
Wurtembergico & Teccio, Comiti Mompel-
gardi Domino Heidenheimio &c.
Domino suo clementissimo.



*Um Hannibal (ut refert Cicer. 2. de
oratore) Pœnorum quondam impe-
rator, Carthagine a suis expulsus E-
phesum ad Antiochum regem, tum
temporis potentissimum venisset exul:
pro eo, quod ejus nomen erat magna apud omnes
gloria, invitatus dicitur a suis hospitibus, ut Phor-
mionem philosophum audiret, quem ipse non invi-
tus audiens copioso sermone aliquot horis differen-
tem de imperatoris officio, deq; omni re militari:
cunctis huius facundiam admirantibus, Hanni-
bal interrogatus, quidnam de hoc philosopho senti-
ret? Barbaro quidem sed tamē libero respondit ser-
mone, multos se deliros senes vidisse, sed qui magis,
quam Phormio deliraret, vidisse neminem. Nec
injuria. Quid enim arrogantius vel loquacius fie-
ri potuit, quam Hannibali, qui tot annos de impe-
rio cū populo Romano omnium gentium victore certas-
set, Græcū hominē, quinunquā hostē, nunquā castra
vidisset, nunquā deniq; vel minimam ulius pu-
plici muneris particulam attigisset, præcepta de re*

D E D I C A T I O.

*militari dare. Ita non dubito, Illustrissime princeps,
 Domine Clementissime, quin Johannes Papius me-
 dicus aulicus & professor Regiomontanus (cuius no-
 men, quoniam in medicorum numero tantam besti-
 am sophisticam reperiri pudet, semel expressum,
 porro non tam sponte, quàm deprecatione cuiusdam
 amici, ejusdem professionis silentio & sub antichy-
 mistæ vocabulo involvo) theoriâ suâ lapidis philo-
 sophici, quam in calumniam & infamiam chymicæ,
 chymistarumq; sine exceptione personarum, bono-
 rumq; artificum à malis discretione (impostorum
 enim defensionem ut declarabitur argumento de-
 cimo nono, non suscipio) conscriptam, sub illustri-
 ssimi nominis tui patrocinio cum impudenti, arro-
 ganti & in bonos viros ignominiosa prefatione non
 ita pridem in lucem edidit C. V. multò magis deli-
 rare visus fuerit, vehementiusq; displicuerit, quàm
 olim Hannibali Phormio ille, cujus in re militari,
 etsi emperia deerat doctrina tamen major, & ora-
 tio modestior erat, quàm antichymistæ nostri de re
 metallica, chymicæq; disceptatio. Ille enim græcus
 tam copiosè, ornateq; de officio ducis belloq; gerendo
 dicere non potuisset, nisi longè prius ex historicis bel-
 licarumq; rerum scriptoribus doctrinam conceptâ
 & quasi systema quoddam ejusmodi theorematum
 generaliumq; preceptorum observatum collectum-
 que in promptu habuisset, etsi usu rerum carebat,
 cujus causa ab Hannibale deridebatur. Alter verò
 iste Phormio earum rerum de quibus disputat, non
 tam usi destitutus est, quam omni prorsus doctrina.
 Ex omni enim ejus sermone indubitatiSSimè nobis
 constat, sicut in tota refutatione postea ostendetur,*

D E D I C A T I O.

illum nullum unquam in metalla pedem posuisse, nullos puteos aut cuniculos subisse, neminem metallariorum super his interrogasse vel audisse, nullum verum artificem chym. a. id est, philosophum in universâ vitâ suâ vidisse, nulli projectioni adfuisse, nullum arte factum aurum, sive verum, sive falsum attigisse, vidisse, probasse, vel etiam probare didicisse; imò ne metallicorum quidem scriptorum vel docimastarum aut philosophorum de his rebus libros vel pertransennam saltem inspexisse, quippe qui per totam disputationem, ne minimum quidem testimonium auctorum in suffragium opinionis suæ adduxerit, imò ne ullius vel metallici vel chymici scriptoris meminerit, nisi solius Gebri thesi 72. ex quo tamen ne quinque quidem verba de conditionibus tincturæ integrè, incorruptèq; citare noverit, ut demonstrabitur in argumento decimo quarto. Artis verò distillatorie & rerum distillatarum adeò rudis est, ut thesi 60. contra omnium medicorum & pharmacariorum experientiam singulari novoq; paradoxo ausit negare, oleum cinamomi esse oleum. Nihilominus pro eâ, quâ est sophisticâ fronte & mente C. V. cæterisq; illustrissimis chymie patronis, qui & in diversis metallis odinis operas fossoresq; sustentantes de metallorum ortu, incremento, perfectione, alijsq; subterraneis eventis quotidie relationes certas accipiunt, & in dubitata chymice projectionis documenta, vel ipsi oculis viderunt, vel ex gentilitia traditione in κρυπταῖς Φυλάκτοις suis adhuc asservata, ceu naturæ miracula, sanctè custodiunt, multoq; verius omnia explorata habent, ta-

D E D I C A T I O.

*men inanis iste in pulchro speculator nō erubuit, co-
 nari contra metallicorum fossorum, scriptorumq;
 catholicum perpetuumq; testimonium ab ipsis sen-
 sibus ortum, contra philosophorum doctissimorum
 consensum, rationes & experimenta, tam metallo-
 rum generationem, quam artis chymica veritatem
 nullam esse insulissimis paralogis, ut mox in re-
 futatione patebit, persuadere. Quin ausus est ad fi-
 dem sibi faciendam enormi vanitate & jactantia
 prefari in hac verba: se in cognoscendis strophis istis
 sophistarum multos annos impendisse, donec per sin-
 gularem (scilicet) Dei gratiam adhuc fundamen-
 ta descenderit, quibus nixus petit tandem, ut C. V.
 ad chymistas, quos indiscriminatum pestem nomi-
 minat, profligandos omnes vires suas convertat, re-
 liquisq; principibus & Rebusp autor sit similiter
 facienda. At quæ temeritas viri? Credi sibi vult in
 ea scientia, cujus nec principium quidem novit, nec
 minimam partem usus habet. Fundamenta hæc,
 quibus superbe & iniquè in chymiam debacchatur
 artifexq; temerè damnat, postea particulatim ex-
 aminabuntur, sed nugamenta esse vel hinc apparet.
 At se multos jam annos in cognoscendis istis sophi-
 starum strophis impendisse. Credimus hoc. At non
 in chymistarum, sed in suis ipsius sophisticis & anti-
 chymistarum nugis tantum temporis inani conatu
 & fructu contrivit. Quomodo enim in chymico-
 rum philosophorum strophis aliquid nisum sit, quo-
 rum libros nullos habet, nec legit, nec citavit ullibi?
 nec si habet, si legit, citare potuit, quia non intelli-
 git, ut perspicitur ex thesi sua 37. Ars nostra nullum
 patitur*

D E D I C A T I O.

petitur damnum à suis paucis delirus, quæ ipse se-
cum juaviter domi somniavit & postea refu-
gavit. Tunc verò pateretur, si anti-
chymista unum saltem classicum hujus scientiæ scri-
ptorem totidem annos in manus sumisset &
ex solidis philosophiæ fundamentis refutasset, quod
tamen ad calendas Gracas fiet. Si nō scit, quem
eligere oporteat, propono ei Petri Boni
Lombari Ferrariensis medici margaritam. Judi-
cat enim Hieronymus Rubens ejus rationes hæte-
nus inconcussas videri. Quas cum solertissimus
quisq; intactas reliquerit, aut si attigit, cum dede-
core relinquere coactus sit, procul dubio desperan-
dum & antichymista erit. Neq; novi ego ullum eo-
rum, qui hætenus alchymiam oppugnarunt, quin
contra solidissimè semper fuerit refutatus, & qui
ad hunc lapidem quasi offensionis caput non illise-
rit, nihil inde nisi ludibrium apud literatos & peri-
tos rerum pro mercede reportanda, sicut & anti-
chymista ista noster abundantior meretur mer-
cedem, quanto impudentia & calumniandi libidi-
ne longius ceteris progressus est: ubi non solum ejus
inscitia & temeritas, sed etiam iniustitia & mali-
gnitas innotescit petentis sine plena veritatis, ordi-
nariæq; causæ cognitione à magistratu artificibus
talibus aqua & igni interdicens. At contra pe-
tunt accusati benignè audiri, intereaq; furiosum
suum accusatorem vinculis retineri, donec coram
delecta literatorum judicum corona causam dixe-
rint. Adhuc enim esset de omnibus artibus & omni
planè philosophia, si ignorantium & imperitorum

judicio standum foret. Qua de causa praeclare prin-
cipeq; dignum facit C. V. quod non statim ad cu-
jusvis imperiti judicium flectatur, sed quemadmo-
dum Hannibal Phormionem illum belli rudem de
ducis officio & omni re militari loquacem judicem
non tulit, sed scitissimo dictorio irrisit, ita ipsa hunc
alterum Phormionem in arte chymica omnis usus
& rationis expertem, multoq; ignorantiorẽ à ju-
dicio harum rerum hactenus repulerit. Quoniam,
ut Petrus Ferrariensis scribit, ignorantes tantum
propterea artem alchymia dicunt falsam, quod ob-
trudunt se non vocatos, nec electos ad iudicandum
de eo, de quo judicandi potentiã non habent. Nam
unusquisq; bene judicat de jis, quæ novit & didicit,
& eorum est bonus judex i. ethic. Nicom. cap 3. Er-
gò per oppositum, nemo bene judicat de jis, quæ igno-
rat, & non didicit, neq; eorum penitus est bonus ju-
dex, præsertim cum iudicium operabilium in ope-
ribus causetur. Hinc Hippocrates de elegantia:
καλὸν ἐν τῷ διδασχέντῳ ἐργε λόγῳ: præclara est,
quæ ex opere quod quis didicit proficiscitur oratio:
Hoc ipsum est, quod clem Petrus Monavius medi-
cus Casareus Thomæ Era^o medico Palatino con-
tra hanc artem disputanti objecit lib. x. epist. medi-
cin. Cratonis, quomodo potes inquires, refellere hanc
artem, quod non exercueris? Non versatus es ἐν τῇ
ἐγχειρήσει τῇ χυμικῇ, quæ arcana multa prodit. E-
adem super re præclare monet Chrysostomus in epist.
ad Hebræos homilia secunda, cur non magis inqui-
ens, contemnam illos, qui nesciunt admirari, quæ
digna sunt. Nam & pictor si ab omnibus irrideatur
atq;

D E D I C A T I O.

atq; reprehendatur dum eos in doctos perspicit, illorum verba penitus non attendit, sed solo testimonio suo contentus est. Proinde indignum esse facinus concludit contra sycophantas tales dissert. 39. Maximus Tyrius Platonici philosophus, hac ratione, si reliquas artes omnes à vulgi tribunali sua vindicet scientia, nec gubernator, cum in suo versatur munere, navemq; ex opinione dirigit propria, imperitorum cuiq; cogatur rationem reddere; nec a quo ferat animo medicus, si ea, quæ præscribit, quæq; aut prodesse morbo, aut ad vitæ rationem conferre existimat, scrutetur studiosq; inquirat ager: nec figuli deniq; & coriarii aut si quis etiâ in ignobiliore arte versetur, alium indicem noverit, quam ipsam artem ejusve artificem: & chymia sola quæ superior est, his omnibus, alienum atq; ignarum suarum rerum judicem ferat? Præsertim enim, quo alieniorem & absurdiorē in hac scientia intra centum annos sol non aspexit: quippe qui. 1. non solum artus, sed & naturæ principia in metallis reget, ut videre est in argumento secundo. 2. Qui asserere ausit nullam metallam generari vel crescere amplius, sed omnia omnino creata in primo die creationis, ut perspicitur in argumento primo. 3. Omne aurum quod non sit creatum in primo die creationis vel esse sophisticum, vel à Satana suppositum, cujus absurditas demonstratur in decimo octavo argumento. 4. Auro non esse communem cum metallis materiam, quod in decimo quarto argumento refellitur. 5. As ex ferro factum per aquas vitriolatas non esse verum as, sed ferrum positum, quod deliramentum in argumento

D E D I C A T I O.

decimo quinto refutatur. Et id genus alia plura
paradoxa partim, partim pseudographemata, ex
quibus velut ex unguibus leonem noscere datur,
quam aptum habeamus virum ad iudicandum de
hujusmodi rebus. Hæc sunt quæ breviter ad præfa-
tionem ejus pro alchymie defensione respondere vo-
lui. Ceterum, princeps illustrissime Domine Cle-
mentissime ferè abhinc biennium est, postquam a-
mici quidam mei, artis chymice studiosi theoriam
hanc, vel verius minime theoriam lapidis philoso-
phici mihi transmiserunt, nescio qua spe vel fiducia
rogantes, ut quid de ea sentiam, eis exponerem, ad-
jecto hoc, se non dubitare, quin, si laborem refutan-
di susceperem, multis bonis viris artisque & filiis &
patronis nec non C. V. operam si non facturum non in-
gratam. Quid sit? Tamen si per totum id tempus,
quo in hoc studio versor (versor autem jam ultra
viginti annos non quidem *Χημικῶν* *ἐρεῶν*, sed
medicinae potissimum) nunquam animum subj. t. de
meis observationibus aliquid in lucem edere: tamen
victus eorum precib. recepi me refutationem scri-
pturum, disputatione hac tum temporis obiter per-
cursâ tantum, nec dum plenè attentèq. perlectâ.
Postea verò ut eam à capite ad calcem attentius le-
gi & animadverti in ea nihil aliud nisi virulentam
quandam maledicentiam, meraq. sophismata &
nova opinionum portenta contineri, fateor, pœni-
tere cœpit, cogitantem, qua opportunitate justæ ex-
cusationis (præsertim multis interim occupationi-
bus operam interrumpentibus) me ab hoc onere
suscepto rursus exsolverem. Quapropter de die in
diem

D E D I C A T I O.

diem tergi versatus rem produxi, nō quod a deo difficilis mihi labor foret, quem videbam plus tēdū quam difficultatis habiturum, sed quod tam enormia sophismata & furiosa convitia lenitate verborum permulceri nequirent; philosopho autem pariter & Christiano homine indignum censerem se cum sophistis cōviciantibus, quasi ferram recipiendo ejusmodi maledicentiae pice commaculare. Postea vero re alius mecum deleberata in mentem venit, posse eadem etiam excluso cum conviciis antichymistae nomine, nudisq; argumentis, si qua digna essent, nimidum propositis, sed alio orationis genere confutari, paulatim questione una post alteram examinata conscripsi tres libros chymicarum quaestionum, primum de generatione metallorum, alterū de transmutatione, tertium de medicina universali, qui ultimus me ob difficultatem argumenti & eos qui sese huic medicinae haecenus opposuerunt, hucusq; remoratus est. Postquam verò interea crebrioribus literis de promisso compellatus intellexissem de mea fide dubitari, & eosdē illos amicos meos sparsim de hac re rumore, aliis magnae autoritatis viris pro me spondisse minimē dubitandum, quin quod semel in me recepissem, bona fide sim praestiturus: fuit hoc mihi inquit arclāssici cantus ad cōvasandum tumultuariē pauca quadā ex iis, quae serius emittere copiosiori tractatu constituerā, non libris & capitibus, ut cōceptū erat, distincta, sed argumentorū numero, in quib. ipsa verba auctoris in fidē rei (ne forte essent, qui tantam absurditatē hominis non crederent) proponere cum cōviciis volui, & meā cuiq; argumento cōfutationē subnectere. Quam rē citra

D E D I C A T I O.

acerbitatē verborū & justas reprehensiones, pro eo,
 ut caput hoc indiget acri lixivio, persequi, ut pridē
 in altero opere volebā non potui, atq; in hoc potius
 amicis, quam mihi mēt ipsi satisfieri. Sed qualiacun-
 que sunt, ea C.V. clementer judicanda humilimē of-
 fero certa spe fretus me prae antichymista patronum
 habiturū p. um ac sapientē, qui sua autoritate hu-
 jus nobilissima scientie studiosos non solum à convi-
 ciis ignorantū & sycophantarum sit protecturus, sed
 etiā eorum studia & conatus pro virib. adiuturus
 & promoturus. Quid enim? Nisi, inquam, hac ars
 nutricios habeat principes & magnates patronos,
 timendum erit, ne vel omnino ab artificibus prope-
 diē deferatur, vel calumniis invidorū & ignorantū
 opprimatur. Nam privati homines, nisi fuerint è
 locupletissimorū numero, tantis sumptibus, quantos
 ars desiderare videtur à principio ad finem usq; im-
 pares sunt, sicut haud dissimulat Geber, aperte te-
 statur eam pauperib. inimicam esse. Et Arnoldus
 lib. 2. Rosar. cap. 5. in studio ejus tria requiri docet,
 subtile ingenium, operam manuum, & arbitrium
 seu liberam potestatem, quod quidem requirat di-
 vitias, sapientiam & libros. Et idem in libro vite
 cap. 2. ait: non esse possibile cuilibet homini hac ex-
 periri, propterea quod tria cōtradicūt, scilicet sum-
 ptus, potestas & fama vulgi. Nisi ergo à principibus
 & magnatib. huic arti auxiliares porrigantur ma-
 nus, vix ac ne vix quidem invenientur, qui huic
 studio operā sint daturi. Et licet inveniantur unus
 & alter fortassis, qui indefesso studio theoria cōsum-
 mationē sint assecuti, quotusquisq; tamē est, quē in
 hoc opere prosequendo non remorentur postea vel

D E D I C A T I O.

sumtus, vel functionis occupatio, vel inprimis etiam fama vulgi? Ego quidē in ejusdem scientia castris sub C.V. patre illustriss. memorie olim militavi, qui cum meam industriam exploratam haberet, mihi sponte in hoc studio currenti promotiones & gratia sua non minimum calcar addebat, ita ut neq. sumtus neq. potestas deesse videretur. Nihilominus etsi indubitato sciebam ad neminem alium praterquam ad medicum hujus scientie tractationē propriē pertinere: tamen ut ingenuē fatear, nescio quo timore inter alia nonnulla fatalia, quae me ab hoc proposito retraxerunt, nihil magis absterrebat, quā fama vulgi. Quae etiam causa fuit, cur occasionem nactus, loco mutato me ad solius usitatae professaeq. medicinae munia receperim. Tum n. proprio malo expersus sum artem hanc nō pati se coram vulgo & publicē tractari, sed quicquid ejus est in silentio & spe transigendum, id quod suo exemplo Trevisanus & Zacharius atq. ceteri omnes philosophi scriptis declarant: Alioqui non dubito, quin si non ad summum scopum, tamen ad medicinam, qua contentus fore in meo munere dudū pertingere potuissem. Quod cum ex impedimentis meis hactenus precipuū senserim, ne & alius bonis viris & amicis meis idem eveniat tāto maiori conatu sycophantiae antichymistae istius aures popularis captatoris obviam eundū censui, quanto magis ille fama vulgi nixus philosophis & inprimis amicis atq. sympatriotis meis apud principes & magnates invidiā concitare, infamiā cōflare & exiliū etiā intētare conatus est disputatione sua, quā si solū intra limites scholae exercenda ju-

ven-

D E D I C A T I O.

uentus gratia discussisset, fortassis noëset, curio
resuccenderetur, sed quia (micre, non autē parifato
mathematici illius ē bunico pbsilenti cum suo
Ευρηνα) de pulpito furiosus in curiam procurrat, o-
mnes bonos artifices rēdaciis traducit, aqua &
igni prohibendus clamat, ab aetoria perumpit &
succendere omnia atq. detolui nititur, pro merito
inhibendus & tractandus est, ut innocentes & boni
viri ab eju furorē defendantur. Sane domestici
quotquot sumus omnes & singuli parvi & magni
hac lege & officio ob igimur, ut si qua parte domus
patet & ab insatiantib. immisus est ignis, pedibus
manibusq. celeres ad extirguendum incendium a-
quā cōportemus. Hic incenarius patrio laborato-
rio igni subditoruinā machinatur, ejusq. incolis a-
micis meis & symparrotis nihil aliud n si exiliū in-
flatis buccis minabundus spirat: pro paternis focis
quib. olim usus fueram, aquā comportanda, pro a-
mici operi implorantib. viriliter depugnandum.

Quamvis enim pro eo, ut res mee ferunt, diutius
& longius ab iisdem absim, nondum tamen amorē,
quem quisque patriae & amicis debet, omnino de-
posui, sed compellatus de officio, si quod in hac re
præstare valeam, præclarum illud Platonis religio-
sè mihi colendum censui, monentis: nos non solum
nobis natos, sed partem sibi patriam vindicare,
partem amicos. Quinquam interim videor mihi
audire non tam manifestas præsentis anuhy-
ste, quam nescio quas claudstinas voces quorundā
sciorum, tam ex idiotarū quā ex eorum gre-
ge, qui literati esse volunt, ibidem obmurmuran-
tium.

D E D I C A T I O.

dum: nunquid tu conaris hanc artem principum
 auribus ingerere & persuadere, cuius contrarium po-
 tius facere deberes, si patriam amas, ad parcendum
 sumptibus non necessariis. Quibus respondeo Sicut
 nihil pulchrius cognitione veritatis, ita nihil tur-
 pius ignorantia. An tu, o sciole, confes nihil conferre
 ad ornamenta regum & principum, cum in aliis ple-
 risque rebus; tum in hac parte philosophiae constantem
 & exactam habere scientiam, nihilque dubitare. Ego
 veritatem etiam aureis coronis preferendam cen-
 seo, quam pro ingenii tenuitate non aliter ac natu-
 ra rei & ipsa necessitas flagitat, adversus sophistam &
 calumniatorem assero; & philosophi more demon-
 stro; cui si quis assensitur, veritati invicta (quam vim
 divinitus sortita est) palmam, nec mihi culpam tri-
 bue. Quamvis nec in hoc negotio dissimulari que-
 at, metallariam & alchymiam pari gradu in rega-
 libus incedere, num & tu in metallifodinas nihil
 impendendum regibus & principibus sana mente co-
 sulis? Quos sumptus dicas non necessarios, non satis
 assequor, cum eadem ars fructu non careat; sed ex
 se circa res naturales honestam oblectationem, &
 optima medicamenta exhibeat. Et si sumptus non
 necessarios rationibus in unum collatis, computa-
 veris, invenies profecto posse hos aliorum multorum
 respectu magis necessarios dici, imo etiam ita par-
 sioniam rationabilem institui, ut hi sumptus mi-
 nimè sentiantur. Quare explodenda est tota anti-
 chymiste praefatio cum obmurmurationibus istis igno-
 rantium & sciorum, & potius veritati insistendum
 cogitandumque, quod Geber de eiusmodi imperito-
rum

D E D I C A T I O.

rū immaturo & imbecilli iudicio scripsit lib. 1. sum-
mae perf. c. 10. Loquuntur inquit, de hac re, sicut
puer, qui à principio natiuitatis suae usq; ad senectū
tē in domo cōcluditur; non putans mundi latitudi-
nē extendi ultra suae domus spaciū vel ultra quā o-
culo possit in domo cōspicere. Hac illustrissime prin-
ceps Domine Clementissime pro veritate artis chy-
micae contra novum ejus hostē & calumniatorē ne-
cessario prolixius praefanda erant; ut eò dilucidius
pateret, quomodo corā tribunali illustrissimorū im-
perii principū, coram quo praefatione suā temeraria
chymicos capitaliter accusavit, os impudens viri, in
quo nihil solidae eruditionis per totā disputationem
elucet, obtundi possit, & simul C. V. ex hoc conflictu
veritatis fundamentis perspectis autor sit potius a-
liis principib. & rebusp. bonos chymiae artifices suā
gratia fovendi & protegendi, quā expellendi. Quam
operā meā si C. V. placere intellexero, nihil mihi o-
ptatius contingere poterit & id ipsum calcar erit ad
plenus opus, de quo hoc extractum esse supra dixi,
unā cum aliis sub C. V. illustrissimo nomine & patro-
cinio in lucem emittendū. Itaq; C. V. humiliter oro
ut praesens opusculū vultu sereno suscipere, meq; cli-
entē sua gratia & favore complecti elementissime
dignetur. Deus Opt. Max. C. V. cū illustrissima fa-
milia totaq; domo Wirtembergica florentem diu in-
columem atq; superstitem conseruet ac tueatur Cat.
Maij Anno 1616. Oringa.

C. V

Subjectissimus

Johannes Cunradus Gerhard. D.

EXTRACTVM CHYMI- CARVM QVÆSTIONVM SI-

VE RESPONSIONIS AD THEORIAM LA-
pidis Philosophici in Academia Regiomonta-
na editam à quodam ibidem Anti-
chymista.

I. Argumentum in forma dilemmatis.
thes. 10.



ALCHYMIA non est ars vera, quoniam
si esset ars aliqua vera aurificij, ea aut
generationi naturę analogă esse debet,
aut creationi, id est, aut naturam imi-

tabitur in generatione auri, aut divinam creatio-
nem *thes. 10.* Sed neutram imitari potest. Ergo
Alchymia non est ars vera.

Responsio.

Quamvis dilemma nihil necessario concludat,
cum tertium quiddam in arte hac datur, quo ne-
que naturam in generatione metallorum, neque
Deum in creationis opificio omnino imitamur,
sed utrumque ex parte tantum & ut possumus: ta-
men audiemus quomodo assumptionem proba-
turus sit antichymista.

A

Pro-

Prosylogismus ad primam partem assumptionis probandam.

ARS naturam non potest in generatione auri imitari, quia nulla metalla amplius à natura generantur, sed ea omnia in primo statim creationis die simul sunt creata cum terra *thes. 5.* Quomodo ergò ars naturam imitabitur? Antecedens rursus probat *thesi 6.* Quicquid à natura generatur, eius generationis vim seu potentiam natura statim in principio creationis per expressum verbum benedictionis accepit. Sed ex Mose cèrto constat terræ huiusmodi vim generandi à Deo inditam non esse, cum nullius talis mandati meminerit, quo terræ metallorum generatio impereatur, quemadmodum verbum mandati atque benedictionis accepit de generatione stirpium atq; animalium unà cum aquis. Ergò metalla à natura non generantur.

Responsio.

Tota minoris probatio falsa est impingens manifestè in regulam καὶ αὐτὸ, qua prohibetur transcendendi genus atque physica physicis, & non heterogeneis principiis, literisque divinis male detortis demonstrari jubentur. Mosi enim intentio nunquam fuit, omnia, quæ Deus in creatione instituerat singillatim narrando percensere, sed quantum ad fidem nostram satis erat. Quoniam hinc sequeretur, i. nec elementorum quoque ex se invicem esse à Deo institutam generationem, quo-

quoniam nec huius Moses meminit: 2. pariter nec metallorum factam esse creationem, quia metallorum creatio non minus à Mose reticetur, quam generatio; contra quam *thesi* 5. asserit antichymistæ. 3. manifestum crimen falsi in scripturam committitur, quando dicit ex Mose certò constare huiusmodi vim generandi metalla terræ inditam non esse. Siquidem Moses mox 2. capit. *Genes.* mentionem facit generationis auri, ubi expressis verbis scribit, aurum nasci, inquit: *Fluvius egrediebatur de loco voluptatis ad irrigandum paradysum, qui inde dividitur in quatuor capita; nomen uni Phison; qui circumit omnem terram Evila'h, ubi nascitur aurum.* 4. rationi & ipsis physicis principiis è diametro adversatur; corpora metallica non generari. Siquidem in sublunari regione darentur corpora quædam naturalia; ex elementis composita, quæ non essent mutationi; quæ præcipuè in generatione & corruptione consistit, obnoxia: id quod est contra proprium πᾶσι τοῖς τοῦ σώματος φυσικοῦ. Deinde scribit Aristoteles *1. br. 2. de cælo, capit. 12.* τὸ γενετὸν καὶ φθαρτὸν ἀπολαμβάνει ἀλλήλοισι. Metalla autem sunt φθαρτά omnia per se à natura (præter aurum; quod per accidens tantum corrumpitur non à natura per se.) Videmus enim corrumpi metalla in igne & extra ignem, ut ferrum ferugine, æs & ruginè, &c. Ergo metalla sunt generabilia. 5. repugnat sensui & manifestæ experientiæ. Aurum Corbachianum in Westphalia crescit & recrecit

recrefcit in cumulis fingulis quadriennijs. Sic aë-
gentum in cumulis plumbi cinerei, ubi prius nul-
luminerat argentum, certo tempore maturatur
& perficitur. Item vena plumbi in Sclavonia qua-
dragesimo anno tranfit in argentum: Siquam æ-
ris in arena ficca anno trigesimo in aurum. Fer-
rum in Lygijs ad Sëgam oppidum decennio rena-
tum denuo foditur; non aliter ac Ilvæ ferrū, quæ
est Italiæ infula in mari Tyrreno. In Mifnia limus
ruber palustris quinquennio, in Suecia fimilis li-
mus uno anno foli expofitus in bonū ferrum abit.
Idem in cumulis ex lapide fifili ufu venit circa æ-
rifodinas Mansfeldiæ, ubi æs fimiliter maturatur
& renafcitur. Fefularum mons in Hietruria lapi-
des plumbarios habet, qui fi excidantur, brevi tem-
poris fpatio novis inftaurantur incrementis, ut
tradit Boccarius Certaldus, qui id compertiffimū
effe fcribit. Plinius *lib 34. cap 17.* prodidit: mirum
in his folis plumbi metallis, quod derelicta ferti-
lius revivifcent. Sed nos videmus id non in folis
plumbi, fed in omnibus metallis ufu venire. Pro-
prium verò folius plumbi eft extramineram fem-
per augeri, ut Galenus *lib. 9. de facultatibus medi-
cament.* fcriptum reliquit his verbis: *Omniū que
novimus unicum plumbum tum mola tum ponde-
re augetur, fi condatur in adibus fubterraneis aë-
rem habentibus turbidum.* Tum etiam plumbea
ftatuarum vincula, quibus earum pedes annectun-
tur, fæpè numero creviffe vifum eft, & quædam
adeò intumuiſſe, ut ex lapidibus dependerent cry-
ftalli modo verrucæ. Hoc quod Galenus recitat,

adeò

adeò verum est, ut etiam metallici scriptores attestentur plumbea tecta ædium magnificarum multò graviora multis post annis inveniri ab iis qui pondus notarint, atque adeò quidem, ut ea perpè propter nimiam gravitatem æneis permutare necesse sit. Sufficienti igitur inductione patet metalla adhuc semper à natura gigni, & turpissimum esse metallicæ scientiæ pseudographema, opinari, omnia metalla in totum in principio esse creata. Sed esto metalla non generari: ars alchymix tamē non subverteretur: quia non conatur alchymia generare metalla, sed tantum transmutare unum in aliud, sive illud à Deo creatum sive à natura generatum ante fuerit. Sicut rusticus Schemnizensis accipit ferrum & ponit in Zepusij fontem donec illud transmutetur in mineram æris parum curans utrum ferrum & fons ille vitriolatus creata fuerint an generata: & plantator inserit arte sua surculum stipiti, arborem in meliorem & quamlibet speciem transplantaturus nihil recogitans quocūq; surculus & stipes ortu ad manus pervenerint.

*Prolepsis ad prius membrum dilemmatis
sive primi argumenti. thes. 38. 39.*

SEd aurum à natura generari probare conantur ex eo: cum ad fodinas interdum in cumulis lapidum olim congestis reperiatur aurum, interea à stellarum radiis elaboratum: alias enim rejectum non fuisset, si perfectum tum fuisset. Respon-
deo, 1. illos ipsos lapides non olim id auri in se continuisse: 2. Item mirum non est in copiosis

atque fructuosis fodinis ea reijci, quæ vis operæ pretium sunt, idemque longis post temporibus ab egentibus colligi, ut tanquam ex Spicilegio idem inde rem faciant. 3. probent stellis vim inesse aurificam: Si radij lucis cœlestis non aurificant sub terra (quod ex eo constat, quod eorum vis per tanta saxa penetrare non possit) nec super terram aurificabunt.

Responsio.

In cumulis mineralibus crudis & excoctis metallo vacuis propè fodinas suas renasci certo temporis spacio non tam aurum, quam alia metalla, ut argentum, æs, plumbum, ferrum, &c. supra per evidentem experientiam ostensum est. Ablegamus igitur absurdum istum antichymistam ad metalla Westphaliæ, Ungariæ, Misniæ, Palatinatus superioris, Silesiæ, Sueciæ & Italiæ, donec sapiat & didicerit, quod adhuc turpiter ignorat. Vel legat (qui hactenus ad suas inanes & multas post fornacem speculationes lapidis nullum, ut animadverto, metallicum scriptorem legit aut vidit) saltem Cæsalpinum, qui *libr. 3. capit. 6. de metallis* refert; terram erutam (inanem metalli quam vocant den Rummel) dum vena effoditur, totam procedente tempore in venam converti. Neque id solum in metallis contingit, sed in mineralibus quoque. Sulfuris vena quadriennio se reparat, ut scribit Fallopius *lib. de thermis, cap. 5.* Terra detracto halinitro in cumulum redacta post 5. aut 6. annos copiosius fœnus reddit, ut tradit Cardanus

danus *libr. 5. de subtilit.* neque Scaliger inficiatur. In Ormeno monte Indiæ sal natus lapidinarum modo cæditur renascens Cæsalp. *l. b. 1. de met. cap. 16.* Quis ergo nunc dubitet de generatione vel regeneratione auri, quæ in hoc non est diversa ab aliorum metallorum vel mineralium ortu: & sicut nihil ferri inest cumulis Ilvæ, fit autem ferrum suo tempore, ita nec auri quicquam cumulis Corbachianis quando excocti fuerint, donec rursus progressu temporis imprægnentur. Quando igitur quæritur, unde probemus illos lapides in cumulis non olim id auri in se continuisse, respondetur ei; non aliunde nisi examine perituum. In hoc enim fit exploratio exactissima per peratos probatores ad grana usque minima, ut ne unum quidem in scoriis relinquatur post separationem à recrementis, quæ vocant den sènder. Sed antichymista respondendo seipsum refutat. Si enim in copiosis atque fructuosis fodinis talia quædam operæ pretium non reddentia reiiciuntur, quid est quod pauperes fossores non mox à rejectione illa Spicilegium faciunt? cur tot annos differunt illam collectionem? sicut ipse antichymista dicit longis post temporibus ab illis demum colligi, ut iidem inde rem faciant. Stulti essent (si antichymistæ verba vera sunt) quod non potius rem facerent è re præsentī, quam quod tot annos expectant demum in cumulis auri repullulationem. Quod tertio petit à nobis probari, stellis vim inesse aurificam, respondeo facilimè id probari, primò ex

Aristotelicis rationibus, qui *lib. 2. de ortu & interitu cap. 10.* docet, cœli motum qui est propter latitudinem astrorum esse causam generationis omnium rerum. Si omnium rerum sane etiam metallorum. Similiter *1. meteor. cap. 1. & 4.* omnium mixtorum duas causas ponit materiam scilicet & efficientem, quorum illud cœlum, hæc elementa sunt. Metalla autem *lib. 3. meteor. cap. ult.* accensentur mixtis. Secundò experientia, dum tertio tempore tales cumuli expositi radiis solis & astrorum rursus metallis suis imprægnantur, ut suprà modo dictum, cuius rei adhuc multò evidentissimum exemplum est, quod Avicenna refert ære ferroq; pluisse, & Scaliger de subtilit. ex. 323. tribus circiter annis antequàm provincia Taurinorum à rege Galliarum recepta esset pluisse ferro multis in locis, cuius frustum apud se sit. Concretio hæc metalli in nubibus generata ante nubes non fuit, aut si fuit, quærit ibidem Scaliger, ex qua fodina ferrum illud sublatum fuerit in nubes: Astra sunt causa nubium. Ergò etiam eorum, quæ generantur cum & in nubibus, ut sunt ferrum, lapides & alia. Quando igitur antichymista negat radios astrorum aurificare sub terra ob impossibilitatem penetrationis per tanta saxa, & hinc infert, nec supra terram aurificare, id in ipsum retorquetur hoc modo: Si astra supra terram ferrificant, etiam infra terram ferrificare queunt. Atqui nunc demonstratum est astra in nubibus ferrificare, idemq; in superficie terræ in cumulis fieri. Ergò astra etiam infra terram ferrificant, & per consequens si ferrificare, etiam aurificare

care possunt. Nam verius proceditur ab iis, quæ fiunt coram oculis supra terram, quàm quæ in tenebris fiunt infra terram ad concludendam hanc thesin. Demonstrationis enim processus legitimus est à manifestis ad obscuriora, nec è contra. Quod autem negat vim radiorum per tanta saxa penetrare posse, præter id quod calor solis per antiperistasin, ut videmus in hyeme, ad intima terræ penetrare potest, ut Cæsalpinus probat; audiat Scaligerum rectius de hac re differentem. Quæritur (*inquit comm in lib. 1. de plantis*) quantum solis vis subire terram valeat. Nam neque lumen eò delabitur, quod alioqui vehiculum peripatetici statuunt cœlestium affectionum, neque in telluris parte intima sentitur calor ullus à sole. Et mox infrà: In metallis omnia sine solis admissu generantur. Intellego nunc & lumen & calorẽ, quorum utrũq; cum peripateticis siderum instrumentum appellant. Cum tamen aliter ab acutioribus disputetur: nihil enim rerum in intimis terræ finibus gereretur. Verum quemadmodum ultra pellucida corpora transmittitur lux, unde nomen esteis comparatum: ita per non translucida vis illa sese insinuat, ac penetrat, quæ luce ipsa multò est efficacior. Tollit simul cum dubitatione probandi curam quotidianum magnetis exemplum, ad cuius motum sub mensa movetur ferrum pensile. Nec propterea delentur eorum placita, qui sine subiecta materia formam negant posse agere. Vis enim cœlestis illa per lumen delata huc afficit terræ superficiem: ea affecta proximam sibi partem mu-

tatæquè, dum ad certa loca destinetur. Sicut ab eodem lapide ferrum non attractum agitatur. Hic Scaliger exemplo magnetis penetrationem radiorum per tanta saxa possibilem appositè declarat, quem subrilis doctorem, si antichymista prius legisset, quam hanc suam phantasticam theoriam thesibus evulgasset, suam stupiditatem & ruditatem in rebus physicis non ita omnibus prodidisset. Non enim dubium est, quin si singula compassi poneretur in ipso centro terræ, & tota terra esset saxea, nihilo secius moveretur ad arcton stellam illam suam, unde vim mobilem & motivam fortita est. Palam itaq; est saxorum objectu vires astrorum influentium in terra nequaquam infringi. Unde facile intelligi potest illud quod ex Ptolemaeo adducit Albertus *Lib. 3. de mineral. tract. 1. capit. 10.* locus generat locatum per proprietates cœli, quæ influunt ei per radios stellarum: In nullo enim loco elementi inveniuntur radii omnium stellarum, nisi in terra, eò quod ipsa est insensibile centrum totius cœlestis sphaeræ. Maxima autem est virtus radiorum in loco, ubi uniuntur omnes, & ideò terra mirabilium & multarum rerum est productiva.

Prosyllogismus ad secundam partem assumptionis probandam.

T Hes. II. Aurifices itaque creationem se imitari posse autumant huiusmodi coniecturâ: Quemadmodum Deus elementa primum creavit: deinde ex elementorū exquisitissima mixtione cor-

ne corpora elementaria composita: ita prius metalla in sua principia prima resolvi, deinde componi debere. Sed hoc fieri nequit: 1. cum natura in generatione nullam resolutionē moliat in principis, sed attrahat & id quod attractum est, disponat. 2. Quis revelavit *thes.* 12. novis istis creatoribus imperscrutabilem illā soli; divinæ sapiētiae reservatā rationem principiorum metallicorum, cuiusmodi illa sint, ex quibus creatio divina facta est, item resolutionem in principia, principiorum mixtionem proportionalem. Nam licet *thes.* 63. metalla possent arte resolvi, in sua principia, quænam vis atque facultas illa tandem iterum tam scitè miscebit, tamque arctè uniet, ut in creatione à Deo factum est. Item *thesi* 7. quærit, ubinam locorum animadversus sit huiusmodi calor actualis metallorum concoctioni sufficiens cuiusmodi in fornacibus suis requirunt aurifices?

Responsio.

Calumniæ, qua Antichymista artifices ex phantasiæ suæ pravitate ad invidiam illis apud idiotas & sui similes artis ignaros conciliandam creatores vocat, liquidissimè apparebit si consideremus, quid creator sit propriè & creare, item qualis generatio naturæ sit quam artifex imitetur. Scribit Lombardus *libr.* 2. *sentent. dist.* 1. Creator est qui de nihilo aliquid facit, & creare propriè est de nihilo aliquid facere. Facere verò non modo de nihilo aliquid operari, sed etiam de materia. Unde & homo & angelus dicitur aliquid facere, sed non creare, vocaturq; factor seu artifex, sed nō creator.

Hoc

Hoc enim nomen soli Deo propriè congruit, qui & de nihilo quædam & de aliquo aliqua facit. Ipse ergo est creator & opifex & factor, sed creationis nomen sibi propriè retinuit, reliqua duo etiam creaturis communicavit. Cum Lombardus hic dicit, qui & de nihilo quædam, & de aliquo aliqua facit, notanda est distinctio creationis in totalem & partialem. Illa ut Scaliger definit. de subtil. ex. 6. est constitutio substantiæ e nihilo, nec materia nec forma præexistente; qualis erat creatio mundi in principio. Hæc verò quando aliquid ex remota materia præter supraque ordinem naturæ fit; nihil in existente de forma, qualis creatio erat, quæ cæteris sex diebus facta est, & qualis adhuc fit per miracula, quomodo ex aqua vinum fecit Salvator, & Deus ex lapidibus panes vel homines suscitare posset, & quomodo Johannes Evangelista, ut in vita eius legitur, ex lapidibus gemmas, & ex virgis aurum fecit. Generatio naturalis etiam duobus modis fit, & ex materia remota & ex propinqua: quarum illam æquivocam, hanc univocam dicimus. Illa potest congruere cum creatione secundi modi, sed in hoc differt, quod in creatione aliquid fit subito, solo verbo, vel aliis mediis non naturalibus: talis rei generatio non fit nisi multo tempore, à causis naturalibus & intervenientibus multis alternationibus. Creationem simpliciter, non solum nullus artifex, sed ne natura quidem imitatur, secundum axioma illud Philosophorum: ex nihilo nihil fit: creationem quæ ex parte est, natura quidem imitatur, sed longè aliis modis & mediis;

diis; artifex autem imitari nequaquam valet, qui non potest facere ex quolibet quodlibet, ut docet Rosarium, sed determinatum ex determinato, id est, ut alius dicit, non potest materiae remotae primas dare formas. Quando igitur dicitur Chymia naturam imitari quartus tantum modus, qui fit ex propinquis principiis, exclusis tribus priorib. creationis & generationis modis intelligitur. Igitur calumniosè & mēdaciter antichymista artifices nominat creatores, cum ij aurum vel tincturam suā; neque ex nihilo, neque ex remota sive quacunque materia, neque ex primis principiis vel elementis facere conentur, sed teste Paracelso ex metallis in metallis, cum metallis & per metalla. Quando autem Philosophi præcipiūt metalla in principia sua resolvere, antichymista verò interpretatur, quasi præcipiant ea non in sua propinqua, sed in principia & elementa illa communia mundi & remota, ex quibus Deus vel natura primitus ipsa composuit, resolvere, & deinde rursus componere, turpeni ignorationē suam clenchi prodit, seq; ipsum & alios fallit fallacia à dicto secundum quid ad dictum simpliciter. Nam etsi subjectum nostrum tam agens, quam patiens resolvimus diverso modo in sua principia seu materiam primam, tamen utriusque resolutione non pervenimus ita remotè ad elementa usque mundi, ex quibus initio aurū divina creatione vel naturali generatione fuit compositum. Id quod testantur Bernhardus Comes, Dionysius Zacharius, Petrus Ferrariensis, Aegidius de Vadis, & Richardus in correctorio anti-

antichymistarum. Si enim ita resolveremus, amitteretur tam genus metalli, quàm species, & nihil efficeremus, quoniam non est in potestate nostra tali elementorum compositioni remotæ formas infundere, sicut Deus vel natura infundit. Quare Antichymista postea *thes.* 12. absurdissimè rursus extra scopum quærit, quis revelaverit novis istis creatoribus inperscrutabilem illam solique sapientia divina reservatam rationem principiorum metallicorû & cuiusmodi illa sint, ex quibus creatio divina facta est, item eorum mixtionem proportionalem. Nam nunquam volumus, neque etiam possumus, inquit Geber, vel Dei creationem vel naturæ generationem in primis principijs sequi, nec in proportionem miscibilium elementorû, nec in modo mixtionis ipsorum ad invicem, nec in æquatione caloris inspissantis, cum hæc omnia sint nobis impossibilia & penitus ignota. Ideoque dicente Gebro, in hoc Antichymista cum cæteris errat, quod naturam in omnibus proprietatum actionibus imitari desiderant, sed aliud ad hoc nobis principium, aliumque generationis modum assumimus, in quibus naturam sequi possumus. Theoria itaque principiorum nobis necessaria est, quibus transmutemus species, non quibus generemus genus, quoniam intentio nostra non est metalla de novo componendo generare, sed à natura composita jam & generata solum modo transmutare. Et huius diversitatis supra exemplum dedimus in ærifice & plantatore, qui uterque non generat res de novo, sed tantum generata transmutat sine co-

gitatione

cognitione principiorum primæ generationis: Quod autem contra resolutionem metallorum in sua principia addit metalla non esse resolvenda in sua principia, quia natura in generatione nullam resolutionem talem in principia moliatur, sed tantum attrahat & id quod attractum est, disponat, secum ipse digladiatur. 1. quia sui oblitus partes quas supra dilemmate separavit de generatione & creatione nunc rursus confundit. 2. *Quia thesi* 42. in generatione naturali & substantiarum transmutatione requirit prioris formæ abolitionem & novæ introductionem, ubi certè prioris formæ, quod erat compositi alterum principium seu pars substantialis, fit resolutio & separatio, novæque introductio. 3. Antichymistæ falsa thesis ab ipso Salvatore refellitur *Johan. 12. vers. 24.* dicente: *Nisi granum frumenti cadens in terram mortuum fuerit, ipsum solum manet.* Quo significat, nisi granum prius putrefactum in terra, id est, in sua principia perditâ priori formâ resolutum fuerit, non fieri naturali generatione eius multiplicationem. Corpore grani resoluta per putrefactionem spiritus liberatus à corporeis vinculis in centro grani colligitur generativus, qui postea extrudit germen ad novam generationem, tum demum fit attractio nutrimenti & dispositio. Sic etiâ in nostro opere fit, ubi per putrefactionem lapis in sua principia resolvitur, inde germē illud satis cētralis progeneratur, quod postea suo nutrimento paulatim fovēdū & augmētādū est Substātiæ generatio prior est accretione & alteratiōe cæterisq; morib.

Absur-

Absurdè igitur opinatur in generationib. omnium
 rerum initio statim nihil aliud fieri, quàm attra-
 ctionem & alimenti dispositionem. Ita resoluta
 quoq; jam est principalis syllogismi phantasia an-
 tichymistæ de lapide philosophico in sua princi-
 pia, id est, in *ἐν ἐνότητι*, quæ fuit ante nihil. Quod
 verò scire cupit *thesi 63.* quænam vis & facultas
 metalla soluta tam scitè iterum mixtura; tamquæ
 arctè unitura sit, ut prius; Respondeo, natura, quæ
 Dei dicitur potestas à Scaligero, & plasticam istam
 facultatem atque *λόγος* formativos in rerum cre-
 atione accepit à Spiritu illo, de quo Marsilius Fici-
 nus *cap. 9. artis Chymicæ* scribit: *Nonne Spiritus*
Domini, qui est amor igneus, cum ferebatur super
aquas, indidit eisdem igneum quendam vi crem,
cum nihil sine calore generari possit? Hic est liga-
mentum elementorum, virtusq; commiscendi, quæ
in qualibet re mundi sublunaris elementorum mi-
xiones efficit. Hæc Marsilius. Sed quia ignis per
 se agit indeterminatè, ut docet Aristot. 2. *de ani-*
ma, cap. 4. non id accipiendum est de igni simpli-
 citer elementari, quod is per se misceat, uniatq;
 sed de eo, qui respondet cœlesti, & est vehiculum
 suæ formæ, ille est ut Alexander *in epistola* dicit,
 qui totum dirigit opus, & complet, & est anima
 corpori coniuncta, quæ unit & gignit. Rectè enim
 de elementari quærit Scaliger *comment. in 2. de*
plant. inquit: Si ignis unit elementa tria, tan-
quam partes in plantis, quid erit, quod uniat ipsum
ignem tribus illis? & respondet, forma, quæ est po-
tiornatura. 2. physic. cap. 1. Nam ideo Aristoteles
lib. 2.

lib. 2. de ort. & inter. succenset veteribus, qui amota forma eius officio ac naturæ substituisſent ignē: ἐξαίρωντες τὸ τί ἦν εἶναι, καὶ τὴν μορφὴν. At uero, inquit, τὸ θερμὸν πέφυκε, διακρίνειν, τὸ ψυχρὸν συνίσταται. Nam generatio & concretio est ex alienigenis, quæ dicimus τῶν ἀλλοφύλων: non autem è congeneribus, quæ ὁμόφυλα vocant. Ergo cum i his opera nequeant ἀλλοφύλα συνορίζεσθαι (διακρίνει γὰρ ἀλλοφύλα) per ignem non fiet coitio, & unio ad generationem in Aristotelis officina. Hæc Scaliger. Dicimus igitur mixtionem & unionem solutorum metallorum fieri à naturâ propriâ rei, siue formâ per ignem, seu calorem internum ad iutâ nostro igne artificiali externo: quæ in re ut formâ seu speciem conseruemus sedulo monent philosophi, cavendum ab intensiōe ignis ante terminum, ne arcanum funigetur, ne acetum in fumum vertatur, ne Rex & uxor sue nimio fugentur igne, ne materia vitrificetur, & cum formâ omnis operatio, mixtio, unio, multiplicatio & tinctura pereat. Itaq; non minus artifex, qui naturæ miscenti uni-ent: quæ extrinsecus administrat. (Zosimus: ὁ πᾶς σύνδεσμός ἀνευ μεθόδου ἔγινεται: tota conjunctio sine methodo non fit) cognitum habere debet pondus miscendorum, mensuram temporis, quantitatem vasis & modos ignis, ut sciat quid natura ferat, quid rēspuat: id quod præcipuum est secretum artis huius, nec derisorii, nec antichymistæ alicui duræ cervicis revelandum. Sic enim, auctore Gratiano in suo tractatu de elixire, quod natura conjūxit, ars separat, & quod ars conjungit, natura se-

parat, q̄ aut ars separat, sola natura cōiungit, & q̄ naturaliter distat, ars cōiungit imitādo naturā, nō subito, & hoc est artis huius secretum. Itaq; in hoc opere, ut Lombardus docet, hæc duo distinctè cōsideranda sunt, scilicet natura agens, & ars ministrans. Si consideremus ex parte naturæ agentis, dicimus quod totum opus est naturale, quia natura est illa, quæ decoquendo appetit, retinet, digerit & expellit, & permiscet, & corrumpit, & generat, & informat præcepto Dei benedicti & gloriosi suo tempore lapidē antedictū, & hoc lapide natura informat metalla per ipsorū commixtionem. Si aut consideramus ex parte ministrationis: tunc opus hoc est artificiale, non quia ars generet, & corrumpat, & informet, sed solū ministret naturæ operanti totū hoc. Natura. n. sola non efficax est in talib. per se, nisi ars sibi ministret. Propterea eo modo quo ars ministrat naturæ, eo modo operatur natura, si benè, benè, si aut malè, malè. Tota igitur operatio ratione generationis & mixtionis est naturalis. Ratione autem ministrationis est artificialis, sicut patet in decoctione ciborum.

II. Argumentum contra compositionem & resolutionem metallorum in sua principia.

SI nulla principia dantur metallorum metallis communia, tunc neque datur resolutio in eadem, & nova ex ijs compositio.

Sed prius verum. Ergo & posterius.

Minorem probat 1. quia Chymici cōmune sulfur & hydrargyrū cōmunia metallorū principia pro-

probant ex eo, quoniam cum omnib. metallis cō-
juncta reperiuntur. Ex quo similiter concludit: er-
gō metallorum quoq; principia sunt terrę lapides
calcanthum pyrites, metallum metalli, sulfur hy-
drargyri & vicissim. 2. Quia sulfur nec ratione
pinguedinis suæ, nec igneæ naturæ suæ dat metal-
lorū coagulū, formam aut materiā, sed tantum re-
solvit, ac tollit: hydrargyrum verō ob uniformi-
tatem suam non potest esse distinctorum metal-
lorū materia: cum non habeat partes dissimiles, ex
quibus hoc vel illud metallum paratur. *thes. 13.*

Responsio.

Primo paralogismus est ex quatuor terminis.
Nam aliud est coniunctum sive unū esse substan-
tia, ut est compositū ex sua materia & forma, vel
mixtum ex elementis: aliud unum per accidens, ut
est acervus tritici vel hordei, cementum cū calce
& arena. Dicunt Chymici cum omnibus metallis
coniuncta reperiri sulfur & hydrargyrum unione
seu mixtione substantiali per minima non apposi-
tione partium qualicunq; accidentali, ut antichy-
mista falsō affingit. Accidentalem heterogeneo-
rum in metallis coniunctionem si non separat o-
culus, separat ignis: post cuius examen substantia-
lia principia cum metallo manent heterogeneis
semetis. Unde coniugium solis & lunæ *l. b. 3.* lapi-
des & terra sunt locus generationis metallorum,
sed non sunt materia conveniens ad commixtio-
nem eorum. Idō ab ipsis separatur metallum, ut
ab incongruo & heterogeneo. Ignis enim hetero-
genea separat, & homogenea congregat.

Secundò quod ait sulfur nec ratione pinguedinis suæ, nec ratione naturæ igneæ dare metallorum coagulum formam & materiam, respondeo ex *Geb. libr. 3. sum. perf. cap. 7.* per distinctionem, nempe duplicem esse in metallicis corporibus sulfureitatem: unam quidem substantialem in profundo argenti vivi conclusam in principio commixtionis: alteram verò supervenientem seu accidentalem. Ignorat autem antichymista metallale duplex inesse sulfur intrinsecum & extrinsecum: hoc comburere & resolvere per accidens: illud verò minimè. Sulfur enim auri neque resolvit aurum neque tollit, quantocunque tempore teneatur in igne. Concedo itaque sulfur extraneum non esse auri coagulum vel formam: falsò tamen negat sulfur esse coagulum vel formam cæterorum metallorum imperfectorum: quorum ob id ipsum, quod sulfure extrinseco in speciem metalli coagulata sunt, eis proprium est igne resolvi ac consumi velocius vel tardius secundum sulfuris extrinseci maiorem vel minorem quantitatem in ipsis existentem, ut docet *Geber libr. 3. sum. perf. cap. 4.*

Tertiò quod addit de hydrargyro quasi ob uniformitatem suam non possit esse distinctorum metallorum materia tantum abest à vero, ut potius invertenda sit ratio, & dicendum, quin ob ipsam uniformitatem, & nullam aliam ob causam hydrargyrum esse materiam septem distinctorum metallorum, haud secus ac materia prima ob homogeneam naturam subiectum est 4. elementorum

forum & omnium ex eis compositorum. A formis enim incipit distinctio, non à materia, à qua potius est convenientia & uniformitas teste Petro Ferrariensi *cap. 17. & 23* & ut Scaliger inquit *lib. 4. de caus. plant. cap. 20.* materia non variat formā, sed à forma variatur materia. Hæc tritissima noster multennis fundamenti speculator ignorat, Cætera plenius *lib. I. cap. 3. de generat. metallorum* persequar, ubi manifestissimis rationibus & experimentis probabitur, metalla composita esse ex mercurio & sulfure, itemque sale, &c.

III. Argumentum contra resolutionem metallorum in sua principia & compositionem.

P Principia materiam & formam separatim producere & postea componere utrumq; ad substantiam constituendam solius Dei opus est, *thes. 15. 41.* Quemadmodum igitur non datur materia expers formæ, ita nec forma materiæ, & per consequens auri forma ab eiusdem materia est inseparabilis, nec unquam absq; illa seorsim existet. *thes. 18. 43. 54.* Item licet rubedo auri seu tinctura, quæ formam auri dicunt, extrahatur à corpore suo albo per liquores, tamen non plus tinget, quàm antea tingeat, & sapientes isti homines operam & oleum perdentes, summam suam stultitiam produunt.

Respondeo.

Nugas agit antichymista, quas à sui similibus stultis hausit, non à sapientibus. Nullus enim un-

B 3 quam

quam philosophus docuit formam auri isto modo ab albo suo corpore separare, & alii corpori rursus immittere. Hæc enim translatio magica, qualis ferur metallum, vel metempsychosis quasi Pythagorica, non modò cū lucro non est, sed etiā cum damno. Lapis noster fit primò niger, deinde albus, postea citrinus, & ultimò rubeus. Tinctura autem hæc Sophistarum seu rubedo manet unius coloris in principio medio & fine. Ergò lapis noster & tinctura vera longè aliud est. Nec movent nos inanes antichymistæ speculationes de materia & forma, quod neutra per se existere possit. Nihil enim nos impugnant, qui ipsi statuimus neq; ideas separatim existere, nec materiam primam illam Aristotelis absque forma aliqua reperiri, nec nobis possibile esse materiam à forma, & vicissim, separare, nisi ἐπινοία. Afferimus autem contrà, in maiori & minori mundo formalia & materialia principia seorsim existere, sicut cælum & elementa, mas & foemina discreta sunt, quorum alterum in generatione formam confert, alterum materiam, ut apud Aristotelem notum est. Sic etiam in artibus talia activa & passiva principia separatim reperiuntur, ut aqua lapidifica, & lignum ad corticem faciendam, aqua ærofa ad æs ex ferro producendum, surculus ad aliam arborem ex stirpe faciendam. Similiter in Alchymia philosophi potestate naturæ & artis parant, sibi formale quoddam principium auri vel argenti non separatim, instar ideæ Platoniciæ, sed cum astro suo, id est, cum subti-

subtilissimo suo & coelesti subjecto veluti proprio vehiculo concretum, quod super materiale principium suum ut proprium suum passivum, id est, mercurium & imperfecta metalla proiectum in igne & unitum convertit ea in suam naturam secundum astri sive formalis principii activitatem.

*IV. Argumentum ἐκ περὶ αἰσθῆσεως.
thes. 14.*

ET si omnia ista plana essent, id est, etsi metalla generarentur, constarentque ex dictis principiis, & possent resolvi in eadem, iterumque ex ijs componi, tincturae tamen auri nullam unquam inesse posse constantiam: quia quicquid ars componat, dissolvere etiam possit.

Responsio.

Paralogismus est quatuor terminorum. Hoc enim de arte axiomati cum habet in formis artificialibus solum, & operibus mechanicis. Tinctura vero philosophica ab arte sola nequaquam fit, sed in compositione eius ars & natura simul mutuas tradunt operas. Componit ars foris, natura intus, illa adjuvando, haec principaliter in cunctis agendo, ita ut forma generetur non artificialis, sed naturalis. Manifestè igitur in elencho apparent quatuor termini. D. inde semetipsum contradictione & turpi fallacia accidentis implicat. Nam cum *thesi* 1. constantiam & fixitatem auri definiat, quod sit ἀφθαρσία, id est, immunitas à cor-

ruptione, quæ fit à natura, aut per putrediuem aut per ignem, non obstante, quod aurum etiam corrumpi possit per accidens ab arte, ut ibidem ponit; idem velit nolit de tinctura auri pronunciaré compellitur, quod nempe in illa nihilominus sit constantia & immunitas à corruptione per se & respectu naturæ, etsi per accidens ab arte ei corruptio contingere possit, cum eadem sit ratio auri & tincturæ, & talem etiam proprietatem tincturæ ipse antichymista requirat *thesi* 55. quam & Geber de investigatione perfectionis cap. 12. ponit, inquiens: *Nos querimus substantiam unam facere ex pluribus tamen aggregatam, coadunatam, fixam, quam super ignem positam, ignis non exprimat. Et Hermes: Si lapis noster staret in igne usque ad novissimum diem nunquam consumeretur. Et Alfidius: nec ignis ei dominatur nec aliud, nec sulfura vastant ipsum. Quæ ergo veritigo sophisticandi dicere hac 14. thesi, tincturæ auri nullam inesse constantiam, & thesi 55. asserere oppositum, nempe tincturam auri debere esse immunem ab omni corruptione, quæ fit per ignem aut putredinem? Item thesi 19. aurum omnino esse αδιάλυτον atque indissolubile, & thesi 51. aurum corrumpi posse per accidens, quasi vox omnino non excludat omnem διάλυσιν, etiam eam, quæ per accidens est. Adeo antichymista sibi nullibi constat, ut hinc patefcat, non tincturæ philosophicæ, sed suis thesibus nullam inesse constantiam. Aurum igitur & tincturam auri licet ars dissol-*

vere non igneret nostra, nihil tamen constantiae eorum derogatur, sed ambo in omnibus elementis, praecipue verò in igni cæterisque examinibus auri legitimis perpetuam fixitatem & constantiam servant. Quam corruptionem verò peraccidens, id est, per artem mediantibus aquis mineralibus & igne *thesi* 51. proponit, eam antichymistæ donamus. Conveniunt enim labra lactucis. Ea quippe sophistica est, nec naturalis dissolutio, sed verius perditio auri, nec quoq; in censu examinum auri legitimorum continetur.

V. Argumentum à metallorum perfectione.

A *thesi* 20. usq; ad 30. mirè vario schemate induitur in hoc argumento antichymista, nunc conviciatur, nunc execratur, nunc ex clamat, nunc divinationem minatur, & ubiq; sacra profanis, falsa veris miscet, raptus hinc inde impetu phantasiae & multennis suae speculationis superbis rebus infania, sed nos omnibus breviter in ordinem reductis principale argumentum hoc syllogismo includimus:

Quicquid valdè bonum est, etiam perfectè bonum, omnibusque numeris absolutum est, ut ejus bonitati nihil omino accedere possit
thesi 24.

Sed Deus de metallis & aliis rebus creatis in principio pronunciavit, quod erant valdè bona.

Ergò metalla sunt perfecta, omnibusq; numeris absoluta, ut eorum bonitati nihil omnino accedere possit. Et per consequens blasphemia est dicere, cætera metalla imperfecta, aurum solum perfectum. *thes.* 20.

Responsio.

Quoties tandem contra regulam καὶ ὁ λόγος ex alienis principiis imò ex dictis sacra scriptura perfectè adhibitis & detortis cum hoc absurdo theologastro agendum est? Ipsius potius blasphemia, impietas & dementia in majore palam fit: quæ si vera esset, ut antichymista interpretatur, nulla facta fuisset nec fieri potuisset creatio. Quis enim perfectè bonus, omnibusq; numeris absolutus, ita ut ejus bonitati nihil accedere possit, nisi solus Deus *Matth.* 19. v. 17. Nisi substantiæ secundum perfectionem & imperfectionem essent in creatione distinctæ, mundus non esset in partibus, & speciebus suis ab uno ad unum ordinatus, sed omnia essent unum, & ipse Deus. Nec verum esset, quod *Sapientia* II. de Deo prædicat: omnia in mensura, numero & pondere disposuisti. In majore itaq; propositione committit antichymista crimen falsi in scripturam interpretatione sua fallaci detorquens dictum secundum quid ad dictum simpliciter. Nō enim quando dixit Deus de his quæ creaverat, quod erant valè bona, etiam max summè bona dixit, quorum bonitati nihil possit omnino accedere. Cum perfectio & bonitas non sit uniusmodi, sed alia in creatore, alia in creaturis, scilicet summa,
media

media & infima. Ut Augustinus in enchiridio testatur dicens: à summè, æqualiter & immutabiliter bona trinitate creata sunt omnia, nec summè nec æqualiter, nec immutabiliter bona. scilicet tamen bona etiã singula, simul verò universa valaè bona, quia ex omnibus consistit universitatis admirabilis pulcritudo, in qua etiam illud quod malum seu imperfectum dicitur bonum ordinatum, & loco suo positum eminentius commendat bona, ut magis placeant, & laudabiliora sint, dum comparantur malis. Hoc etiam philosophi intellexerunt. Nam Aristoteles 1. de cœlo scribit: primum ens non ab omnibus secundum eandem mensuram participari, sed ab his quidem perfectius, ab illis verò imperfectius. Quod explicās Cæsalp li. 2. perip. q. 2 scribit: si æqualiter primum ens ab omnibus reciperetur, omnia simul unum essent, nulla enim esset differentia, per quam differrent. Quod si entia sunt plura & ab uno omnia, per diversam ejus participationem oriri necesse est. Idcirco factum est, ut ordine quodam disposita sint corpora universi, quaterus perfectius & imperfectius datum est illi esse. Hinc Scaliger de subtil. ex. 6 d. 5 inquit: in hac mirabili rerum vel structura vel digestionē summus opifex statuit gradus scilicet substantiarum. Et lib. 3. de caus. plant. cap. 1. Sa èntia per gradus quosdam inter se affinia sunt à prima materia usq; ad intelligentiam primam. Et iterum ibidem lib. 4. cap. 4. Quicquid est in suo genere perfectum est, quod si superiori generi cōparetur, imperfectum judicabitur, etiã homo. Nihil .n. perfectum simpliciter præter Deum.

Qua-

Quapropter perfectum & imperfectum est commune *πᾶσι* & entis, cujus multiplicitem propterea Arist. *in metaph. 4. cap. 16.* distinxit, & locum habet in summis & mediis generibus, speciebus & individuis, in substantiis & accidentibus, in animalibus, plantis & mineralibus. Forma est potior nobiliorque natura, quam materia 2. *phys. cap. 1.* Cælum perfectior substantia quàm elementa. In lementis ignis & aër magis sunt forma & *τὸ δέτε* quàm terra 1. *de ort. & int. cap. 3.* in mixtis nihil vulgatus divisione illa in imperfectè & perfectè mixta. Animalium perfecta sunt, quæ omnes sensus habent, imperfecta quæ pauciores, ut genera mollia, crustata, testata, insecta 4. *de h. stor. animal. cap. 8.* Item perfecta quæ simile animal immediatè generant, imperfecta quæ vermem aut ovum. 2. *de gen. animal. cap. 1.* In plantis videmus (inquit Scaliger *in 2. de plant. p. 114.*) eandem naturæ scenam, ut quædam sint perfectæ, nonnullæ careant stipite, ramis deficiantur aliæ, fructus aliquæ non ferant, aliis flos desit &c. Sicut autem singulis generibus certa in est perfectionis & imperfectionis ratio, ita in metallis, qua perfecta & imperfecta dicuntur præcipua est à generatione & mixtione. Experientia enim testatur in mineris à fossoribus observata metallorum imperfectorum transitum continuè fieri versus aurum, & argentum, ut Petrus Ferrariensis *cap. 20.* & Dionys. Zachar. *tractatus sui parte. 2.* docent. Hoc enim modo oritur quod est in motu ad formam ad quam ultimò ordinatur, debet dici imperfectum, sicut definit Aristot.

ſtot. 4. *metaph. cap. 16. & 24.* τέλει ἐσιν ἡ μορφή: τέλειον δὲ τὸ ἔχον τέλει: *finis est forma, perfectum vero quod habet formam.* Hanc ultimam formam sequitur perfecta mixtio, unde Geber scribit *libr. 1. summa perfect. cap. 8.* metallorum perfectionem circa mixtionis modum versari. Quam perfectionem & alii philosophi similiter statuunt, ut Scheg. de occult. med. facult. *cap. 3.* inquit: in substantiarum generabilium perfectione inprimis consideratur perseverantia & diuturnitas durationis ratione craseos, ita ut hæc perfectissima judicetur, quæ propter α' πάθειαν diutissime subsistat & perduret. Ejusmodi in metallis sunt aurum & argentum. Hujus perfectionis judex non est antichymistæ phantasia multennis, sed ignis & cætera artis criteria, de quibus apud Gebrum *lib. ultimo summa perfectionis* & apud docimastas videre est. Hæc omnia oculis ita manifesta sunt, ut si quis hunc perfectionis & imperfectionis ordinem in creaturis, & præsertim in metallis inficiatur, is clarissimum solem in meridie patentib. oculis se videre neget, & merito ad Anticyranum illud antichymistæ concilium relegandus sit, donec sufficientibus eileborismis purgatus sapiat. Itaque antichymistæ theoria potius blasphemæ, impia & demens est, dum metallis tribuit divinam perfectionem, quorum bonitati nihil omnino accedere possit, transmutans ipse species phyficas in metaphyficas phantastica religiofitate, quæ pariter à sacris literis refutatur. Nam si aurum aliis metallis melius atque perfectius dicere vetat pietas ut ait *thesi 28.* cur ornatum

templi

templi Hierosolymitani Deus præcepisset fieri ex auro potius quam ex aliis metallis? Blasphemi fuissent Magi, qui ab oriente Christo nato Puero aurum potius apportarunt muneri, quam stannum, plumbum, cuprum, ferrum. Blasphemus esset Petrus cum sanctis aliquot prophetis, qui fidem sanctorum auro & argento per ignem probato æquipararunt, non ferro, aut plumbo, propter perfectionem. Quid multis? Consensus omnium gentium & populorum, principum & regum, primatum inter metalla auro decernit, quod aliunde non est nisi à perfectione.

Quod nisi esset non perfectiora essent æterna caducis, cælestia elementaribus: nec valeret logicum illud principium 3. *topic.* quod diuturnius, id melius & eligibilius. Sublunaria quanto cælestibus & æternis similia tantò perfectiora. Similitudo hæc induratione & incorruptibilitate & puritate substantiæ consistit. Unde Hermes in *secreis cap. 7.* scribit: *O filii philosophorum corpora sunt septem; quorum primum est aurum, eorum perfectissimum, rex & caput, quod nec terra corrumpit, nec aqua alterat, nec res devastantes devastant; quia ejus complexio est temperata & natura directæ in caliditate, frigidityte, humiditate & siccitate, nec superfluum quicquam in eo est. Ideo philosophi ipsum prætulerunt;*

VI. Argumentum adversus divisionem metallorum in imperfecta & perfecta thes. 22.

SI natura in generatione metallorum semper intentata est in aurum tanquam in perfectius (per impedimenta autem suum scopum non semper assequitur) tunc consequitur illud absurdum, naturam saepius à suo scopo aberrare (cum major sit reliquorum metallorum quam auri copia) quod contradicit principio physico naturam ut plurimum suum adipisci scopum.

Responsio.

Fallit consequens. Quia unius rei possunt esse multi fines & scopus non unus. In generationibus quibusdam animalium & vegetabilium alia est forma media, alia ultima, utriusque tamen idem scopus est, nempe utilitas hominis. Sumus enim & nos quodammodo finis, ut alibi ex philosopho audivimus. Itaque in rerum generatione videmus naturam duplici procedere via ad perfectionem, mediatè vel immediatè ut alibi diximus. Sicut autem animal aliquando sibi simile generat, aliquando non statim simile, sed quiddam mediæ formæ, ut ovum aut vermem & planta aliàs è radice similem plantam profert, aliàs prius semen aut fructum: ita natura mineralis, ut Petrus Ferrariensis docet cap. 20. in generatione auri alibi ex propriis principiis aurum immediatè producit, alibi prius imperfecta. Nunc in vegetabilibus interroga agricolam & videbis minimam partem tritici pervenire ad frugem, id est, ad suam ultimam plantæ formam, maxima parte feminis intercepta ad cibum. In animalium genere in

reinterroga ancillam vel uxorem tuam & dicent tibi, gallinas suas plura parere ova, quam excludant pullos. Nihilominus tamen natura à scopo non aberrat, etsi in ovis, ob interceptionem ad usus humanos, in assecutione formæ ultimæ, quæ est pullos, quam tamen natura semper & primò intendit, ut plurimum frustratur. Novisti enim multò plura comedi solere ova, quam pullos. Deliras etiam si scopum ultimum non assequi & aberrare à scopo, in opere naturæ, idem putas. Quia tunc natura à scopo aberrare dicitur, quando gallina neque ovum generat, neque pullum, sed aut sterilis est, aut pro ovo vivace subventaneum vel aliud monstri producit. Sic etiam creator disposuit generationem metallorum ut eorum usus non solum sit in forma ultimâ, sed etiâ in forma mediâ ad quâcûq; perduxit illa minera. Et quemadmodum semen vel ovum intercipitur ad usum hominis, quò minus pertingant ad formam ultimam, ita etiam res se habet in metallis, quæ imperfecta effodiuntur. Nam si metalla imperfecta (inquit Vincentius in *specib. lib. 1. de alchymia*) remanerent in mineris suis, præpararet ea natura per gradativam mutationem, donec pervenirent ad speciem auri vel argenti. Ex quibus nunc manifestum est naturam neque in medio termino generationis, in quo subsistit ex accidenti, neque in ultimo, scopo suo frustrari. Et quamvis plures inveniantur fodinæ aliorum metallorum quàm auri, nihilominus natura scopo suo non frustratur, sed suo tempore potiretur, nisi intervenirent aut impedirent homines.

De progressu æris vel argenti in aurum magni fieri,
 stanni & plumbi in argentum alibi dictum est. Hoc
 tamen non de omnibus mineris intelligendum est.
 Sicut enim non omnis fert omnia tellus: ita quoque
 non in quavis vena metallorum hic transitus datur
 ob plura alia incidentia impedimenta ab ineptitu-
 dine materiæ nimium heterogeneæ & impuræ, à
 situ loci & imprimis ab influxu cæterorum plane-
 tarum prædominantium, cuius causa dicit Artesius
*in clave sapientiæ majoris cap. 1. nisi essent diversæ
 actiones & influentiæ corporum celestium in ipsa
 inferiora, omnia corpora mineralia essent aurum.*
 Præterea concessio hoc quod vult antichymista,
 nempe naturæ intentionem supremam non esse
 aurum, sed speciem cujuscunque metalli, nihil ta-
 men hinc alchymiz derogatur, cum transmutati-
 onem etiam in natura possibilem videamus non
 præcisè secundum viam hanc linearum, sed tam
 retrorsum quam prorsum in se invicem comine-
 re metalla, ut ferrum in cuprum & recrementum
 cupri inferrum. Et Albertus *lib. 3. de reb. min. tract.*
3. cap. 6. generationem metallorum ad se invicem
 etiam circularem esse demonstrat ex Hermète &
 aliis antiquis philosophis. Et dictum illud: *qui non
 albificat; non rubificat*, etiam hoc modo accipitur:
 nemo potest argentum in aurum vertere, nisi sci-
 verit etiam aurum in argentum reciprocè trans-
 mutare; Nam non solum propter hunc progres-
 sum naturæ seu formæ, sed multò magis ob pro-
 pinquitatem vel symbolum communis materiæ fit
 transmutatio in metallis, sicut in elementis, de qua
 et alibi plura.

VII. Argumentum adversus divisionem metallorum. thes. 23.

SI natura semper in perfectionem intenta est, multò magis creatio. Hinc ergò consequetur Deum antea, quam nullum creasse metallum præter aurum, tanquam perfectissimum, sed post lapsum demum in poenam hominis maximam auri partem in cætera metalla transformasse, aut eandem de novo creasse, quod est absurdum.

Responsio.

Maior multiplici falsitate laborat. 1. Nulla est legitima terminorum connexio. Natura enim & creator, item generatio & creatio in rer se referuntur : non autem natura & creatio. 2. Nulla est consequentia necessaria à generatione ad creationem, cum ut Deus & natura, ita generatio & creatio in multis differant. Creationis modi sunt infiniti : generationis in natura determinati. Quapropter sicut finiti ad infinitum non est proportio, ita à generatione naturali ad creationem non est necessaria argumentatio. Exempli gratia; Si quis diceret, natura in generatione requirit certum temporis spacium ad rerum suarum perfectionem : ergò multò magis creatio : cum tamen creatio non in tempore, sed ἐν τῷ νῦν fiat, vel naturalis generatio fit ex aliquo. Ergò creatio non fit ex nihilo. Absurdum. 3. Valdè tædiosum est respondere ad antichymistæ sophismata, in quibus tanti hiatus, & nihil nisi dissolutæ scopæ sunt. De industria non apertis

pertis aut integris syllogismis agit, sed enthymematis, quibus non solum altera propositio, sed interdum integri prosyllogismi desunt, in quibus fallacia occultatur, sicut hic fit: Sed eruamus prosyllogismum: Si natura semper in perfectionem intenta est: tunc solum aurum generat, quia solum aurum est metallorum perfectio. Sed prius est. Ergo posterius. Hic maioris ratio fallit errore consequentis. Aurum enim non est omnis metallorum perfectio, vel forma, sed perfectio, vel forma tantum ultima. Fallacia haec simili paralogismo declaratur. Possemus enim pariter concludere, nec Deum per verba, crescite & multiplicamini (nam iuvat semper antichymistam ex Genesi disputare) ovum gallinae creasse, hoc modo, si natura semper in perfectionem intenta est, tunc gallina solum pullum generat, quia solus pullus est generationis perfectio. Prius est. Ergo posterius. Et per consequens ante lapsum gallinae nulla peperere ova; sed post lapsum demum in cibum hominis sunt creata. Et antea formatos pullos pariebant, eosque lacte nutriebant, sicut vespertiones. Dignus profecto sermo convivii Saturnaliu, qualis incidit etiam apud Macrobiu, *libr. 7. cap. 16.* Ovumne prius fuerit an Gallina? Sed o absurde, fallis errore consequentis, putans nullam esse perfectionem; nisi ultimae formae; cum tamen ex supra dictis constet, esse etiam alias perfectiones metallorum (quatenus quiescunt in media forma; atque ita permanent in sua specie; sicut ovum & triticum) ad usus humanos. Tot enim

(inquit Scal. in com. de plant.) sunt rerum perfectiones, quot hominum utilitates: & li. 4. de caus. plant. c. 4. Theophrastus ait duplicem esse perfectionem ex duplici fine, alteram ad nostrum usum referri, alteram ad generationem. Ignis & aer sunt formaliora, teste Aristotele, nihilominus terra & aqua sunt creata etsi minus perfecta. In propriis auri mineris natura primò intendit aurū, & id solū: sed in mineris cæteris nō primò intendit aurū, sed imperfectiorū aliquid. Itaq; nec naturæ intentio omnis est primò auri generatio, nisi in propria minera, in cæteris n. mineris est naturæ intentio primò imperfecta generare. In mineris itaq; imperfectorum metallorum, si intentionem ad ultimam formam refert, intentionem cum executione confundit. Finis etsi primum est intentio, tamen ultimum est in executione seu effectu. Generationes rerum, quas natura intendit non fiunt subito, sed certo tempore, non ubiq;, sed definito loco, non confuse, sed certo ordine & modo transeundo per sua media: nec natura facit saltus. Esto naturæ intentio solum aurum, ex dictis tamen causis nō statim intentionem sequitur effectus. Itaq; retorquetur argumentum in antichymistam: Sicut enim non omne, in cuius perfectionem natura intenta est, statim ultima forma immediatè perficitur: ita creator in creatione non omne principium metalli nec omnem venam mox aurum esse voluit, sed suo modo & tempore. De duplici modo generationis auri supra diximus. Nihil etiam eorum sequitur quæ ante lapsum de creatione deliria somniat

antichymista. Cum Deus omnes species tam mineralium, quàm vegetabilium & animalium creaverit ante lapsum, & lapsuro etiam de omnibus ad vitam necessariis abunde providerit. Homo in integritate tam non indiguisset auro, quam ferro, expers quippe egestatis & laboris, quorum illius illud subsidium, hoc hujus instrumentum præcipuum est: nisi fortè auri usus fuisset ad vitæ elixir.

VIII. *Argumentum adversus divisionem metallorum thes. 68. 69. 70.*

DEUS admirabili sapientia creavit diversa metalla ad varios hominũ usus atq; necessarios. Annon hanc Dei sapientiam eludunt aurifices, dum naturæ ipsiq; Deo unam auri intentionem in productione metallorum præscribunt. Et thes. 69. Deus aut non voluit aut non potuit omnia metalla in aurum convertere in creatione. Posterius cogitare est Sathanicum. Ergò non voluit. Cur autem non voluit? Quia placuit ad diversos usus humanos diversa metalla creare.

Responsio.

Midæ votum & suum proprium somnium refutat antichymista. Quis enim unquam scripsit aut dixit Deo & naturæ unam auri intentionem in productione metallorum fuisse? Contrarium potius asserunt, ut videre est manifestissimè ex verbis Petri Ferrariensis, quæ ex margarit. cap. 12. in testimonium apponere volui. Oportet, inquit,

*necessariò dicere, quod imperfecta metalla ex intentione naturæ, & non à casu, id est, propter causas solū impediētes & corrūpētes fiāt. Propter cōplemētā. n. universi natura sapiens providit in generatione ipsorum arti & constituit ea sicut medium ad transitum auri. Quoniam diversa opera facit ars ex metallis imperfectis, quæ non potest facere ex auro. Unde dicere possumus, quod sicut secundum rationem naturalem tota terra deberet esse cooperta aquis, sed natura respiciens ad complementum universi, & commoditatem humanæ naturæ, & cæterorum animalium spirantium & vegetabilium coacta fuit dimittere partes quasdam discoopertas: ita cum omne metallum ex parte naturæ intendētis deberet esse aurum, natura coacta propter humanæ naturæ commoditatem cætera generavit metalla. Natura enim nihil facit frustra. 2. *phys. cap. 2.* Et similiter dicimus, quod sicut natura generat testiculos in animalibus non propter necessitatem, sed propter melius, ut dicitur 15. *de animalibus*: sic quasi dicere possumus, quod natura generavit metalla imperfecta, non propter necessitatem, sed propter melius, cum omne quod facit natura, faciat propter alterum istorum. Hæc Lombardus. Suprà etiam ex Artesio audivimus propter influentiās diversorum planetarum, qui sunt domini generationum & corruptionum in inferioribus, diversa existere metalla: Si autem sol esset solus, solum quoque aurum generaretur. Qua de re alibi accuratius disputatur contra eos qui negant corpora coelestia esse causam efficien-*

tem metallorum. Imò impossibile est à chymicis
 asseri, naturam intentam esse debere ad solum au-
 rum generandum, quoniam sic artem propriam
 destruerent, dicente rursus Petro Ferrariensi in *sua*
margarita : Si nullum metallorum reperiretur,
 nihilolum aurum, tunc ars alchymiae vana esset,
 quia cum ars non possit generare aurum ex suis
 principis, sicut natura, sed solum quæ imperfecta
 sunt, perficiat, sublatis imperfectis annihilaretur,
 nec haberet materiam super qua lapidem suum
 projiceret. Ad verificationem artis suæ (id est,
 quod sit naturalis sive quod imitetur naturam)
 non opus est, ut alchymistæ probent in omnibus
 mineris naturam intentam esse ad generationem
 auri : nam id verum non est intentione primaria,
 sed satis est si ostendant possibilitatem naturæ,
 quod nimirum in una vel altera minera factus sit
 transitus ab imperfectis ad aurum vel argentum,
 id quod suprà non uno exemplo palam fecimus :
 quoniam quod in una minera fit à natura, idem in
 cæteris mineris pariter à natura & extra mineras
 ab arte fieri possibile est, sicuti alibi demonstra-
 tum est. Cum nugis igitur suis antichymista ridi-
 culè depugnat, non cum chymicis, inani opera co-
 nans probare Deum in creatione debuisse ex illo-
 rum decretis omnia metalla in aurum convertere,
 quod tamen nemo chymicorum unquam asseru-
 it, sicut nec intentio eorum unquam fuit omnia
 metalla, ut ὅλως ὅλα in aurum convertere, sed τῶν

ὅλων μέρη: id est specierum individua seu partem, non species totas. Quis enim posset aut optaret totam speciem plumbi, id est omne plumbum, quod in toto mundo existit, vel alia imperfecta metalla in totum destruere, & in unam speciem auri convertere? Absurdum. Sic enim ipse artifex destrueret propriam artem, dum posteris præriperet subjectum aurificandi. Sed quemadmodum Aristoteles docet metabolen elementorum in se invicem fieri non κατέλθ, sed κατὰ μέρος: ita & metallorum transmutatio non fit secundum totam speciem, sed duntaxat secundum partem aliquam speciei, id est individua.

IX. *Argumentum thes. 28. contra metallorum divisionem.*

SI blasphemum est in creatorem dicere ullum individuum (excepto homine) esse melius atque perfectius altero (nam ratione creationis, nec elephas ove, nec cedrus corylo perfectior est) certe de metallis quoq; idem dicere vetat pietas.

Responsio.

Antichymista totus est ex absurdis compositus, sicut sua argumenta; quod palam fiet, si rem detracta larva sophistica brevius syllogismo integro contrahamus modo.

Nullum individuum est melius atq; perfectius altero

Quare? Quia ratione creationis neq; elephas ovis, neq; cedrus corylo perfectior est.

Sed metalla sunt individua : sic enim minor, quæ deest, suppletur.

Ergo nullum metallum melius est, atque perfectius altero.

Plura sunt vitia & falsitates, quàm propositiones. 1. Minor est manifestè falsa, quia metalla species sunt, non individua. 2. Maior absurda est, repugnans rationi & communi sensui. Quid enim manifestius & magis obvium, quàm in eadem specie unum individuum melius altero esse? Omnes deliberationes nostræ versantur in delectu meliorum circa individua. Quis empturus equum, canem, bovem, agrum non eligat melius? Considerentur loci comparationis, tertio topicorum Aristotelis, & inveniemus antichymistam hominem non hominem, sed bestiam rationis expertem. Creavit Deus caduca & æterna, quis autem dicet æterna ratione creationis non esse meliora atque perfectiora caducis. Maioris itaque ratio seu declaratio non minus falsa est dupliciter. 1. Quod Antichymista non manet in terminis, nec suam maiorem exemplis individuorum comprobat, sed specierum : cum tamen alia sit perfectio individuorum, alia specierum, illa à materia, hæc à forma. 2. Deinde exempla specierum quæ adducit, sunt impertinentia. Perfectæ enim animantes ac plantæ consimilibus speciebus perfectiores non sunt, sed imperfectis, de quibus supra, ut elephas, muscâ, talpâ (& aliis eiusdem generis, quæ non omnes sensus habent, aut simile non generant) perfectior est, non ove simpliciter, cedrus fungo

perfectior est, non corylo. Perfectum aut imperfectum relata sunt, quid autem est rerum creatarum, quod non cum alio in genere, specie, individuo conferri possit? Diximus supra ex Scaligero. Quicquid est in suo genere, perfectum esse, comparatum veiò superiori generi imperfectum censi. Eadē distinctione in metallis utimur. Quodlibet enim metallum in sua specie perfectum esse concedimus, ut habet *thesis* 24. & 25. Constat enim sua speciei forma, at comparatum in genere suo ad aurum, imperfectum judicatur. Quam distinctionem cum antichymista penitus ignoret, se ipsum & omnia confundit, & temerarius contra philosophos disputat, non aliter, ac si sua Mineram doceat. Reciperet profectò dignam sua stultitia mercedem, si suus princeps tali Regiomontano professori pro labore & opera professionis didactum, vel ægroti ipsius consilio usi soltrum nummis arithmeticis, id est, æreis pro aureis vel argenteis numerarent, ne cum Chymicis hac in parte blasphemii essent in creatorem, si statuerint aurum & argentum ære nobilius esse atq; perfectius. Tunc demum videbimus quid eum super hac re dicere jubeat vetetvè pietas, utrum æs pro auro & argento hac pietate sua accepturus sit, sicut accipere tenetur ex *thesis* 28. nisi velit ipse

blasphemiam in creatorem perpetrare spreto ære præ au-

ro.

X. *Argumentum thes. 29. adversus metallorum perfectionem & imperfectionem.*

SI Metalla in creatione perfecta sunt, suasque acceperunt materias & formas, tunc impietas atque dementia est dictæ perfectioni aliquid addere velle.

Sed prius est.

Quænam ergo impietas atque dementia est dictæ perfectioni aliquid addere velle, moliri novam creationem metallorum imperfectorum, novam auri: materiam ite & formam præstantiorem introducere, destructa materia & forma auri à Deo creati.

Similiter huic conclusioni declamat *thesi 20.* quæ blasphemia ipsum aurum etiam purissimum à Deo creatum ab arte posse exaltari perfectiusque fieri. Et *thesi 21.* Ecce Satanam humana specie apparentem & loquentem ipsissimum, hem scelus divinam creationem imperfectionis arguere! arti maiorem perfectionem, quam Dei sapientiæ atque omnipotentia tribuere! Viden illum auri mercurium factitium (fictitium puto) in Dei sapientiam atque omnipotentiam blasphemum innumeris modis aurum ab ipso met Deo optimo maximo creatum, superantem? Et *thesi 27.* Quid tu Chrysopæ Deum oppugnas species novas creando, species à Deo conditas confundendo ac transformando? cur in ipsum thronum te collocas? Num istam tuam audacem impietatem inultam ipse feret?

Re-

Responsio.

Quale argumentum, talia verba, id est, absurda, nugatoria, temeraria. In maiore antichymista blasphemus in Deum, absurdus in naturam, & demens in artes. Dicere enim rebus naturalibus semel perfectè creatis nullam perfectionis accessionem fieri posse multò maximè est providentiæ, sapientiæ & omnipotentiae divinæ contrarium, quoniam 1. sic Deus ex lapidibus, qui pariter materiam & formam suam in creatione ex opinione antichymistæ acceperunt, non posset filios Abrahamæ suscitare, aut ex aqua vinum facere, contra quam sacra testatur scriptura. 2. Scientiarum subjecta confundit, ex metallis, quæ sunt species physicæ faciès metaphysicas, ἐκ πρῶτης οὐσίας ἔσιν ἀπλῶς ὄντα, ex caducis æterna, quæ tamen toto genere distant. Solæ enim substantiæ simplices ea perfectione unt, ut nihil dissimile sui aut dispar in semetipsis habeant, nihilque additionis aut detractionis patiantur. Corporis verò naturalis species, quarum in numero sunt metalla, propter materiam cum qua sunt concretæ hanc perfectionem non habent, sed conjunctæ sunt cū δυνάμει ἀντιφάσεως atque privatione talis perfectionis, propter necessitatem generationis. Est itaque hoc nihil aliud quàm in natura negare motum generationis & corruptionis, &c. & incidere in absurdam opinionem Melissi. 8. phys. c. 3. dicentis, omnia quiescere, nihil moveri. Hanc ἀρρώστειαν τῆς διανοίας, ut ibidem Aristoteles vocat, relinquamus antichymistæ,

stæ, nos contra novimus corporum naturalium proprium *παύειν* esse, mutari, generari, corrumpi posse, &c. & supra demonstravimus metalla esse *γεννητὰ*, quia *φθαστὰ*. Et quid notius, quam omnem generationem esse cum imperfectione, sicut & corruptionem, in quibus fit prioris formæ abolitio & novæ additio : Nec omnes omnino formæ sunt perfectæ, sed tantum ultimæ in ordine. Ovum accepit à natura animalis suam ovi materiam & formam, similiter semen plantæ perfectum est in sua seminis forma, in qua media forma utrumque quiescit, nihilominus tamen accedente extrinsecus hominis opera promoveri possunt ad aliam ultimam & perfectiorem formam, quæ est pulli vel plantæ. Sic & imperfecta metalla, quæ ovo & semini correspondent in suo genere, in generationis progressu ad auri formam ab arte promoventur. Nonne quodlibet elementum in creatione accepit suam materiam & formam perfectam? Attamen coram oculis tuis tam naturæ, quam arte ex qua fit aër mediante calore, ubi perfectò additur materiæ aquæ nova forma aëris, & quidem perfectior, ut Aristoteles asserit *1. de ortu & inter. cap. 3.* Nisi ô absurde antichymista in ventriculo & hepate, cæterisque partibus corporis tui alchymistam, id est, transmutatorem gestares, qui pisciculorum, avicularumque & cæterorum esculentorum formas destrueret, aliamque novam alimentis adderet, crede mihi dudum fame interiisses. Num & is species à Deo conditas confundendo ac transformando Deum in te oppugnat,

gnat, & in thronum eius sese collocans impietatem hanc audacem inultam non feret? At hæc tui alchymistæ transmutatio multò confusior ex pluribus & diversis est & remotior, quàm nostra, quæ tantum sic speciebus unius tantum generis proximi & commune habentibus symbolum.

3. Maior quoad artes cum falsitate insaniam etiam implicat. Dona Dei bifariam nobis conferuntur; quædam perfectè & immediatè sine ulla nostra opera, ut anima, vita, intellectus, voluntas, & externa illa, sol, lux, dies, nox, ær, &c. quædam verò imperfectè, & non nisi mediante humano ministerio, ut sunt alimenta, vestimenta, medicamenta, & alia vitæ necessaria, quæ creator homini reliquit perficienda ad suos usus. Hinc Cicero 2. *Offic.* inquit: *Quæ ad vitam tuendam pertinent, partim sunt inanima, ut aurum, argentum, ut alia quæ gignuntur è terra, ut alia eiusdem generis: partim animalia, &c.* sed ea ipsa, quæ inanima diximus, pleraque sunt hominum operis effecta: quæ nec haberemus nisi manus & ars accessisset. Pleraque itaque omnia quæ Deus ad hominis vitam tuendam creavit, perfectionem ab arte accipiunt, quoad usus nostros vel substantialem vel accidentalem. Sumus enim & nos teste Aristot. 2. *phys. cap. 2.* quodammodò finis & rerum creatarum perfectio, & in multis, inquit idem in mechanicarum principio, natura ei, quod nobis usui esse potest; contrarium facit: Natura enim eundem semper habet modum & simpliciter: utile autem multifariam commutatur, tot ergò secundum Aristotelem

telem sunt perfectiones rerum creatarum, quor
commutationes ad utilitatem hominis. Exemplis
agemus. Creavit Deus triticum in sua specie, nec
simul creavit panem, sed lapso dixit: in sudore vul-
tus, id est, opera artis, comedes panem tuum. Crea-
vit similiter triticum perfecta specie, quæ tamen
integra non servatur, sed in lolium degenerat, nisi
adjuvetur agricultura. Creavit vitem, sed nisi arte
colatur, mox deficit in labruscam. Creavit plantas
ceteras, audi tamen, quid Scaliger cum Theophra-
sto lib 3. de caus. plant. cap. 1. scribat, *quasdam plan-
tas à natura sua nancisci perfectionem, quasdam
foris querere ab homine, quia non habent intus.* Et
ibidem lib. 1. cap. 18. *arte fieri, ut natura summum
illum perfectionis apicem in plantis adipiscatur.*
*Itaque naturæ perfectionem à cultu, qui arte con-
stat, esse petendam.* Hæc Scaliger. Fruitiones
è radicibus vel truncis arborum sunt steriles & in-
utiles, nisi opera plantatoris perficiantur ad fru-
ctificandum. Dignus es planissimè, cui vino inter-
dicatur: Illud enim non biberes, nisi naturæ ac-
cederet perfectio ab arte. Lino, cannabi & velle-
re te regeres, nisi vestem ab arte acciperes. In sum-
ma, si vera esset theoria tua lapidea, ô absurde an-
tichymista, nec agricola, nec molitor, nec pistor,
nec coquus, nec vinitor, nec textor, nec sartor, nec
futor, nec pharmacopœus, nec tu medice sine blas-
phemia opera artis exerceres quoniã in omnib. his
naturæ creatæ fit perfectionis quædã ab arte acces-
sio. Omnis quidem ars est subjecti sui, quod à natura
imperfectum suppeditatur, quædam perfectio
vel simpliciter vel ad usum nostrum: quod adeò

manifestum est, ut quædam artes duntaxat definiantur additione deficientium & ablatione superfluum in re naturali. Perfectum non est cui per artem aliquid addendum vel demendum est. Nonne medicinam Hippocrates in *libr. de flat.* definit adiectione necessariorum & detractiōe inutilium: Similis opera agriculturæ est circa plantas, quarum naturam emendat demendo superflua & addendo necessaria, quam analogiam utriusque artis videns Scaliger *comm. in 3. de caus. plant. cap. 2.* pronunciavit agriculturam medicinam plantarum & medicinam agriculturam hominum. Eadem ratio est alchymiae, quam similiter Geber in *libr. invest. g. perfect. cap. 2.* definit esse in metallis superflua demere & absentia supplere, & sic notam eis immittere perfectionem. Quæ verba quamvis à Gebro de medio opere dicta sint; tamen id verius præstatur per operis maioris medicinam, cuius proiectione super imperfecta superfluum illud extraneum sulfur à mercuriali substantia removetur, & quod in ea crudum est sulfuris huius non urentis coctione perficitur. Distinguentes sunt artes, & earum perfectiones quæ sunt dissimiles. Quædam enim naturam imitando eam non modo non superant, sed ne æquant quidem, ut sunt statuaria, pictoria, & cæteræ quæ solo motu artis perficiunt subiecta sua formia tantum accidentali & externa: quædam verò naturam imitando eam haud parum superant, ut sunt, quæ modo nominavi, agricultura, medicina, & alchymia, quæ non solo externo artis, sed & naturæ motu in-

tu interno ad efficienda sua opera utuntur. Eadem est sententia Aristotelis, qui in principio primi Rhetoricorum scribit, dum aliquid fit arte & natura, longè melius fit arte, scilicet complicata cum natura, quàm natura tantum. Et in principio mechanicarum: ars naturæ juncta valet superare ea, quibus per naturam vincimur, ut patet in gravissimorum ponderum artificiosa elevatione. Sed quid diutius lumen soli inferimus? cum res hæc, de qua cum insano isto antichymista disputo, lip-pis & tonsoribus nota sit. Species metallorū transmutamus & perficimur ea arte, quam Deus suos docuit. Num blasphemia est artem exercere, quā ipse docuit, ut alibi demonstrabitur? Interim interroga super his plantatorem, qui pariter species transplantat, num cydoniam in pyrum, aut pyrū in pomum cum blasphemia creatoris vertat? Et sine dubio tibi precabitur sanam mentem. Fallax igitur est elenchus oppositorum, cum creatio & artificium nō sint opposita, sed subordinata. Idem enim Creator, qui propter hominem (inquit Scaliger *com. in lib. 1. cap. 18. de caus. plant.*) plantas (& cætera) fabricatus est, homini dedit rationem, dedit manum, unde & à tempore locoque plantis & à plantis sibi suppeterent expeditæ commoditates. In rebus inanimis natura habet tantum principium τὸ κινεῖσθαι, & indiget manu hominis ut principio se movente & activa cum passivis ad generationem & perfectionem ritè conjungente. Sicut igitur triticum non multiplicatur sine agricultura, nec arbor sterilis fructificat sine insitione:

ita nec metalla generant sibi similia sine alchymia, Quamvis enim lapis noster, inquit Arnoldus & Lilius jam in se tincturam naturaliter contineat, quoniam in corpore terræ perfectè creatus est, tamen per se motum non habet, ut fiat elixir completum, nisi moveatur arte & operatione. Et ideo artes diversæ à diversis philosophis sunt inventæ, ut compleatur per artificium, quod à natura est relictum incompletum & imperfectum. Si quaeritur quomodo lapis creatus in ventre terræ ab arte exaltari multoque perfectior reddi possit, sciendum est, non quaeri perfectiorem aliquam speciẽ, quàm est auri (quod jam ad supremum gradum perfectionis metallicæ pervenisse, ideoq; in nobilius metallum mutari non posse concedo) sed perfectionem virtutis generativæ, seu multiplicationẽ per individua, quæ vis in hoc subjecto delitescens in actum arte elicitur. Quemadmodum nec agricola desiderat speciem perfectiorem tritico, sed tantum eiusdem in individuis multiplicationem. Hanc potentiam naturæ similiter in metallis posse in actum elici & perfici confirmat Marsilius Ficinus *libr. 3. de vita cœlitus comparanda cap. 3.* his verbis: *Si queris cur metalla non generent, quæ inter elementa & animantia media sunt, causa est, quod spiritus in eis crassiori materia continetur, qui si ritè secernatur, secretusq; servetur, tanquam seminaria virtus poterit sibi simile generare, si modò materiæ cuidam adhibeatur generis eiusdem.* Hæc Marsilius. Hic spiritus generativus proportionem respondens elemento stellarum (ut philosophus

phus libr. 2. cap. 3. de gener. animal. loquitur) in lapide nostro certa methodo artis caloreque proportionali excitatur, & ita multiplicatur, ut tandem fiat elixir & tinctura millies millesies fortior, quàm sunt ipsa corpora naturalia naturali calore decocta, ut scribit Rog. Baccho in speculo capit. 3. Deinde etiam aurum quod hinc fit, perfectius & melius est naturali, ut omnes artifices testantur & ipsa experientia. Hinc Comes Mirandulanus lib. 2. de auro cap. 7. scribit: *Ars non solum naturam dicitur imitari, sed planè perficere, ut nō absolum hinc videri queat, quod à multis asseritur jam factum, & me vidisse non abnuo, idest, fieri per artem posse naturæ adjumento aurum nativo perfectius, certè coloratius, & Alberti persuasit autoritas, & ostendit experientia apud multos; etiam à philosopho Psello proditaliteris, qui docuit arte fieri perfectius aurum micis, ramentis, frustulisque Pactoli. Et Paracelsus de natura rerū lib. 9. Nostrum aurum & argentum, quod tinctura nostra fit, melius & nobilius est ad preparationem omnium medicinalium arcanorum, quàm illud quod natura ipsa in mineris generavit & à venis separavit. Textus philosophiæ: Aurum & argentum per nostram medicinam generatum excedit omnē solem & lunā naturalem in omnib. proprietatib. tam medicinalib. quàm alijs. Comes Trevisanus in epistola: Opere artis philosophica citius & breviori tempore generatur aurum perfectius, nobilius, & gradibus sublimius, quàm opere naturæ. Directorium alchymix: nihil obstat, quod au-*

rum alchymia sit auro minerali preciosius, quia talis mineralis preciositas est perfectionis accidentalis, quae speciem non diversificat. Lombardus etiam cap. 2. ait, *Aurum artis esse melius, purius & perfectius naturali addita ratione* : quia alchymicum est ab omni sulfure & superfluitate mundatum minerale autem quodcumque illud sit, habet sulfuris alicuius adherentis commixtionem. Similem ferè rationem Paracelsus reddit libr. 9. de naturarum inquit : *Nostra tinctura astraliter perfecta & preparata singulare perfectionis suae indicat simile fulgurationi minerali, quae fit in montibus. Nam si pauca eius portio in metallum liquidum projecta fuerit & amborum in igne coniuncta fiat, naturalem praebeat fulgurationem, perinde ut aurum vel argentum purum in cineritio circa purificationis finem fulgurat.* Hæc Paracelsus. *Nostrium igitur argentum & aurum jam per medicamentum fulminaturn est, & purgatum ab omni sulfure extranea : naturale autem nunquam tantum purum est, quin cineritio, aut alia purgatione indigeat.* Id attestatur singulari historia & experimento auri à plumbo facti Basileæ Dienhemius de medicina universali cap. 24. dicens : *post projectionem factam effuso tigillo non amplius plumbum, sed aurum purissimum reperimus, & quod post examinationem aurifabrorum multis parasangis aurum Ungaricum & Arabicum superaret, cuius particula rei memoriam Zuvingero donata fuit & adhuc extat.* Quis ergo jam non videat, quàm vehementer elleboro indigeat antichymista, qui dum m-

callis ab arte perfectionem accedere sine blasphemiam creatoris posse negat, se & totum humanum genus omni beneficio artium, quas tamen Deus æquè, ac ipsas res creatas homini concessit, stultissimè privare contendit. Et si blasphemiam esset aurum creatum vel natum perfectius arte facere, nec quoque liceret aurum vel argentum impurum è minera per cineritium, cementum, antimonium, quartationem, &c. perfectius vel purius reddere, quod est absurdum, & suæ etiam *thes. 9.* contradictorium. Inepta scommata & cæteræ τῆς ἀρρώστιας διανοητικῆς φλυαρίαι, quas adversus artem huic sophismati admiscuit, insanix maioris argumentum sunt, quæ tanti facimus, quanti insanorum aut melancholicorum convicia faciunt medici, quoniam post demonstratam jam veritatem futilitate sua per se ipsa ruunt, & contrarium potius ex superioribus patet, nempe assertionem hanc antichymistæ esse in artes, quæ sunt dona Dei, blasphemiam, impiam, stultam, & providentiæ, sapientiæ, omnipotentix atq; misericordiæ Dei ex diametro oppositam, contra quam ipse *thesibus 20. 21. 29. & 73.* alchymix temerè affingere ausus est.

XI. Argumentum thes. 42. à modo generationis seu vere transmutationis.

SI metallorum essentialis fieri posset transmutation, naturæ operationi conformis fieret, ita ut uno actu ac simul & forma substantialis prior aboleretur & nova introduceretur: ut fit in alimenti transmutatione in corpus alendum.

At neque ignis neque quicquam eorum, quæ in operationibus aurificationis adhibentur, formam auri in se continent: Aliàs quodlibet metallum esset ipsummet aurum.

Ergo metallorum non fit vera transmutatio,

Responsio.

Minor est falsa ex insufficienti enumeratione partium vel specierum. Et si enim neque ignis neque imperfecta metalla, neque aliæ species quas Sophistæ admiscunt (per alba albificantes, & per citrina citrinantes, manente eadem specie metalli prioris in materia, qui procul dubio deceptores sunt, & verum aurum & argentum non faciunt, ut loquitur Albert. lib. 3. de mineralib. tract. 1. cap. 9.) formam auri continent: elixir tamen philosophorum eam continet, quo sulfur extraneum, quod erat causa prioris formæ imperfectorum in momento quasi separatur & introducit nova forma auri per sulfur intrinsecum non urens. Hinc Petrus Ferrariensis in introductione: Ex iisdem principiis mineralibus corporum metallicorum sicut natura generat aurum sive compositum, ita ars ex iisdem generat formam auri, quod est elixir, quod quidem si proiectum fuerit super imperfecta metalla seu materiam, fit per conflationem eorum commixtione compositum, quod est aurum. Et quod ignis coctione sua non possit imperfecta perficere in aurum, ultrò fatentur philosophi. Scribit enim rursus magister bonus his verbis:

bis : *Nolumus ponere metalla imperfecta in igne ignitionis aut liquefactionis, & sic servare, quousq³ aigerantur, & perficiantur in aurum, quia fatuum est hoc dicere & imaginari & impossibile: sed ipsis liquefactis ad ignem immediate imponimus lapidem secundum justa pondera ipsa perficientem.* Porro in ratione minoris, cum inquit : *alias quodlibet metallum esset ipsummet aurum, imperitè & sophistice loquitur, potentiam ab actu non distinguens.* Nam quodlibet metallum etsi non actu, potentia tamen aurū est, quod ex eo liquet, quod imperfecta metalla à natura in mineris quibusdā paulatim perficiuntur in aurum, & singula etiam effossa granum aliquod in se continent incorruptibile auri vel argenti. Itaque non naturæ, sed nostri respectu negatur eis potentia ad aurum. Quoniam, si sine elixire nostro vellemus ea per se in igne coquere, & perficere in aurum, tam expensis, quàm vita deficeremur, priusquam opus compleremus; imò non est datum nobis tantum vitæ spacium, ut vel argenti decoctione sola in aurum mutatio expectari possit, sicut omnes philosophi testantur.

XII. Argumentum thes. 43.

Mercurius non potest figi, nec auro sua fixitas auferri propter uniformitatem: pariter nec cætera metalla figi, nec in mercurium reduci possunt, & quamvis videantur aliquo modo ab ignis & aquæ fortis vehementia resolvi, tamen nihil aliud fit, quam quod friabilitati accedit, quantum eorum tenacitati decedit: unde reducuntur rursus.

Ergo omnis metallorum transmutatio est deceptio sophistica.

Responsio.

SI verba revocentur ad syllogisticam formam, statim patebit duplex fallacia una secundum non causam ut causam, altera consequentis. Syllogismus sit pro antichymista :

Corpus uniforme non est mutabile infixum vel volatile.

Sed mercurius & aurum sunt corpora uniformia.

Ergo mercurius non est convertibilis in fixam, nec aurum in volatilem sive mercurialem substantiam.

Maior simpliciter est falsa: quia alioqui tantum organica corpora & non similiaria essent mutabilia corpora naturalia. Uniforme enim & simile idem sunt. Ignis est corpus uniforme, & tamen mutari potest in terram, quod est corpus fixum. Et terra similiter est corpus uniforme, si non in superficie, tamen in centro, nihilominus statuitur à physicis mutabilis in alia elementa volatilia.

Deinde non sequitur: Metalla igne & aqua forti resoluta, ut antichymista scit, reduci possunt, vel mercurius igne solo non figitur. Ergo nullo modo metalla resolvi possunt in mercurium, quin reducantur & mercurius nullo modo figi. Fallit consequens. Quia præter hos, quos antichymista hic posuit, longè alii & diversi sūt modi, quos ipse nescit & soli philosophi sciūt metalla resolvēdi in

mercurium & mercurium figendi. Et antichymista perperam more plebeculae, difficile & impossibile, ut terminos vicinos non discernere novit. Aurum difficulter solvitur in mercurium & mercurius difficulter figitur. Non sequitur, ergo omnino non solvi aut figi potest: quia impossibilitas pendet ab imperitia, non ab arte.

XIII. *Argumentum thes. 44.*

I Stud & hæc ratio invicta comprobatur. Si enim quicquid est actu humidum, & quicquid actu siccum, potestate verò humidum vel fluidum, à Deo creatum est impedimento remoto in pristinam suam naturam redit, tunc forma nulli humido hujusmodi detrahi potest.

At prius confirmat experientia. Verum itaque & posterius.

Et per consequens nec auro forma propria detrahi & detracta rursus alii communicari potest.

Responsio.

Audimus sanè sophistices elenchū, sed non invictum, imò meram petitionem principii, ubi superius argumentum repetitur tantum & notius per obscurius probatur, ad quod etiam intelligendum Oedypo conjectore fermè opus foret. Resumamus & exemplo manifesto simul stultitiam & falsitatem declarem argumentatoris & argumenti. Aqua est actu humida, & glacies actu sicca, potestate verò humida vel fluida à Deo creata, quæ

glacies frigore remoto per calorem in pristinam suam naturam actu humidam redit. Non propterea tamen aquæ vel glaciei sua humiditas nunquam detrahi potest, aliàs aqua nunquam converteretur in aeris, terræ vel ignis elementum, quod est absurdum. Itaque contrarium confirmatur experientia. Sed resumamus aliter secundum ipsius phantasiam. Voluit dicere : Si metallorum in mercurium per aquas fortes vel regas resolutio fieri nequit, quin rursus possint (impedimento dubitabilitatis, quod est à mineralibus spiritibus, remoto) in pristinam suam naturam seu formam seu corpus reduci : tunc nulli metallorum forma detrahi potest. At prius est verum. Ergo & posterius : & per consequens nec auro sua forma detrahi & postea aliis communicari potest. Sed fallit se ipsum ignoratione elenchi, sicut & supra fallacia consequentis. Etsi enim totus syllogismus concedatur : conclusio tamen aut consequens arti nihil repugnat, quoniam opus universale non consistit in tali metallorum vel auri in mercurium reductione, nec in formæ ab albo suo corpore separatione, ejusque in alia rursus corpora intromissione. Hæc tua & sophistarum est opinio & labor inutilis, non philosophorum. Multum de eadem forma declamatur *thesibus*. 18. 56. 57 58. 59. 60. 62. magna vanitate, eò fortassis ut antichymista aliquid ignorantibus videatur novisse in chymicis, cujus tamen universam in philosophicis & chymicis scientiam cassâ nuce non emerim. Sed hæc alibi refutata sunt. Deinde si philosophi circa talia sophistica

stica & infructuosa particularia labores & sumptus impendere vellent, ipsos scientia non lateret hæc consequendi, sed antichymistam & alios artis imperitos. Itaq; etiam fallacia est consequentis, quia hæc formæ auri extractio necessest verus, nec omnis modus tincturam faciendi: sicut nec antichymista, est omnes homines, nec ejus scientia aut experientia est universalis omnium hominum vel artificum scientia experientiæve. Ad eundem elenchum referenda sunt, quæ *thesi. 56.* scribuntur: Rubedo auri extracta non est tinctura. Ergò nullo alio modo tinctura fit. Quia tinctura nostra hoc modo nequaquam extrahitur: sed primùm fit nigra, postea alba, ultimò rubra. Antichymistæ autem rubedo est ejusdem coloris in principio, medio & fine: sicut contrà sua frons est sine rubedine in hujus disputationis principio, medio & fine.

XIV. *Argumentum thes. 47. 48. 53.*

Saurum non potest fieri ex ullo alio metallo, multò minusex rebus aliis toto genere diversis.

Atqui aurum non potest fieri ex ullo imperfectorum: quia imperfecta non habent materiam cum auro communem: nec ex ipso auro: quia in auro non est tinctura.

Ergò aurum omnino non potest arte fieri & proinde ars nihil est.

Responsio

Responsio.

Maiores conceditur. Pari ratione dici potest: Si homo ex homine non generatur, multò minus ex asino generabitur vel arbore, vel lapide. Quis hoc negat? Nam simile à simili procreatur naturaliter. Minor verò falsissima est. Quapropter audiemus quomodo duo membra eius distinctis argumentis probare velit.

Primi membri minoris probatio, quod nempe imperfecta non habeant materiam cum auro communem.

Aurum est ἀφθαρτον: reliqua metalla φθαρτὰ:
 Illud ponderosum; hæc minus ponderosa.
 Illud cordiale: hæc venenata.

Quomodo ergò φθαρτὸν potest esse materia
 τῷ ἀφθάρτῳ leve, gravis, venenum, medicinæ?

Responsio.

Negatur consequens. Nam diversæ proprietates, quæ insunt compositis rebus naturalibus à forma, non arguunt materiam diversam, sed tantum diversam formam. Incorruptibilitas, pondus, virtus cordi salubris insunt auro à sua forma per se: quemadmodum & imperfectis metallis insunt corruptio, ponderositas minor, & venenati halitus à sulfure extraneo corrumpente, quo informantur imperfecta metalla ad certam speciem.

Si

Si istae proprietates diversae ostenderent materiam metallorum diversam, etiam terrae gravitas & ignis levitas, item illius frigiditas & huius caliditas pariter probarent diversam materiam elementorum, & non solum diversam formam: quod tamen est absurdum ut omnes vident. Sicut igitur una & eadem materia prima commune subiectum est contrariarum formarum, actionum, perpeffionum & qualitatum in clementis: ita & substantia sive materia mercurialis est susceptiva septem formarum metallicarum à se invicem differentium proprietatibus activis & passivis. Antichymista in tota sua disputatione hac theoriae suae annosae deliria solis ferè enthymematis cōcludit, qui mos est rhetorum & sophistarum ad fucum facilius veritati obducendum, contra quam philosophi factitant, qui sua plerunque integris & apertis syllogismis demonstrant. Sed adversus hos dolos sophistarum optima medicina est si eorum dissolutae scopae in legitimam & simplicissimam syllogismi formam velut ad incudem veritatis revocentur. Quod & in hoc enthymemate faciendum est hoc modo:

Aurum est ὁ φθαιρον,

Cetera metalla non sunt talia, sed φθαιρά.

Ergò cetera metalla non sunt aurum sive quod idem est, cetera metalla non habent formam auri, sive eis deest forma auri.

Quid verò antichymista infert? Longè aliud & plus, quàm vi praemissarum concludi potest: nempe, ceteris metallis non inesse materiam auri. Perinde est ac si dicerem:

Ignis

Ignis levis est & calidus

Terra contrà: gravis & frigida.

Ergò terra & ignis non est communis materia.

Plus est in conclusione positum, quàm in præmissis. Nam non illud sequitur, sed hoc tantum: ergò terra non est ignis.

Quod verò consequenti immiscet dictum Aristotelis, rogans, *Quomodo φθαρτὸν materia sit τῷ ἀφθάρτῳ* iterum confugiamus ad integram formam syllogismi hypothetici prout materia fert hoc modo.

*Si aurum est ἀφθαρτον, cetera metalla φθαγ-
τὰ, tunc ceteris metallis non inest materia au-
ri, siue quod idem est, cetera metalla non ha-
bent communem cum auro materiam.*

*Connexionem probat dicto Aristotelis dicentis
φθαρτὸν καὶ ἀφθαρτον toto genere siue mate-
ria differre.*

*Sed aurum est ἀφθαρτον, cetera metalla φθαγ-
τὰ.*

Ergò ceteris metallis non inest materia auri.

Hic apparet paralogismus ex quatuor terminis. Nam φθαρτὸν καὶ ἀφθαρτον, id est corruptibile & incorruptibile (ut Schegkiius annotat in *lib. de caloris vica. 3.*) dupliciter dicitur. Quædam enim sunt ἀπλῶς ἀφθαρτα, quæ simpliciter corruptibili-
bus opponuntur, ut cælestes substantiæ mortali-
bus & caducis substantiis, quæ toto genere physico inter se discrepant, ut Aristot. *lib. 9. metaphys. cap. 10.* testatur. Alia sunt secundum quid ἀφθαρ-
τα, quæ & ipsa secundum quid sunt φθαρτὰ: ut si
quis

quis aurum respectu ignis esse ἀφθαρτον attamen respectu alterius φθαρτὸν seu corruptibile esse dixerit. Hæc Schegkiius. Eadem est Aristotelis mens. Nam homonymiam hanc ipse explicans *libr. 1. de celo cap. 11. scribit*: λέγεται δὲ ἀφθαρτον καὶ τὸ μὴ ῥαδίως φθειρόμενον, id est dicitur incorruptibile etiam id, quod non facile corrumpitur. Αφθαρτον itaque in maiore propositione pro incorruptibili secundum quid: in ratione ejus, sive in adducto Aristotelis dicto pro simpliciter in corruptibilibus, qualia sunt cœlestia & æterna, accipitur. Aurum enim non est ἀπλῶς ἀφθαρτον. Destruipotest, sed difficulter, inquit Geber *libr. 1. sum. perf. cap. 8.* Et ipse mox antichymista *thēsi. 51.* semetipsum refutat fatendo, aurum per accidens corrumpi posse. Quod quidem fieri non posset, si esset ἀπλῶς ἀφθαρτον, sicut cœlestia & æterna, quæ contrario carent. Homo autem in natura reperit arte contrarium auri & inimicum & destructorem, cujus artis utilitas non pervenit ad hominem duræ cervicis. Ex qua distinctione perspicuum est, quàm pueriles parturiverit tot annos ambiguitatis elenchos noster antichymista, & quod non meliorefato nūc Aristotelem, quàm supra in primis thesibus Moſen contra chymicos produxerit, si non in bonum, tamen in magnum argumentum stuporis ingenii sui, atque adeò omnis in theologia & philosophia ἀπαιδευσίας. Ad hæc si ponderositas est indicium diversæ materiæ, etiam mercurius aliam habebit à metallis materiā, in quo omnia metalla supernatant, præter

ter aurum, quod in eo solum submergitur, ut Ge-
 ber etiam tradit *lib. 1. summa perfect. cap. 15.* Sed
 hoc est absurdum, & tam omnium philosopho-
 rum decretis alienum, quàm manifestissimæ ex-
 perientię contrarium. Sicut enim omnia metalla
 ex eo constare, traduntur, ita arte in illud iterum
 resolvi possunt ad oculum, quod si antichymista
 ignorat, decet ipsum hoc discere, ut sapiat tandem.
 Præterea nec omnia imperfecta metalla venenum
 habent, sed quodque suas virtutes: sicut enim au-
 rum cordiale, ita argentum cerebrale est, & fer-
 rum lienare atque hepaticum, idque à formis pos-
 sident, non à materia per se. Pudeat antichymi-
 stam, si modò adhuc frontis aliquid aut mentis
 habet, negare, omnium metallorum esse materi-
 am communem, recogitatem, quod sibi omnium
 philosophorum atque literatorum hominum cō-
 sensum obsistentem habeat, qui consensus instar
 maximi argumenti ducitur. Quis es tu antichymi-
 sta, qui horum omnium auctoritatem vellicas, tibi-
 que uni magno opinionis errore plus arrogas sci-
 entię, quam istis omnibus tribuis, contra quam te
Galenus docet in libro de usu partium, inquit,
 ignorationem uni potiustribuendam, quàm aliis
 omnibus. Si auri & cæterorum non est commu-
 nis materia, aut aurum solum erit metallum &
 cætera non erunt metalla, aut cætera erunt & au-
 rum non erit. Metalla enim dicta sunt propter
 commune genus communemque proximam ma-
 teriam. Elige utrum vis, absurdum non effugies:
 imò nec contradictionem propriā. Metalla enim
 per

per totam disputationem sub communi genere & nomine comprehendisti. Nisi esset communis metallorum materia; non tam facile miscerentur. Quæ enim genere vel proxima materia differunt, non miscentur, ut videre est in aqua & oleo. Facile igitur miscentur tantum homogenea; id est quæ sunt ejusdem naturæ & materiæ. Unde Avicenna in mineralibus ait; ideo misceri argentum vivum cum corporibus (id est metallis) quia sit de substantia eorum. Communia $\pi\acute{\epsilon}\theta\eta$ ostendunt communem materiam. Omnium commune est esse densæ, fortis tenacisque substantiæ & ponderosæ; duci sub malleo in laminas; extendi in fila, liquari in igne, congelascere in frigido; uniri cum mercurio; solvi in aquis stygiis; idque tam auri est, quam æterorum metallorum. Præterea generatur aurum cum imperfectis in eadem massa & vena: Item in quibusdam venis imperfecta metalla tandem in aurum transeunt: Similiter ex imperfectis projectionem medicinæ arte fit aurum: quod ipsum sensu est evidens; si non omnibus, attamen artificibus. Quæ transmutatio nunquam fieret; aut fieri posset nisi metallorum omnium esset communis materia. $\text{Ὅσα γὰρ ἔχει σύμβολον πρὸς ἀλλήλα, τὰ χεῖα τέτων ἢ μετὰ βασις}$ inquit Aristot. lib. 2. de ortu & int. cap. 4. Argentum quidem & argentum vivum majus symbolum habent cum auro, ratione puritatis materiæ; sed tamen nihilominus omnium materia est communis & propinqua. Propinquitas autem major

E
vel

vel minor in particularibus tantum observatur: in universali enim unius perfectionis sunt omnia, ut inquit Geber. *lib. 1. sum. perf. cap. 22.* Sophisma alterum quo vult probare imperfectis metallis non inesse formam auri *thes. 52.* vertiginosi capitis proles est, quæ nec manus nec pedes habet, & tam intricata & hiantia omnia sunt, ut crediderim nec ipsum quidem scire authorem, ubi medius terminus sit, & has dissolutas scopas nec ab Aristotele in bonam argumenti formam colligi posse. Scutica itaque dignus est antichymista non refutatione, præsertim cum nemo neget abesse imperfectis metallis formam auri, alioqui imperfecta non essent.

Secundi membri minoris probatio.

Si in auro non est tinctura, tunc ex eo non potest fieri aurum vel tinctura.

Sed in auro non est tinctura: primo, quia auri forma est propria auri materiæ, nec alii materiæ communicabilis. *thesi. 53. 54.* deinde: quia in auro non sunt conditiones tincturæ, quæ sunt quinque. 1. materiam tingendam aptam facere ad auri formam recipiendam. 2. figere. 3. tingere. 4. dare pondus. 5. vim cordialem.

Ergo neque ex auro potest fieri aurum vel tinctura.

[*Respond.*

Responsio.

Totum argumentum cum minoris probatione est paralogismus à πρὸς ἡ ad ἀπὸς, quod statim patebit, si pleno sensu & in integris verbis res enuncietur, hoc modo.

Si in auro tinctura non est actu, tunc neq₃ potentia est in auro, ut ex eo fiat arte aurum vel tinctura.

Sed tinctura non est actu in auro

Ergo neq₃ potentia est in auro, ut ex eo fiat arte aurum vel tinctura.

Libet antequam plenè respondeam, absurditatem argumenti simili sophismate declarare. Perinde est ac si dicerem in animali genere.

Si in ovo non est actu forma pulli, tunc neq₃ potentia est in ovo, ut ex illo per incubatum gallinae vel alium calorem similem fiat pullus.

Sed hoc est. Ergo & illud:

Deinde in vegetabili genere:

Si in surculis persicae non est actus faciendi ex pruno vel ceraso persicam arborem, tunc nec potentia eis inest has duas arbores in suam naturam convertendi.

Sed in surculis persicae non est actus faciendi ex pruno vel ceraso, aliave arboris stipite persicam arborem.

Ergo neq₃ surculis persicis potentia inest ut planator per eas ex pruno vel ceraso transplantet arte sua arborem persicam.

Tertiò in elementorum metabole :

Si in aqua non est actus transeundi in aerem vel aliud elementum, neq³ potentia inest.

Sed prius est.

Ergò & posterius.

Negatur in his omnibus sophismatis consequentia. Quia non sequitur, tinctura in auro non est actu, ergò nullo modo est aut esse potest in auro. Plus negatur in consequente, quàm negatum fuit in antecedente. Antecedens enim loquitur solum de actu, consequens de actu & potentia simul. Itaque plus est in conclusione, quàm in præmissis. Tinctura, quod omnes philosophi libenter & ultro fatentur, non est actu in auro, nec aurum in sua simplici perfectione ad quam ipsum deduxit natura, potest formam suam aliis communicare. Sic enim Rogerius Baccho in spec. cap. 3. *Si aurum imperfecta sola liquefactione sibi commista perficeret, esset elixir ad aurum: sed quia natura operatur simpliciter, perfectio in auro simplex est, & inseparabilis & incommiscibilis.* Et magister bonus: *Digestio auri valdè differt à digestionem elixiris, quoniam digestio auri ut compositi sufficiens est sibi soli, propter quod si cum aliquo imperfectorum commisceatur in conflatione, non potest digerere illud, nec de sua digestionem ipsi conferre, ut transformetur illud in aurum.* Nac aurum etiam habet in se illas conditiones tincturæ thesi. 55. ex parte enumeratas, sed ad illam perfectionem deducitur demum per artificium nostrum, ut ait quidam philosophus. Et Ægidius

in dialogo naturæ cap. 6. Mercurius dicitur philosophorum, sicut filius dicitur patris, qui eum genuit. Non enim datum est naturæ producere mercurium istum de potentia in actum absq³ adjutorio philosophi. Et Lilius: Quamvis lapis noster tincturam in se materialiter, sive potentialiter contineat, attamen per se motum vel actum non habet, ut fiat elixir completum, nisi moveatur arte & operatione. Sic ovum non movetur per se ad perfectionem majorem & formam pulli, nisi ulterius à motore extrinseco promoveatur: & surculus perficæ per se actum non habet prunū vel cerasum arbores in suam naturam convertendi, nisi insitione & opera plantatoris, ita & hic fit. Hæc satis ad paralogismum. Porro silentio prætereundum non est, quod antichymista inepte deblaterat de conditionibus tincturæ ex suo cerebro partim ex cogitatis, partim aliundè auditu tantum acceptis. Perfectionis sive perfectæ tincturæ proprietates à Gebro in lib. 4. sum. perf. in principio ponuntur, quæ sunt numero quinque 1. mundare seu remove superflua cum ad hæsiōne inseparabili sui. 2. dare colorem. 3. fusionem. 4. fixationem. 5. pondus. Antichymista audivit aliquando citari Gebrum qui scripserit: necessarium esse in vera tinctura figere, tingere, dare pondus, Gebrum verò ipsum in sua multenni theoria nec legit unquam, nec habet, alioqui non ita mutilatas & depravatas, sed integras & veras recitasset tincturæ conditiones. Duas enim alias nempe primam & quintam thesi. 55. ex suo cerebro confictas

in locum duarum fortassis ex Gebro omiffarum primæ & tertiæ fubftituit, ut quinarium numerus completus efferet. Sed hoc in loco aliter non ineptit, ac fi cæcus præfcribat pictori mixtiones colorum. In prima fua conditione fcribit: tincturam chymicorum ita comparatam efferre debere, ut materiam tingendam aptam faciat, ad auri formam recipiendam. Absurdum. Quis te ignorantem artis docuit artificibus præfcribere leges tincturæ. Metallis modò fuprà fuffuratus es materiam auri, id efferet, negaffi cæterorum metallorum materiam cum auro communem, nunc eis illam per tincturam vis reddere. Vis à tinctura materiam tingendam aptam fieri ad formam auri recipiendam: at hoc efferet privationem, quæ efferet fubftantialis aptitudo ad formam, in fubjectum introducere. Hoc autem efferet metalla creare: nam privationem in fubjectum iftud introducere efferet proximam materiam auri vel communem metallorum materiam facere. Hac tua phantaffica tincturæ conditione tum demum faceres tam auri creatores, quàm metallorum aliorum; contra quos, id efferet contra proprias tuas creaturas in phantaffia tua genitas tanto opere hætenus in thefibus tuis declamaffi, non contra legitimos artifices. Tinctura namque ex philofophorum fententia aptitudinem tingendi metallis nequaquam tribuit, fed actum. Aptitudo prius naturæ in efferet materiæ, fuper quam tinctura projicitur; ficut Geber in lib. de inventione veritatis cap. 2. de feptem medicinæ proprietatibus, requirit af-

fini-

finitatem inter elixir & rem transmutandam.
 Quod si aptitudinem conferret cum actu simul,
 possemus ex quavis materia etiam extra metallo-
 rum genus aurum facere. At naturam imitantes
 hoc nequimus, sed solum ex subiecto determina-
 to, nempe metallis, quibus solis inest potentia hæc
 passiva sive privatio suscipiendi formam auri. Duæ
 sunt potentia, una agentis altera patientis : agens
 vero patienti potentiam passivam nunquam con-
 fert. Aptitudo autem suscipiendi formam auri in
 actum elicitur non à tinctura, sed ab igni, quia in
 projectione ejus metallum tingendum oportet es-
 se apertum, ignitum & fluens, ut totum corpus
 pervadatur. Hæt est prima lex tincturæ artifi-
 cibus posita temerè ab ignorante, alterum crimen
 omissæ veræ legis deterius est, quam Geber *libr. 4.*
sum. perfect. ita descripsit, nisi omne superfluum
 per medicinam auferatur ab imperfectis, scilicet
 ut ab illis tollatur omnis superflua sulfureitas, o-
 mnisque terreitas immunda, non perficientur (ita
 enim legendum est in Gebro ex M.S. pro purifi-
 centur) Ex quibus verbis liquet, quod etiam si tin-
 ctura antichymistæ tingat, figat, det pondus, ta-
 men si non separet à mercuriali substantia imper-
 fectorum sulphureitatem immundam, terrestrẽ
 & auro extraneam, non fieri verum aurum & sa-
 lutare, sed sophisticum & venenatum, quippe à
 quo halitus illi venenosi nondum separati fuerint,
 ex qua impuritate in commixto relicta, nec fusio-
 nem solarem habebit, quam proprietatem
 tincturæ in ordine apud Gebrum tertiam

antichymista similiter quasi ad rem nihil pertinentem præterivit, cum tamen, nisi fusionem præstet solarem examina auri non sustineat, sed de commixto rursus recedat, ut docet Geber. Ecquid nobis prodesset mercurius à tinctura tua aptatus, fixus, tinctus, pondus habens, at non fusionem? Risum moves artificibus ineptiis tuis, quando dicis tincturam debere esse actu siccissimam, potestate verò humidam & fusi em in igne, cum potius potestate sit siccissima: nam siccitas alchymix tingit, inquit Rhases *in lib. 3. verborum*, qua potestate Mercurii humiditatem in projectione ficcatur & ad mediocritatē redigit. Neque hæc est de substantiali proprietate tincturæ, quæ non minus in forma olei & liquoris, quàm in forma pulveris præparari potest. Itaque æquè actu humida & potestare siccissima esse potest. Quintam proprietatem tincturæ, quàm antichymista de suo addidit, Geber non posuit. Est enim effectus potius ex proprietatibus illis consequens, sicut & aurum ipsum prius igne examinamus, quàm cordiale esse pronunciamus. Sed notanda est vanitas antichymistæ sibi met contradicētis. Hac enim *thesi. 55.* ait proprietatem tincturæ esse, dare imperfectis metallis vim cordialem, & alexipharmacam, *thesi* verò *64. & 67.* hanc tincturæ proprietatem simpliciter negat, ex uno ore effluens calidū & frigidū. Si tinctura imperfectis metallis in projectione vim largitur cordialē & alexipharmacā, cur non magis per se sine hac projectione corpori hu-

mano

mano eandem virtutem supereminenter conferret, vis enim unita fortior, quam dispersa? At inquires: hic ex mente Chymistarum, *thesibus* verò 64. & 67. ex mente mea loquor. Nihil est, inquam. Nam nemo Chymistarum sicut nec Geber inter condiciones & examina tincturae istud retulit, sed tu solus ex mente tua & multorum annorum phantasia inani. Disce ergo posthac cautiùs disputare.

XV. Argumentum prolepticum adversus metallorum transmutationem, utrum verè ex ferro fiet as.

T *Hesi* 40. scribit antichymista niti Chymicos, Metallorum transmutationes essentiales fieri posse, & sic eorundem in aurum quoque esse possibilem amplius exemplis probare, nimirum ferri in cuprum, cupri in orichalcum. Sed *thesi* 41. non essentialem hanc speciei in aliam speciem esse transmutationem: sed accidentalem solummodo se sic probare:

1. Ex eo, cum specificatio & formarum in materias introductio sit opus à solo Deo dependens, ut habet *thesis* sua 15. & 18.

2. Cum per istas aquas minerales non introducatur color luteus vel rubicundus: sed absterfo nigrore latens rubedo educta diluatur. Ita ut aurichalcum nihil aliud sit, quam cuprum politum, & cuprum factitium nihil aliud, quam ferrum politum.

3. Et quænam subdit, est ratio consequentiæ

E s

hinc

hinc argumentari ad tincturam auri ? num color auri rubescens , sed constans consimiliter latet in argento,hydrargyro,plumbo,stanno ? & pondus auri in ferro atque cupro.

Responsio.

Metallorum transmutationem possibilem esse, sole meridiano clarius constat ex notissima illa ferri in cuprum transmutatione, tam apud vulgū, quàm apud Chymicos. Quod etiam Agricola Chymicis alioqui parum amicus attestatur lib. 1. de natura fossil. cap. 2. inquit : Smolnicij oppido Carpati montis ex puteo extrahitur aqua in canales triplici ordine locatos , in quibus posite portiones ferri vertuntur in æs. Minutum autem ferrum , quod in fine canalium collocatur , talis aqua ita exedit , ut fiat quasi lutum quoddam. Id vero postea excoctum in fornacibus fit æs purum bonumq³. Cepusij aquis similis est non Ochra fluvius, ut ex falsa relatione Agricola lib. 1. de natura eorum quæ ex terra efflaunt cap. 11. scripsit, sed rivulus quidam acidus cui novi fontis nomen est, apud metallum Goslarix in Ochram decurrens, ut verius traditur in Pis. lib. 1. cap. 17. In eo ferrum spacio 14. dierum positum in æs optimum mutatur. Nec solum nativâ aquâ zrofa, sed & factitiâ talis transmutatio fit. Sicut rursus Agricola lib. 1. de natur. fossil. capit 2. in fine subdit: Quin etiam vetus aqua, quæ aurum ab argento separat, quia ex atramento sutorio cōficitur, ferrum in æs transmutat.

mutat. Idem facit lixivium Ruticense ex pyrite calcinato factum, ut Paracelsus docet *in tractatu de tinctura physicorum*, adeo ut hoc factitium cuprum præstaret bonitate ipsi nativo. Unde cum Baro in Castein maxima copia ferro undique coempto, id fieri procurasset, omnisque cupri negotiatio ad ipsum ob præstantiam metalli devolveretur. Suacenses cum Tirolensibus damnum apud Imperatorem supplicibus litteris conquesti obtinuerunt, ut mandato inhiberetur illis, porro hac mercatura pauperiem facere. Ex quibus manifestissimè patet, tam artificiali, quàm naturali aqua chalcanti ferrum in æs transire. Sed quid noster adhuc antichymista? Ait solummodo accidentalem & non essentialem fieri hinc transmutationem, ex eo, quod specificatio & formarum in materias introductio sit opus à solo Deo dependens. Sed ô bone, umbratilis in pulpito speculatio experientiae nihil præjudicat. Non enim à tua phantasia, sed à rebus potius rei veritas petenda est, ut docet Aristoteles 10. *metaph. cap. 10.* Fallis autem te ipsum parallogismo consequentis. Non enim omnis formarum in materias introductio, est opus à Deo solo & immediatè dependens, nisi opus creationis & miraculi. Si enim omnis generatio, in qua forma extrinsecus materiae immittitur, esset creatio seu opus à Deo immediatè dependens, sanè neque natura in generatione æquivoca formas materiae immittere posset, & generatio quoque æquivoca non esset natura-

turalis generatio, sed creatio, cum in omni tali generatione forma materiæ extrinsecus adveniat. Atqui ipse antichymista thesi sua tertia fassus est generationem sine semine esse naturæ insitam vi primæ benedictionis, quod est concedere generationem æquivocam, quæ eam ipsam ob causam dicta est æquivoca & sine semine, & spontanea, & expetredine, quoniam in illa formæ non è materia educuntur, sed aliunde in materiam introducuntur. De quare Scaliger *comment. in libr. 1. Theoph. de caus. plant. capit. 5. Si in fimeto muris forma non est, & mus generatur ibi, muris ibi formam esse novam aliunde immissam necesse est. Quis eam constituit? Ut solem neges autorem alium quempiam statues necessario. Nihil enim fit à se ipso.* Hæc Scaliger. Si ergo omnis aliunde formarum in materias introductio esset creatio, seu opus à Deo sine natura dependens toties opus esset nova creatione, quoties mus è fimeto, vel rana ex luto gignitur, quod est absurdum, & contradictorium eius, quod antichymista asseruit *thesi 23.* Deum à creatione omnium rerum die septima quievissse. Quemadmodum igitur natura utitur troque generationis modo, univoco & æquivoco, præsertim in imperfectioribus, ut gignens murem ex mure per educationem formæ ab interna potentia materiæ seminalis, & murem ex fimeto, quisquiliis vel sentina vel luto Nili intromissa extrinsecus forma: ita homo imitando naturam procurat generationes rerum interdum ex simili, ut apes ex apibus, pyros ex pyris, interdum ex dissimili,

simili, ut apes ex ventre tauri, vespas ex carne asini, scarabæos ex carnibus equi, locustas ex carnibus muli, scorpiones ex basilisco, ranas ex anate, & puros per infitionem ex aliis arboribus transplantata specie. Similiter in mineralibus natura gignit, vitrum, lapides, metalla & cætera ex propria materia: quæ eadem facit etiam homo ex aliena, non quidem contra, sed præter naturam activa naturalia cum passivis coniungendo, ut vitrum ex cinere, lapides vel lateres ex luto, sal ex rebus crematis, cinabarim ex mercurio & sulfure. Ita quoque æs facit alias excoquendo ex propria minera, ut lapide pyrite vel fissili, alias ex diversæ speciei materia, ut ex ferro immissa extrinsecus forma veluti principio mutationis per aquam chalcanti. Non quod homo faciat vel creet formam vel materiam (accipit enim utrumque à natura factum) sed quod principium activum cum passivo coniungat ad producendum compositum naturale. Natura est quæ dat formam, dat materiam, quæ mutat, corrumpit, generat: nos tantummodo forisei obstetricamus nostro ministerio, & magisterio.

Altera ratio non est ratio, sed portentosum *χηροφύγρον*, quo comminiscitur in ferro tantum fieri accidentalem mutationem, quia per aquas istas minerales non introducatur color luteus vel rubicundus, sed absterfo nigrore rubedo educatur, ita ut æs citrinum nihil aliud sit quàm politum cuprum, & cuprum ex ferro factum nihil aliud sit, quàm politum ferrum. Sed nugatur antichy-

chymista ita de metallis, quemadmodum cæcus de coloribus. Primum enim ignorat, quid sit transmutatio substantiæ, & quid alteratio coloris: Putans transmutationem æris in aurichalcum similem esse ei, quæ est ferri in æs, cum tamen in ferro ferri species in æris speciem transmutetur, in aurichalco verò non species, sed color duntaxat alteretur: qui forti ignitione rursus abire manente æris specie. Deinde nescit latinè quid sit polire, quid tingere appellans aurichalcum cuprum politum, quasi aurichalci coctores essent cupri politores, quem etiam pueri in officinis solæcis mire darguerent & riderent. Cæsalpinus lib. 1. de metall. cap. 9. cretis poliri metalla tradit, dicens: *Aliæ cretæ sunt, quas fullonias appellant, quibus argentum politur & aurichalcum & ferrum.* Et Agricola de natura fossil. libr. 1. cap. 11. *Aliquæ restingunt metalla, ut cadmia & magnetis æs.* Etenim si cadmia ad æs addatur, aurichalcum fit, si magnetis, (id est alumen plumosum) æs candidum. Audis, absurde antichymista, quem insania multennis speculationis adversus artem chymicam etiam latinè loqui dedocuit, cretis poliri orichalcum, cadmia æs tingi, non poliri. Nitor polituræ effectus est, color tincturæ. Tertiò semetipsum contradictione manifesta confutat, negans hic extrinsecus in cuprum colorem luteum introduci. Si enim tinctura artificialis, ut thesi 62. definit, est duarum substantiarum coloratarum compositio, sanè extrinsecus introducitur tinctura in cuprum ab altera parte compositionis, nempe à cadmia. Quid enim manifestius est?

est, quàm æs à cadmia tingi extrinsecus, nec aurichalci colorem ab intus ignis vi educi? Si posset in cupro sola vi ignis latens rubedo educi & dilui, quid opus esset admixtione cadmiæ? Color ergo citrinus in aurichalco, non à cupro solo est, sed ab ambabus substantiis junctim, ex quarum mistura fit, tertium neutri simile. Item si color æris citrini esset tantum educta rubedo dilutior, aut ex sola politione cupri perignem, non fieret accessio substantiæ in pondere. Color enim intus tantum latens in corpore, eductusque in actum ponderi nihil addit; at politio illud etiam minuit. Atqui ex cadmiæ mixtura æs in igne pondere crescit etiam ad miraculum usque artificum, ut legitur apud Erckerum Cæsareum docimaſtam. Color itaque orichalci non est educta latens rubedo in ære neque à politione, sed ex duabus metallicis substantiis alba & rubra fit mistus color medius citrinus. Adhæc si ignis per cadmiam nigrorem æris abstergeret, & id poliret tunc vehementior ignis & diuturnior id magis abstergeret poliretque. At excoctio aurichalci fit certo ignis gradu definitisque horis, ut artifices norunt, & igne intensiore & in eo longioremora evaporat rursus cadmia, reditque pristina æris rubedo. Ergo aureus color à mixtura cadmiæ est, quatenus permanet cum ære, & non abstersione nigroris vel politione: alioqui rubedo non rediret & maior ignis magis dilueret & poliret. Præterea quis tibi dixit cuprum ex ferro factum esse ferrum politum? Dic unam autoritatem artificis vel viri saltem boni: vel unum saltem argu-

argumentum probabile ad speciem. Quia ita manifestè veritatem quinque sensuum negas, helleborismis potius refutandus es, quàm rationibus. Quid enim aliud est, cuprum dicere ferrum politum, quàm nivem dicere atram. Ad quam τῆς διαβολας ἀπώσταν nemo adhuc inimicorum artis huius pervenit, imò confitentur omnes, ut supra Agricola, fieri ante æs purum probumque, quod etiam à ferro discernitur tactu, gustu, odoratu, visu, in duritie, amarore, odore, sono, colore. Imò nisi hoc artificio tota substantia ferri in totam substantiam æris transfiret, portionem ferri etiam minimam certo ignis iudicio in æris huius excoctione deprehenderemus. Constat enim Erckeri, Faxii, cæterorum docimastarum & excoctorum metallicorum concordi iudicio æs ad regulam excoqui non posse, si vel parva ferri portio insit, sed manere intractabile. Hinc scribit Agricola *libr. II. de re metallica*, Si particula alicuius instrumenti ferrei casu in catinum, ubi eliquatur, inciderit, aut ab homine malevolo injecta fuerit, æs antequam ferrum consumatur, confici non posse, & sic laborem duplicari. Hoc verò æs, quod ex ferro fit, ad id est tractabile ut etiam præstet nativo, quale in primis est Ruticense, de quo supra audivimus. Dum igitur antichymista contra communem & sensum & consensum hominum, infallibilemque docimastiam artificum dicit hoc æs ex ferro factum non esse æs, sed ferrum politum, nihil aliud ex seipso facit, nisi stultum politum.

Tertiò in fine thesæos huius in suis sibi sophisticatio-

cationibus, quasi applaudens quærit, quænam sit ratio consequentiæ hinc argumentari ad tincturâ auri. Respondetur hanc esse, quod cum inimici artis semper inficientur metallorum species verè transmutari, hoc exemplo ferri in æ transeuntis per tincturam ærosæ aquæ seu vitrioli, quod est primum ens æris, evidentissimè demonstretur, metallum in aliud metallū verè transmutari posse. & per consequens etiam in argentum vel aurū similibus tincturis speciei vel primis entibus. Nec quoque color auri vel rubedo fixa latet (ut falsò causatur) in cæteris imperfectis metallis nisi potentia remota, sed extrinsecus per tincturam immittitur ab artifice, quemadmodum ferro tinctura cupri foris advenit. Color auri, pondus auri, &c. latet in metallis imperfectis materialiter non formaliter. Sed adhæc responsum satis est in xi. argumento.

XVI. Argumentum & alterum prolepticum, thes. 45. & 46.

DEinde Chrysopæi similia exempla transmutationis specierum adferunt. 1. cibi ac potus in sanguinem. 2. excrementorum in lumbricos, pediculos, ascarides, scarabæos. 3. Lolij in triticum, & vicissim vel tritici in filiginem, platani in oleam, silvæ abiegna in betulas & vicissim. 4. lignorum in lapides, *thes. 45.* Concedo ista omnia : sed naturam hanc à Deo facultatem per benedictionem accepisse, aio : nam in qualibet materia latere na-
F turam,

tuam, quæ materiam sic aut sic disponit, ipsi naturæ effectus docent. At verò quid ista generatio ad aurificium: cum ostensum sit à natura nullum unquam metallum generatum esse. 2. Mutationem (addit) speciei in meliorem ut platani in oleam si ri ex soli bonitate à natura benigniore, at in deteriore aberratione naturæ à suo scopo ob impedimenta, uti monstra etiam prodeant ex seminibus animalium atque stirpium. 3. Ligna lapidescere demersa in aquas lapidosas, mirum non esse, si humor iste pervadat lignum, & postea indurescat in lapidem.

Responsio.

Transmutationes specierum propinquarum in propinquas naturæ non insolentes esse conspicitur in omni rerum naturalium genere, animali, vegetabili, minerali & elementari. Quod in duob. prioribus antichymista hic concedit, id pro confesso acceptamus, quod verò in minerali negat, & in elementari negligit, nos ex supra demonstratis amplius revincemus & complebimur. Et unum quidem ex altero demonstratur. Si enim (inquit Dionysius Zacharius tract. 2. de lapide) elementa qualitatibus suis sibi mutuò contraria in se invicem convertibilia sunt, quantò magis ipsa metalla, quæ non ita sunt qualitatibus contraria, sed unius eisdemque substantiæ & materiæ. Elementa autem
ex se-

ex semetipsis vicissim & alterius generari probat Aristot. 3 de cælo, cap. 6. & ipso etiam sensu esse evidens lib. 2 de ortu & int. cap. 4. Ergo multò magis metalla in se invicem sunt convertibilia. Item si efficax est argumentum Theophrasti lib. 1. de caus. plant. ca. 5. quo veluti exemplo à maiori comprobatur generationem plantarum spontaneam, at stipulante Scaligero : Si, inquit, animalia, quæ sunt operosiora nascuntur ex putredine, tantò facilius planta : pari ratione assumere mihi licet, si animalia & plantæ, quæ sunt operosiora & nobiliora naturæ opera de specie in speciem transmutabilia sunt; quantò facilius metalla, quæ sunt simplicioris formæ & propinquiora elementis, ut notum est & attestatur Scaliger cum Theophrasto lib. 2. de caus. plant. cap. 5. Huius verò permutationis specierum in plantis veriore (quæ antichymista hic de platanis in oleam & tritici in lolium versione) rationem reddidit Scaliger, inquit : Herbas propriis formis amissis alias induere non est mirum. Habent enim inter se communia principia. Quæ ratio universaliter vera est in omni genere naturali. Si enim quæretur cur animal in aliud, planta in aliam, metallum in aliud, elementum in aliud specie transeat, generalis ratio est; quia habent inter se communia principia, id est, commune genus, sive eandem proximam materiam. Quando platanus in oleam, abies in betulam, triticum in lolium & vicissim abit, non penitus aboletur omnis plantæ forma, sed ultima tantum fit alia,

nec fit corruptio generis, sed speciei. Quod in vivacibus plantarum seminibus contingit, in imbecillis haud item. In illis natura speciem, quoad potest, in semine conservat; si non potest, satis habet conservare saltem vitam in genere, & transit in alteram speciem non tam volens, quàm invita, ut Scaliger ait. Legumina verò ob imbecillitatem si corrumpuntur, non habēt refugium in aliam speciem, ubi conservent vitam generis, sed omninò pereunt. Hæ permutationes specierum quæ fiunt sub genere proximo, non sunt adeò remotæ & mirabiles, quàm illæ in quibus cum specie mutatur etiam genus. Quamobrem satis mirari non possum, cur antichymista thesi hac scribat, non esse mirum ligna demersa in aquas lapidosas lapidescere. Si enim vegetabile quale est lignum, in minerale, qualis est lapis, transmeat, non solum species, sed etiam genus, & quidem nō propinquum propinquo, sed remotum remoto permutatur, maximo naturæ intervallo & saltu, non video quid antichymista admiratione dignum putet. Legimus enim *libr. 2. de ortu & int. cap. 4.* apud philosophū: ex aëre terram fieri, sed difficulter, διὰ τὸ πλείονων εἶναι μεταβολήν, & in iis quæ symbolum commune qualitatis habent, promptius unum in alterius naturam transire: quæ verò symbolo destituuntur, ut terra & aër, ignis & aqua, tanta facilitate non mutari, sed plus requiri laboris & temporis. Pari- ter facilior est transitus eorum, quæ specie distant, quàm quæ genere: Quæ enim genere diversa sunt, inquit

inquit Aristoteles 9. *metaph. cap. 10.* plus distant
quàm quæ specie) quoniam in generum permu-
tatione plus alterationum fieri necesse est, quàm
in specierum, quæ unum commune genus velut
symbolum & convenientiam substantiæ in pro-
pinquis principiis habent. Sic animal in aliud ani-
mal, planta in aliam plantam, metallum in aliud
metallum facilius transit, quàm animal in plan-
tam, vel contra, vel minerale sive metallum in al-
terum horum. Quid ergò mirabilius antichymi-
sta non mirante substantiarum transmutationem
maximo intervallo distantium, qualis est plantæ
in lapidem, interim verò stupente supra modum
metabolen propin quarum specierum, quæ sym-
bolum substantiæ in uno communi genere habet,
id est, metalli in metallum. Perinde est ac si nihil
miretur anseres Scotiæ in arboribus nasci, mire-
tur verò anseres nostros incubatu ex ovis anserum
excludi. Esto sanè nihil habeat miri lignorum in
cotes conversio : neque ergò miretur generatio-
nis metallorū oppugnator, ferri ex ligno genesin
eodem naturæ miraculo. In Hybernia enim est la-
cus) ut Turnes. in *Pison. libr. 1. cap. 17.* & P. Jovius
in descript. Hyberniæ testantur) foliorum & gra-
minis impatiens, in quo si lignum vel baculus de-
fixus certo temporis spacio steterit, pars ima, quæ
terram tetigerit in lapidem, pars altera, quæ a-
quam, in ferrum convertitur, pars tertia baculi ab
aquis prominens lignum permanet. Idem Geor-
gius Fabricius *de re metallica capite septimo* testa-

tur in Lusatia & Silesia effossum ferrum nova incrementa accipere ex terra arborumque truncis primum liquori cuidam denso similibus, postea magis magisque indurescentibus, donec tandem ferrum evadat. Ferrum hoc fortassis dicere posses, quanquam non verè, lignum politum sicut supra æs ex ferro factum dicebas ferrum politum maiori insania. Sic & ligna in lapides conversa polita ligna nominabis. Neque ferrum hoc in lacu Hybernico vel in Lusatia Silesiaque metallis ex ligno generatum sophisticum est, & à Satana præstigiösè suppositum secundum thesin 74. propterea quia in principio creationis in primo statim die non sit creatum secundum thesin 5. sed fieri quotidie adhuc potest (per virtutem mineralem aquæ & loco huic insitam colcotarinam, quod est primum ens ferri) pro arbitrio tuo, quo (nisi generationem metallorum ex responso meo ad primum argumentum tuum didicisti dudum) te relegamus ut oculari fide experiaris generari adhuc metalla & insanæ tuæ theoriæ tandè sapiëntior factus longum dicas vale, atque persentiscas permutationem specierum æquè in minerali, atque in animali, vegetabili & elementari genere possibilem esse.

VII. *Argumentum à negatione effectus medicinalis. thes. 64. 65. 66. 67.*

VAnitas tincturæ seu lapidis philosophici manet ista quoque est ex effectibus nugatoriis, quos in corpore humano habeat. Vim enim huic tribuunt, quod omnes ut metallorum, ita humani quoque corporis impuritates auferat: quod causa longissimæ vitæ esse possit: spirituum sanguinis atque partium integritatem conserveat: sit prophylactica & universalis medicina, hoc est, omnes morbos præcaveat, & arceat; summa; quod sit Deus aliquis hominum à morte liberans atque defendens.

Huiusmodi in hominem cadat impietas atque dementia? Deus solus est longitudo dierum nostrorum, non creatura ulla. Ante diluvium fructus stirpium adeò salubres erant, ut valetudinem prosperam atque vitam tuerentur ad multa secula. Illam vim Deus plurimum minuit post diluvium tot iteratis terræ maledictionibus propter peccata hominum. Istas ne maledictiones divinas fictitius lapis ab alimentis & medicamentis omninò auferet, Deoque vim inferret. Quis ex huius lapidis fabricatoribus longævus fuit?

Universalem medicinam sive simplicem sive compositam non ferunt primò contrarii morbi, horumque causæ in alterationibus: secundò diversitas eorum, quæ ex corpore vacuari, propelli atque extrahi debent: tertio imò vel sola

venenorum diversitas : quartò blasphemia hæc est in Deum conditorem, quod ociose tantum remedium varietatem nobis largitus est, si curationes omnes hoc uno lapide queant perfici.

Responsio.

Actum esset de omnibus artibus & scientiis, si de eis statuendum foret ex sententia & oculis imperitorum hominum, qualis hic antichymista est. Si rusticus neget Rhabarbaro purgari bilem, margaritis recreari cor & spiritus vitales, quid medicus faciat? Sanè unus stultus potest tantum negare, quantum vix mille sapientes probaverint. Discentem, ait philosophus, oportet credere: qui non credit finem artis acquiri posse, abeat ex acroatorio nostro. Hunc nihil moramur. Artifici cuique in sua arte fides habenda. Vim autem huius medicinæ in humano corpore affirmant unanimi consensu philosophi, quicunque de hac arte scripserunt, in primis verò Trismegistus, Aristoteles ad Alexandrum, Plato in quartis, Geber, Morienus, Calid, Hortulanus, Rogerius Baccho, Arnoldus, Lullius, Rupescissa, Scotus, Holcot, Ægidius de Vadis, Robertus Vallenfis, Richardus Anglicus, Comes Trevisanus, Antonius de Abbatia, Ulmannus, Johannes de Padua, Marsilius Ficinus, Dionysius Zacharius, Flammellus, Augurellus, Laurentius Ventura, Ulstadius, Riplaus, Christo-

Christophorus Parisiensis, Isaac Hollandus, Basiliius Valentinus, Paracelsus, Dorneus, Phædro, Severinus Danus, & aliorum, qui Alexiana humilitate latere voluerunt, scripta ad espota, aurora cōsurgens, clangor buccinæ Scala philosophorum, Etymologiæ philosophorum, consilium conjugii solis & lunæ, ludus puerorum, rosarium majus, rosa aurea, palmarium philosophiæ, via universalis, seu studium Florentinum, lilium inter spinas, lilium intelligentiæ, quæstionarius, Directorium summæ summarum, hortus sapientiæ, practica universalis. Habes quinquaginta unum philosophos nominatos & innominatos, idem asseverantes de lapide sive elixire Philosophorum, quorum unius saltem experientiæ plus fidei tribuendum est, quam tuæ tuiq; similium, ô antichymista, quinquaginta millium inexperientiæ temerariæq; negationi. Objiciat nunc aliquis ex notis Michelianis pag. 148. Bernhardus aliquoties sibi factum esse lapidem narrat, sed ubi historiæ auxiliorum? Respondeo. Bernhardus in præfatione sui libelli expressè scribit his verbis: ego ipsemet expertus sum in multis leprosis, caducis, hydropicis, hæcticis, apoplecticis, iliaticis, dæmoniis, insanis, furibundis & aliis quam plurimis. Ecce historias auxiliorum Bernardi, quas prius legisse, quam ita scripsisse decuit. Similiter alibi de Arnolde: Arnoldus, inquit, metalla & mercurium transmutavit, morbos omnes uno lapide universalis, quando & ubi sanavit. Respondeo. Richardus in correctorio cap. 11. scribit in hæc verba: lapis habet multas seu omnes

mnes ægri tudines curare, quod patet per Arnol-
 dum de villa nova, qui Papam Innocentium ab in-
 firmitate cæteris medicis incurabilem liberavit. Et
 Ulstadius *cap. 34.* Dicit Arnoldus de villa nova se
 curasse Henricum ducem Veronæ ex precibus pa-
 tris sui regis Arragonum, qui tribus mensibus le-
 profus fuit, & tribus diebus convaleuit. Ait etiam se
 usum fuisse hac medicina in senectute sua, & quan-
 docunque habebat calorem defectu naturæ vel et-
 iam ex alia causa, ipsam medicinam cum re frigida
 temperasse, si verò habebat frigus medicinam mo-
 derabatur re calida. Et saltem duabus vicibus in
 anno utebatur, semel in æstate, & semel in hyeme.
 Ecce tempora & personas, quibus lapidem Arnol-
 dus usus fuit. Pergit in notis Michelianis *p. 147. &*
capite de usu lapidis p. 452. quis quæso tam sim-
 plex, quin hyperbolen ironicam in philosopho-
 rum verbis notet, quibus de prædicant virtutes la-
 pidis in medicina? Respondeo, ex ore tuo te judi-
 co: In schediastmate 161. ad Henningum statuis con-
 tra libertatem scepticam grassandi in bonos auto-
 res, unicè tenendum illud 1. *elench. cap. 2.* discen-
 tem oportere credere. Et in eandem sententiam
 disputans contra Guibertum *pag. 4.* scribis: æter-
 num esse axioma illud artificibus aliquid in sua ar-
 te providè pronunciantibus, nedum docentibus &
 principia ex ipsa natura proferentibus, suaq; expe-
 rimenta ponentibus credendum esse, & non ideò
 negandum, quod mihi vel tibi videatur res impos-
 sibilis. Philosophi verò qui suis manibus hanc me-
 dicinam confecerunt, ejusq; virtutes experti sunt

ante nos, uno ore testantur, eā esse omniū morborum curatricē. Parum ergo tibi constas anticatholice, nec bene morati discipuli munus obisse videaris, dum præcoce sapientia in philosophorū verbis antequā mētem eorū plenē affecutus fuisti, hyperbolen, id est, ut in schedia smate 127. eam ipse appellas, mendaciorū sacram anchorā fingis, quo errore alios etiam viros nō in doctos seduxisti. Sed nimia altercatione cum Panaceario veritatem amisisti; si verò rationis aciem paululū saltē intendisses, proculdubio nec medicinam hanc impossibilitatis, nec verba philosophorum hyperboles redarguisses. Non .n. es ex eorum numero, ut fateris ipse p. 147. in notis Michelianis, qui magisterio adversantur, sed credis sine hæsitatione lapidem esse universalem tincturam metallorum, & proinde quoq; credis lapidem sextuplici virtute esse præditum, secundum numerum sex metallorum; qua metalla calida & frigida humida & sicca, dura & mollia, gravia & levia, rubra, alba & nigra, reducuntur ad mediocritatem, sive crasin auri. Si igitur una tinctura ex metallis forma & discrasia diversis & contrariis facit unum forma & crasi medium, scilicet corpus auri, quid obstet, non video, cur non pariter credamus (nam à sex ad octo restat parvus saltus) unam solam nostram medicinam sufficere ad octo discrasias reducendas in crasin suam naturalem, præsertim cum ad medicinam universalem non plures virtutes requirantur, quàm octo. Docet enim Galenus *lib. 1. de temp. cap. 8. & lib. 2. cap. 1.* novem esse temperamen-

torum

torum differentias, unam quidem, quæ mediocris sit, *euergo*, reliquas omnes intemperatas, quatuor simplices & quatuor compositas, siue cum materia siue absq; ea. Quemadmodum igitur Geber tincturam universalem definit *li. de invest.* Magister *c. 2.* esse superflua demere & absentia supplere in metallis: ita Hipp. *in lib.* de flatibus ait nostram medicinam, sicut & artem communem in humano corpore esse adjectionem necessariorum & deductionem inutilium. Eodem modo utrobq; lapis agit segregando aliena & restaurando vel supplendo deficientia, & sic à discrasia ad crasin, & perfectam sanitatem reducendo. Pergit iterum an icatholicus dicens: tamen si existat aliquis artifex, qui & faciat illum lapidem, & omnes omnino morbosita feliciter sanet illius solius adjumento, parati sumus pedibus in istam sententiam ire. Exspecto ergò de universali medicina experientiam. Respondeo. Non necesse est denuò artis principia constituere per experientiam, quæ dudum à priscis constituta sunt. Si cujusq; absurdo postulato satisfaciendum esset, & rursus oporteret telam novam theorematum ab experientia exordiri, & non potius per textam à priscis accipere, nullus foret artium & laborum finis. Artificum sane nemo ferculum novum tibi coquet, si præcocta palato desipiunt. Da mihi, ais, artificem, qui hæc præstet & credam. At, inquam, similem singularitatem petebat dives ille apud inferos pro fratribus, sed quid tibi & ei respondetur? Habent prophetas, habent philosophos, quorum supra com-

me-

memoravi nomina & libros, quibus credere oportet discitem. Illi ipsi namq; sunt, quibus ut Rhases *in libr. 70. praeceptorum* ait, innitendum est. Nec egemus ut ipse scribis *lib. 2. contra Guibertum*, post constitutas artes novis inductionibus, quia jam comprobatum est studio, & peritia sapientum, usq; rerum magistro, ita sese habere. Si illos non audis, nec eos audies, qui existunt nunc artifices. Urget amplius anticatholicus jubens argumentum proferri ab experientia evidente & historia singulari. Respondeo iterum, omnia dicta philosophorum esse argumenta usu explorata & suis ætatibus, historiis singularibus confirmata, ut modò suprà ex Bernhardo & Arnoldo audivimus experimenta hujus medicinæ. Sed extant eadem de re adhuc nostro seculo testimonia publica, & historiarum indubitatae fidei. In ore duum triumve consistat omne verum. Testimonium publicum est epitaphium Paracelsi, quod Salisburgi in nosocomio apud S. Sebastianum ad templi murum erectum spectatur, lapidique insculptum his verbis: conditur hic Philippus Theophrastus in finis medicinæ doctor, qui dira illa vulnera, lepram, podagram, hydropem, aliaq; insanabilia corporis contagia arte sustulit. Similiter Michael Neander in geographia de eo, sic scriptum reliquit: multi Theophrasto multum tribuerunt, ejusque ingenio & industria, quæ tanta fuerit, ut non modò celeriter sanitatem amissam corporibus hominum, sed etiam Metallis imperfectis perfectionem reddiderit. Extat & epistola senis cujusdam septuagenarii nomine Francisci

sci natione Misnici, famuli olim Paracelsi ad amicum sciscitantem super hac re, quæ inter alia ita habet: Novi pari industria Paracelsum leprosos; hydropicos, epilepticos, podagricos, morbo venereo infectos, aliosq; innumeros infirmos gratis sanare. Superioribus tribus addamus & quartum, medicis fortassis notius, quod Valescus de Taranta in suæ practicae lib. 5. cap. de stranguria ponit, inquit: Sine dubio lapis philosophorum inter proprietates optimas (id est virtutes medicinales) & operationes quas perficit in corpore humano, habet proprietatem frangendi lapidem in renibus & vesica, & mundificandi utrumq; ut dicit Beriensis. Habemus itaq; de experimentis universalis medicinae testimonia publica antiquo & nostro seculo celebrata, quæ negari nequeunt, taceo plura quæ ore tantum & fama vulgi circumferuntur, à maioribus accepta, cum supra dicta veritatis amatoris fatis esse queant. E si autem in adductis testimoniis non omnes morbi in specie nominati fuerint, quos persanarit medicina nostra, palam tamen est præcipuos & incurabiles alioqui sublatos fuisse. Ex quo consequitur omnes cæteros morbos multò majori facilitate curatos secundum axioma *top. c. 2. cap. 10.* Quod magis vel maximè tale est, etiam simpliciter tale est: vel quod superat majus, superat etiam vel vincit minus. Negationes itaque antichymistæ sunt nugatoriae & non virtutes medicinae nostræ, quæ artificum & publicæ fidei documentis irrefragabiliter sunt confirmata. Nunc

ad nostri antichymistæ nugæ revertemur. *Thesi.*
 66. inquit: dicere vitam hac medicina produci posse, huiusmodi in hominem cadat impietas atq; dementia? Deus solus est longitudo dierum nostrorum. Atqui ô hypocrita, iterum abuteris verbo Dei ad versus hoc donum Dei, & nobilissimam artem, sicut supra eodem abusus fuisti ad versus naturam in generatione metallorû. Præter enim id, quod confundis principia scientiarum probans conclusiones physicas non ex homogeneis & physicis, sed ex theologicis principiis, quod est contra *καθηκον* bonæ demonstrationis, ubi nō est transcendendum genus, sed omnia axiomata debent esse *καθ'αυτò*, id est scientiæ propriæ; etiam cōmisisti manifestum crimen falsi in divinâ scripturam. Nam *Deut.* 30. dicit Moses ad populum, ipse Deus est vita tua, & longitudo dierum tuorum, nequaquam verò dicit: Deus solus est longitudo dierû tuorum, non creatura ulla. Nonne tibi eodem *libr.* *cap.* 4. *v.* 2 præcipit: non addes ad verbum, quod loquor, nec auferes ab eo? tu autem addidisti ex figmento tuo exclusivâ, qua adulterasti textum scripturæ, & sensum pervertisti. Nam si solus Deus immediatè voluisset esse vita nostra & longitudo dierû nostrorû sine ulla creatura, quid op^o fuisset creatione mûdi? Quid parentib. naturalib. ? quid pane quotidiano? quid aqua? quid sole? quid ære? & cæteris ad vitæ sustentationē necessariis ordinariis q; mediis? Deus, homo, & natura non sunt oppositæ, sed subordinatæ & causæ, quæ in uno effectu cōgruere possunt, sicut Paulus nobis declarat admodû discretis

tis verbis. 1. *Cor.* 3. v. 6. inquit: ego plantavi, Ap-
 pellos rigavit, sed Deus dedit incrementum. Sed
 contra hoc absurdum & etiam illud alterum, quod
 superius in 15. argumento de formarum in materi-
 as introductione à solo Deo immediatè depen-
 denterefutatum est, vide *Timpler. Metaph. lib. 4.*
cap. 2. problem. 40. Exclamatio igitur hæc adver-
 sus medicinam philosophorum, mera hypocrisis
 est, primo sono speciem quandam magnæ zeli & pi-
 etatis præ se ferens, sed si à piis & acutioribus auri-
 bus attentè observetur, providentiam & miseri-
 cordiam erga genus humanum olim in natura po-
 sitam, & per artes subinde auctam inpiè & de-
 roenter negat. Nam etsi Moses dixerit, Deum esse
 longitudinem dierum nostrorum, non tamen ex-
 cludit panem quotidianum, vel aliud alimentum;
 sine quo vita nostra, teste Hippocrate, esset tantum
 ἐπὶ τῆμερ, nec excludit hanc vel aliam medicinam,
 quam idem altissimus de terra creavit, & vir pru-
 dens non abhorrebit eam, sed stultus antichymi-
 sta. Sed quid multis? Si Deus solus, ut clamat an-
 tichymista est longitudo dierum nostrorum, ex-
 clusa medicina, id est si medicinâ dies vitæ pro-
 gari nequeunt; quid aliud facit ex seipso nisi inuti-
 lem inutiles artis professorem & operarium, qui &
 suo principi & auditoribus opera & doctrina sua
 ne hilum quidem profit? Contra quam absurdam
 & ipsi creatoris intentioni contrariam opinionem
 notanda est egregia illa sententia Arnoldi de villa
 nova, quam posuit in præfatione libri de conser-
 vanda sanitate, & retardanda senectute ad Rober-

tum

tum Hierusalem, & Sciciliae regem inquitens: licet in manu Domini sit omnium sanitas, mors & vita: non tamen Dei bonitas impedit, quin & naturalis inferioris naturae cursus, prout eis desuper institutum est, suas peragat operationes. Ab hac medicina, quam propriè ad conservationem sanitatis & vitae perfectionem creavit altissimus, frustra esset. Hæc Arnoldus. Quod ipsius medicinae princeps scopus sit vitam prorogare evidens est ex Galeno. 9. *meth. medendi* cap. 10. scribente: Virtutem seu facultates servare, nihil planè aliud esse, quam vitam servare, & utriq; medicinae, tam quæ morbos abigit, quàm quæ sanitatem tuetur, communem esse vitae custodiam. Quid autem vitam custodire aliud est, quam vitam conservare, eamq; conservando in dies producere? Qui semimortuum in lipothymia vel hæmorrhagia jacentem rursus erigit recreatq; medicamentis, nonne à morte liberat, & vitae ejus, quod reliquum est, tempus adjicit? Qui à scorpione vel serpente ictum vel à cane rabido morsum curat, veneno expulso vel restincto, is à morte liberato homini vitae spacium prorogat. Qui pleuritico medetur nesciat empyricus & ex empyrico phthisicus, is à præmatura morte, quæ per phthisin tandem indubitanter inferitur, redimit, vitamque ampliat. Sed de his plura in *lib. 3. chymicarum quaest. cap. 7.* ubi irrefragabilibus rationibus, etiam ex Galeno demonstratum est vitae terminum non quidem naturalem, sed accidentarium medicinâ proferri posse. Quicquid enim vitae prorogatur, vel potest prorogari, id omne solum finem

vitæ accidentarium concernit, declaratore etiā Avicenna *Fen. 3. primi cap. 1. artis medicinæ* dotes enumerante, ejusq; potentiam, impotentiamq; unā explicante: tria quidem esse, quæ præstare non possit ars, duo verò, quæ præstare facile queat, ubi inquit: ars quæ sanitatem custodit, non est ars, quæ à morte securos nos faciat (audi antichymista neq; communem, neq; secretam philosophorum medicinam esse Deum aliquem à morte liberantem atq; defendentem, ut hyperbolicè loquendo *thes. 65. ineptis*) neq; corpus ab extrinsecis nocumentis (quæ sunt casus inopinati, qui singulis momentis homini evenire queunt, ut vulnera lethalia, cædes, lapsus, incendia, naufragia, præcipitia &c.) muniat, neque unumquodq; corpus ad ultimam vitæ longitudinē perducatur, quæ est secundum hominem absolutè, sed de duabus reb. securitatem præbet scilicet putrefactionis in corpore omnimoda prohibitione, & defensione humiditatis innatæ, ne citò dissolvatur, & in ipsius (scil. artis medicæ) fortitudine consistit, ut ipsum usq; ad debitum tempus secundum suam primam complexionem permanere faciat. Hæc Avicenna. Ergò in medica artis potentia situm est, putredinem prohibere, & nativum humorem, ne citò exhauriatur, diutissimè conservare, & vitam usq; ad debitum tempus prorogare. Et ut rem dilucidius proponā, cum terminus vitæ (siue mors) sit triplex naturalis, accidentalis, & violentus (pro ut ex superioribus colligi potest, & alibi plenius disferetur, & Arnoldus etiam *lib. de humido radicali cap. 4.* super hac re concludit) omnes operationes medi-

medicorū non ordinari ad retardandā mortē naturalē dictā absolutē, sed potius ad tollenda omnia impedimenta veniendi ad illā. Et paulò post idem: Quando medicus dicit in ordinatione vel consideratione cuiusq; causæ salubris, quod mortē retardet vel seniū, aut prolonget vitā & juventutē custodiat & reddat, id totū dici respectu mortis accidentalis, quæ evenit à putredine vel humidi nativi præ-natura ex haustione accidentali, nō respectu illius quæ naturalis dicitur absolutē. Contra alterū terminū vitæ accidentariū, id est, mortē violentā, alia cautela opus est cū precib. & pietate. Hoc. n. modo unus monachus diutius vivit, quàm centū milites. Sufficiat itaq; nobis gratia hæc divina ab arte medicinæ, licet ea terminū naturalē vitæ non extendat si modo remoretur, & removeat terminū vitæ accidentariū, ut ad naturalē illū pervenire queamus, id est ad finem vitæ sano corpore & mente conserve-mur, ne ut psalmus habet, reliquū senectutis nostrę sit labor & dolor, vel ut idē Plinius dicebat, ea sit in ætate vivacis repuerascentis, sed Deo & proximo familiq; nostrę successurę potius utiles, quàm molesti ad extremū usq; hācū sumus. Secūdo quæ de salubritate stirpiū & alimentorū ante diluviū & maledictionib. terræ post diluviū toties iteratis antithymista nugatur absque ratione & auctoritatē, quæ futilitati relinquo; quod mox subdit ex-lamanis. Istasne maledictiones divinas ficti-tius lapidis ab alimentis & medicamentis om-nino auferet, Deoque vim inferet? Dicat hæc verba potius coquo vel pharmacopæo, quorum est

alimentorum & medicamentorū præparatio atq;
correctio, non Philosopho, qui lapidem sive me-
dicinam suam non alimentis nec medicamentis ex-
hibet, ut in iis heterogenea ab homogeneis sepa-
rentur, sed homini, in quo suam operationem me-
diante calore nativo propriè perficit heterogenea
etiam ex cibo, potu, aëre &c. collecta è corpore per
criticas expulsiões separando, & in temperaturas
ad crasin redigendo, quantum possibile est. Quæ-
rit etiam antichymista, quis ex hujus lapidis fabri-
catoribus longævus fuerit? At inquam ostende mi-
hi philosophum, qui hac medicina non longævus
& immunis à morbis ad extremam usq; senectam
fuerit. Credendum expertis, non tibi, cæterisque
imperitis, qui tantum quærunt, & ad scientiam
nunquam perveniunt. Paracelso diuturnior vita
fuisset, si potius voluisset latere more cæterorum,
quàm in oculis omnium cum invidia & odio mul-
torum versari. Quapropter quod Seidelius p. 136.
Et anticatholicus de usu lapidis p. 147. & 450 de Pa-
racelso, objiciunt, nullius momenti est. Quid Eu-
demus Galenum de medicis Romanis super hac re
docuerit, legere est in libro de præcognitione cap.
4. A violenta morte ex casibus inopinatis nulla nos
medicina præservat, sed à morte accidentaria dun-
taxat ut supra dixi. Tertiò, tres objectiones, quas
contra universalem hanc medicinam thesi. 67. pro-
tulit, falsitatis revincuntur una ratione & hypo-
thesi Galeni & Hippocratis. Ex iis enim quibus lib.
3. chymicar. quæst. cap. 2. demonstravi medicinam
universalem esse possibilem etiam secundum Ga-
lenum,

lenum, satis intelligitur, ut & Galenus docet, omni
 causæ præter naturam & omnibus morbis faculta-
 tes vel virtutem ceu adversatricem esse oppositā,
 quam alibi & naturam & calorem nativum appel-
 lat. Huic (ait doctissimus Valleriola) uni generatio,
 auctio, nutritio ciborum confectio, distributio, &
 in sanguinem atq; humores mutatio, excremento-
 rum expulsiō &c. accepta referri debet. Hic sensi-
 ones omnes perficit. Hic motus in corpore omnes
 excitat. Hic tandem munia ea omnia obit, quibus
 vel vita foveri vel incolumitas servari in animāte
 possit. Hic unus malorum omnium depulsor atque
 medicus. Siquidem auctore Hippocrate, naturæ
 morborum medicatrices sunt. Hic valido impetu
 morbificas causas depellit, decretoria facit, excre-
 tiones, quibus finire morbus queat, movet ipse ac
 concitat. Hic vitæ fons atq; fomes, quantum lon-
 gissimè potest, eandem prorogat & tuetur. Huic
 in summa id quicquid est, quod vegetum & robu-
 stum in nobis apparet, quod solidum & constans,
 quod salubre & bene temperatum, acceptum re-
 ferri summo suo merito debet, à quo omnia pro-
 fluant ea, quæ in animantis tutelā consentiunt. Ta-
 lium operum omnium innatus calor unus opifex
 est. Hactenus Valleriola. Nunc assumo. Si contra-
 rii morbi, eorumq; causæ, item excernendorū vel
 venenorum diversitas non ferunt medicinam uni-
 versalem, nec quoq; naturam ferent unam univer-
 salem morborum medicatricem. Atqui consequēs
 est falsum, & tam naturæ, quā omniū medicorū de-
 cretis adversum. Nam una eademq; natura, unus

calor natus omnes tēperamenti & humorū dif-
 crasias reducit ad crasin, per crises è corpore noxia
 quæq; excernit, causas morificas, venena & mor-
 bos contrarios depellit, frigida calefaciens, calida
 refrigerans, sicca humectans, & humida siccans.
 Ergo & antecedens falsum esse necesse est, qua ne-
 gatur vis universalis medicinæ, & per consequens
 obtinetur, quod idem præstare possit una medici-
 na eidem naturæ seu calido nativo in similitudine
 substantiæ conveniens & correspondens, qua de re
 proluxius in *lib. 3. chymic. quest. cap. 9.* agetur. In
 quarta ratione rursus de more suo antichymista
 theologaster blasphemiam spirat, ex suo spiritu, nō
 veritatis dicens: blasphemiam esse in conditorem,
 quod ociosè tantam remediorum varietatem no-
 bis largitus sit, si curationes omnes uno hoc lapide
 queant perfici. At ô antichymista in eadem pagina
 contradictoria statuis. Cur enim Deus omnib. ho-
 minibus concederet indiscriminatim hanc medi-
 cinam, id est, perfectam liberationem à morbis, si,
 ut ais *thesi 70.* immoto consilio à Deo decretū est,
 propter abusus innumerabiles subtrahere morta-
 libus copiam auri & argenti: id est, si negata est ho-
 minibus perfecta liberatio à pauperie? Perfectæ
 enim liberationis à morbis & à pauperie eadem fe-
 rē & æqualis potest esse abusio. Ideo creavit Deus
 etiam particularia tamq; varia medicamēta, quo-
 niam prævidit non fore omnes homines bonos, sed
 bonos malis mixtos, ne interim ij deferantur. Pec-
 catorum frena sunt morbus & egestas. Cur pau-
 peri non das potius centum florenos quam unum
 num.

nummum? Si tu non potes largiri, certè reges possunt. At non faciunt, non solum quia non possunt, sed etiam quia non cuius prodest esse divitem, ita nec cuius prodest vitam ab ægritudine immunem & longævam adipisci: id quod per hujus medicinae administrationem fit, cuius usus recidivam non admittit, adeò ut corpus à morbis purificet, in decimam usq; generationem ut Paracelsus tradit in archidoxis. Apuleius fatetur se à numine edoctum, multa herbarum & lapidum genera esse, quibus homines etiam perpetuam sibi vitam contrahere possint (cujus tamen hyperbole ex arte nostra emendabilis est): sed fas non esse secretum eorum cognoscere, qui cum parvum tempus viventes malis avidè studeant, & nullum non scelus audeant, si prolixitate temporis potirentur, neq; diis ipsis parafuros. Et *Marsil. Ficinus. lib. 2. de vita producenda cap. 1.* inquit: instituta verò hæc nec in itineribus, ignavisq; communicare volumus. Quid enim cupiamus istos diu vivere, qui nec vivunt quidem, quasi fucos nutriamus, non apes? Nec hominibus divulgari perdita voluptatum libidine dissolutis, qui brevem quotidie voluptatem longæ vitæ stultè præponunt. Nec improbis iniquisq; patefieri, quorum vita mors est bonorum. Sed viris duntaxat prudentibus atq; temperatis, solertis ingenii, virib. humano generi vel privatim vel publicè profuturis. Hæc Marsilius. Sicut igitur facile concedimus id quod asserit antichymista θ. 71. q. cōmunis hominū vita nō egeat aurificio, id est, q. ex bonis & malis promiscua hominum turba non aurificio,

sed suis quisque laboribus sustentationem quære-
re debeat (noster enim lapis philosophorum est,
non cerdonum vel idiotarum) ita ne hæc medi-
cina radicaliter omnes morbos excidens bonis & ma-
lis promiscuè exhibenda est, ne in perniciem bo-
norum foveamus vitam malorum, id est ne mar-
garitis objectis foveamus porcos, qui nos concul-
cent, aut canes à quorum morsututi non foremus.
Medicamenta sunt manus Deorum, inquit ille U-
niversale manus dextra est, particularia sinistra.
Bonis dextra, malis sinistra suo merito porrigitur.
Quod quidem non ita accipiendum puto quasi in-
terdum ex probabili ratione, urgente necessitate,
non possit unum & alterum granum cæteris medi-
camentis mixtum ejusmodi hominibus exhiberi,
sed quod eis hæc medicina dissimulanda sit, fre-
quentiorq; usus denegandus.

XVIII. *Argumentum à negatione chrysopæia id
secundi effectus thes. 74. 75.*

Firmissime concludimus omne aurum, quod
pro auro venditatur in historiis chrysopæorum
& à Deo non fuit creatum in principio, velesse so-
phisticum, merasq; præstigias cacodæmonum, vel
à Satana suppositum.

Et per consequens omnes illos homines, qui hu-
jusmodi laboribus in eum finem dediti sunt, aliis
ut fucum faciant, omnium mortalium esse nequis-
simos, Θεομάχους manifestos impostores, furibus
maximis longè deteriores, indignos Christi-
ano

no nomine, gravissimis verò magistratus pœnis dignissimos, si à suo errore avocari se non patiantur, aliisque imponere non desistant.

Responsio.

Nisi hoc argumento antichymistam propriæ imposturæ & omnium eorum criminum, quibus philosophos & bonos artifices coram magistratu & illusterrimis imperii principibus nugacissimè onerat, revicero, mendaciaque in ipsius jugulum rerorso, ego ero unus reorum cum illis, neque culpam neq; pœnam deprecaturus ullam. Quamquam autem paralogismus iste in responso ad primum argumentum satis refutatus fuerit, tamen quoniam illum toties antichymista in tota disputatione inculcat, & hic in fine repetit, tanquam principale fundamentum hæreticæ suæ in philosophia pravitatis, super quo uno extructa tot mendacia, convicia, calumnias, capitalesque criminationes suas arti & artificibus intentat; philosophorum præsertim Aristotelis & Galeni dictis veluti flagellis tantam temeritatem ob professionem castigabimus, illiusque os impudens evidentissimis rationibus tanquam baxeis Socraticis ad satietatem usque obverberabimus. Ad detegendam autem apertius imposturam breviter & succinctè sophisma revisemus in legitima syllogismi forma quod tale est:

Omne aurum, quod à Deo non fuit creatum in

G 5 *prin-*

*principio aut est sophisticum, aut à Satana
suppositum.*

*Aurum quod pro auro venditatur in historijs
Chrysopæorum, non fuit creatum in principio.*

*Ergò aurum Chrysopæorum vel est sophisticum,
vel si est verum à Satana suppositum.*

Ut nihil dicam de forma ubi minor pars est negativa in prima figura: Maior simpliciter est falsa, ex ignorantia puræ negationis. Nec ex inductione aut demonstratione secundum Aristotelem 1. poster. analyt. cap. 15. 2. post. cap. ultimo & 6. ethic. Nicom. cap. 3. nec secundum Galenum à ratione aut experientia, quæ duo sunt sola cognitionis & veritatis instrumenta, lib. 2. secundum locos cap. 1. l. b. 1. meth. med. cap. 3. libr. de element. cap. 2. ortum habet legitimum & naturalem, sed spurium & sophisticum ex fallacia testimonii, sive crimine falsi. Captiosum enim non solum est ex alterius scientiæ genere longè, & inconvenienter petitum testimonium, sed multò magis adductum contra mentem & expressa verba scriptoris. Moses (inquit antichymista) in 1. cap. Geneseos non scripsit aurum vel metalla nasci: Ergò omnino non scripsit nasci. Hoc est apertum mendacium contra Moysen, à quo mox secundo capite expressè scriptum legitur, aurum nasci. Eiusdem fallaciæ sophisma est. Moses nihil meminit de benedictione terræ in generatione metallorum: ergò metalla non generantur. At inquam, ô bone, ex reticentia Moysis nihil necessariò concluditur, & erras si
putas

putas negativè secundum regulam quorundam, extra ambitum theologiae, quodvis in physicis concludi. Quod vel ex hoc uno conjice: quoniam cum Moses nec meminerit creationis metallorum, pariter neq; metalla creata essent. Utrumque sophisma seu crimen falsi est à πῆξις ad ἀπλῶς ex ἀπαίδευσία seu incitia methodi productum, ut Galenus declarat *libr. 2. de decret. Hipp. & Plat. cap. 3.* quod antichymista ignoravit scientificas sumptiones à communibus seu probabilibus, & à captiosis distinguere, cum rectius debuisset, ut idem mox monet in *eodem libro capit. 5.* demonstrativæ artis sumptionibus servatis discussionem rei ac judicium à sensibus petere, sed bonus iste quasi non ex scientia, sed forte fortuna verum inveniatur, à quaestione ipsa longè recedens testimonia sacrarum literarum imperitè & impertinenter adduxit. Tales sophisticas & extrinsecus ductas probationes in demonstrationibus semper fugere oportet, ut iterum monet Galenus *libr. 2. de fac. med. cap. 6.* Nos autem qui didicimus nihil esse in intellectu, quod non prius fuerit in sensu, (neque enim ex universalibus sine inductione, neque per inductionem sine sensu aliquid scimus, Aristotel. *1. poster. ana'yt. capit. 15.*) supra probavimus sufficienti inductione, & necessaria insuper demonstratione, id est, ut Galenus vocat, experientia & ratione: metalla à natura gigni. Contra ex antichymista, qui negat gigni, quaerimus, quo precedente

cedente sensu aut singularium sensu perceptorum inductione id neget? numquid orbem terræ circumierit, & inspectis cunctis metallorum fodinis longa experientia observaverit nihil metallorum gigni? Minimè. Nam neque sumptus habet, quibus hoc præstet, neque etiam sumptus fecit ad unam fodinam saltem visendam, sicut ex tota theoria sua lapidea, certò nobis constat. Cum ergò principium hoc sive universalè, nulla metalla nasci ex propria phantasia apud semetipsum sine sensu præcurfore ἀπαιδεύτως confinixerit, perspicua est falsitas eius, & ruit omne quicquid inde concludere, conclusionique mendaciorum, convitiolorum, calumniarum, & criminum in artem & artifices superstituere conatus est. Consequens etiam ubi scribit antichymista: firmissimè concludimus, omne aurum, quod non fuit creatum in principio esse adulterinum & vel per præstigias cacodæmonum ita apparens, vel à Satana suppositum, risu & strepitu puerorum explodendum est.

Primum quia inter cacodæmones & Satanam distinguens diversam eis potestatem in eodem subiecto tribuit, quasi illis datum sit præstringere oculos in auro sophistico, huic verò supponere aurum verum. Cum tamen ex sacris literis satis notum sit cacodæmonum & Satanæ nullam esse discrepantiam. Deinde quia antecedens, quod est: omne aurum creatum fuisse in principio, nullumque porro generari, est principium sophisticum,

(ut

(ut supra jam revicimus) à cacodæmone vel Sata-
na, qui est mendacii pater, antichymistæ phanta-
siæ per præstigias impressum, & in theoria sua pro
vero suppositum. Autorem hunc tenebrarum,
petitorem principii, vel sola obscuritas prodit.
Principium enim hoc non minus obscurum est
atque conclusio ipsa. Oportet autem, si naturæ
lucem & ducem sequimur, teste Galeno *libr. 1. de
simp. med. fac. cap. 35.* omnis demonstrationis prin-
cipia sensui atque intellectui evidentia esse: & *lib.
1. meth. med. capit. 4.* primas propositiones ita evi-
dentes esse, ut ex seipsis fidem faciant. Item ex
communibus principiis, de quibus inter omnes
convenit disputationem auspicari, & transire tum
ad reliqua, ut ibidem tradit Galenus. Quis autem
hominum oculis suis vidit, vel auribus percepit
unquam, omne aurum, quod in toto mundo est,
creatum fuisse statim in primo die creationis, nisi
fortè antichymista tunc cacodæmon, non homo,
quoniã eo die homo nondū erat, spectator fuerit,
quinūc tã audacter propterea nobiscū litigat? Cui
homini ita evidens est hoc pronunciatum eius, ut
indubitatum uno simul occursum sine ulla demon-
strationis ope sub eius intelligentiam vel sensum
cadat, quemadmodum auctore Galeno *libr. 1.
meth. med. cap. 4.* primæ & immediatæ propo-
sitiones cadere debent? Quis philosophorum vel
Chymicorum id hætenus pro communi & con-
cesso principio agnovit aut recepit? sed potius
antichymista, ut verbis Galeni utar *libr. 1. de fac.
med.*

med. capit. 26. ex quærendis quærenda, & ex obscuris obscura invicem connectens paralogismos facit, & tum vel maximè suas ineptias, id est, ἀπαίδευσίαν prodit. Firmissima igitur antichymistæ conclusio, mendacium est & calumnia tam in naturam, quàm in artem, nempe omne non solum ab arte, sed etiam à natura productum aurum esse sophisticum. Sed antecedentis falsitas multò magis ex consequentium etiam absurditate palam fit. Si enim omne aurum, quod post creationis primum diem, à natura generatur & crescit, est sophisticum, meræque cacodæmonum præstigiae, aurum etiam Arabicum, (Evilathi enim sacris interpretibus Arabia est) quod Moses 2. *Genes.* nasci tradit, & aurum terræ illius optimum prædicat, quod privilegium nativitatis adhuc extra controversiam est, non erit verum aurum contra expressam sententiam divinæ scripturæ, & omnium artificum atque hominum consensum. Item si blasphemum est in creatorem dicere ullum individuum esse melius atque perfectius altero, & de metallis idem dicere vetat pietas, ut asseruit *Abes.* 37. blasphemus erit Moses, qui ratione creationis (nam | metalla antichymistæ tantum sunt creata, nulla generata) aurum Arabiæ pronunciat optimum. At ô blaspheme antichymista, qui tuæ opinionis auctorem (fictitium scilicet) blasphemiae damnas ingratus, ad stivam & ad metalla damnandus es, donec resipueris, & saltem ad humanam rationem, quam insania

nnia excessisti, redieris. Adhæc autem aurum Westphaliæ in cumulis Corbachianis ex minerali sua terra renascens: item aurum Ungaricum in filamenti specie, ut ex Scaligero supra audivimus, sub auras prodiens, aurum ex nube rorulenta in patellæ formæ eo modo, quo ferrum in nubibus generatum depluens, aureus dens pueri illius Silesij testimonio Jacobi Horstij medici & professoris pro vero auro celebratus: hæc inquam omnia ex phantastica superstitione tua erunt non verum aurum, quoniam in primo die creationis non fuisse à Deo creata, sed post multa secula demum à natura producta. Nondum finis est. Plaustra aliorum metallorum ex absurdis onusta sequuntur. Argentum in plumbariis Sclavoniæ, item in cumulis bisemuti naturali maturatione certo annorum spacio procreatum, similiter ferrum Iuvæ sive Æthaliæ, ferrum Lygiorum ad oppidum Saggam, ferrum Palatinatus Admontani, ferrum Misniæ, ferrum Sueciæ, ferrum in nubibus generatum, ferrum Hybernici ex lignis, sicut & Lusatiæ Silesiæque, æs in cumulis mansfeldicis, plumbum Fesularum montis Hetruriæ in lapidibus recrescens, plumbum Palatinatus Admontani zu der Grehling reviviscens in cumulis, plumbum Galeni extra mineras etiam in statuis semper augescens, hæc, inquam, metalla, quorum generationem natura ad nostra usque tempora indefessè continuat, erunt non vera

metalla,

metalla, sed præstigiæ cacodæmonum vel à sarana
 supposita. At satius est nos credere hanc thesin
 antichymistæ, ex qua tot tantaq; absurda sequun-
 tur, esse à cacodæmone suppositam. Cæteri ho-
 stes artistantum arte fieri aurum hæcenus nega-
 runt, noster autem mendacium duplicat, & plus ul-
 tra negando addit, ne natura quid in fieri aurum
 verum. Sed profecto perspicimus in hoc teme-
 rario viro, id quod Galenus *lib. de maiore cap. 2.*
 scribit: in more positum esse sophistarum, ut ma-
 nifestissimam etiam experientiam oppugnent, nec
 adea quæ videntur (*ut Ar. stot. 2. de cælo. cap. 13.*
loquitur) rationes causasq; quæramus: sed ad quasdã su-
 as rationes, opinionesq; quæ videntur, trahunt. Et
 verû deprehendimus quod rursus Galen. *lib. 8. secundũ*
locos cap. 1. ait: quod falsæ opiniones animas homi-
 num præoccupantes non solum surdos, sed & cæ-
 cos faciunt. De iis Lipsius in *Const. l. b. l. cap. 5.* præ-
 clarè ut semper scribit: vidimus stultos & risimus,
 quos custos aut magister alligabat straminis vel ex-
 igui fili nodo, atq; illi stabant quasi ferro, aut vera
 compede de vincti. Similis est antichymistæ a-
 mentia, qui futilis opinionis sive fallacis principii
 vinculo ita adstrictus stat mentè & sensibus, ut sui
 oblitus, quid ipse de iudicio auri per sensum dixerit
 thesin nona, nempe antimonium, salern armonia-
 cum, hydrargyrum &c. à Deo data videri, ut eo-
 rum ope aurum, & argentum ab omnibus hetero-
 geneis separari possint, ad detegendum omnes im-
 posturas auri & argenti factitii, nunc ex tenebris
 rationis suæ quasi aliud dignoscendi iudicium pro-
 ponat, nempe respiciendum ad solam creationem,

quicquid auri creatum fuerit in primo die creati-
onis, id solum esse verum aurum, quicquid verò
generatum arte vel natura, falsum esse & sophisti-
cum aut à cacodæmone suppositum. Sed ô absur-
de, quid aliud facis, quàm quod de sophistis Arist.
8. phys. t. 22. prodidit in re per se sensibus notissima,
quærere rationem dimittendo sensum per ἀπὸ ψή-
φου τῆς διαβολῆς, cum potius rerum sensibiliū pro-
prius iudex sensus sit, ut Zabarella ibidem expo-
nit. Similiter Petrus Ferrariensis cap. 15. margari-
tæ sue scribit: *Sicut in scientijs practicis, quando
volumus probare veritatem alicuius sensitivi, eam
probamus per demonstrationem sensitivam solum,
ostendendo veritatem medijs ad sensum, & non ad
intellectum: ita quoque oportet nos facere in hac
arte. Unde Philosophus 1. poster. anal. Sicut in de-
monstrationibus universalibus medium monstra-
tur ad intellectum, ita in particularibus medium
monstratur ad sensum. Sicut ergò de objecto intel-
lectus non possumus judicare per sensum, ita nec de
objecto sensus possumus judicare per intellectum.*
Et concludit: *Ergò qui hanc artem vel aurum ar-
tis sola ratione vel intellectu non esse verum argu-
unt, nihil probant.* Hæc Petrus Lombardus. Sina-
mus igitur hunc antichymistam aliunde & extra
genus procul principia ducere, lib. 2. de fac. simp.
med. capit. 2. sensumque pro nihilo habere, ma-
nifesta omnibus hominibus aperta que impuden-
ter negare, lib. 5. de decret. Hipp & Plat. capit. 1.
sibi ipsi adversari in scriptis, ex obscuris de appa-
ren-

rentibus ratiocinari *lib. 5. de fac. med. c. 34.* seipsum decipere, omnia confundere, *lib. 1. de fac. med. c. 32.* & in hoc tanquam victoriam statuere, ut sensus defraudet. At nos ex præcepto Galeni *lib. 1. de facult. med. cap. 34.* tanto decet magis ad sensum accedere, tantoque diligentius perpetuo illi attendere, quanto plura in eo peccant sophistæ omnes falsa que de eo asserunt. Huic igitur naturæ pariter & artis calumniatori, ut Galenus tales vocat *lib. 12. de usu partium cap. 6.* opponimus infallibilia criteria auri, quæ fiunt per sensum, quibus metallorum docimastæ & Chymistæ utuntur, qui procul dubio tanta fide & cura de iudiciis & examinibus auri non traderent, si imponendi hominibus eis animus esset. Geber postquam in libro *summa perfectionis* tractavit de principiis huius magisterii, docuit in ultima parte libri probationem & examina perfectionis, ut discipulus sciat non solum aurum verum facere, sed etiam aurum & argentum sophisticum à vero discernere. Perinde ut arithmeticus non solum docet numerare, numeros numeris addere, subducere, multiplicare, & dividere, sed etiam quamlibet numerationis speciem probare, ut quisque certus sit ex arte ne, an secus operatus fuerit. Et Aristoteles non solum tradidit principia syllogismorum, sed etiam in fine docuit, vitiosos & sophisticos à veris dignoscere, & solvere. Non ignorant Chymistæ primi & secundi ordinis medicinis, quæ sunt numero decem, aut etsi plures apud alios inveniantur, redu-

ctibi-

etibiles tamen ad illas, secundum Gebrum, sophisticum aurum & argentum produci, & esse medicinas eorum, qui ut Albertus loquitur, per alba albificant, & per citrina citrinant, & procul dubio deceptores sunt. Sic enim testatur autor textus philosophiae cap. 1. inquit: *Quia priorum duorum ordinum medicinae sunt sophisticae, & non tollunt de commisto, relinquitur una sola, quae est de tertio ordine, & dicitur unica & vera.* Cui expositioni ipsius Gebri verba consentanea sunt, scribentis libr. 4. *summae perfectae*. cap. 2. per illam nos excusari à laboribus inventionis decem medicinarum. Et libr. 3. cap. 10. idem testatur, quod rationibus etiam alibi ostendetur. Unde etiam secundum tria quasi diversa principia, ut sunt natura, lapis philosophorum, & medicinae sophisticae ex corrosivis. Avicenna in dictione 5. cap. 7. & 8. *Aurum & argentum triplex agnoscit, naturale, magistrale & sophisticum*, quod Johannes de lapide diviso scilicet in duos album & rubeum lib. 1. cap. 3. & 31. dilucidius ex effectibus medicinae distinxit, dicens: *Tribus modis aurum fieri potest. Primum est aurum naturale seu minere: Secundo aurum alchymicum: tertio aurum lapidis philosophorum.* Ex effectu autem sic discernuntur: Aurum alchymicum in potu datum non laetificat cor hominis, sed nocet, quia ex corrosivis compositum est, & vulnus ex eo factum tumescit. Aurum vero naturale datum in potu, nihil agit, quia rali-ter ut comestum est, excernitur. *Aurum*

autem lapidis philosophorum est solum, quod
 quæritur in nutrimentum, & etiam liberat à lepra
 & ab omni infirmitate datum in potu vel cibo, &
 vocatur aurum Dei. Sed præter hæc & vulgarem
 dignotionem ex pondere, extensione per malle-
 um, attritu cuticulæ & colore, Chymistæ multo
 plura & accuratiora in promptu habent judicia,
 quorum à Gebro recensentur novem, ut cineriti-
 um, cementum, ignitio, fusio, super vapores acu-
 tos efflorescentia, extinctio ignitorum, admixtio
 adurentium, post calcinationem reductio, argen-
 ti vivi facilis vel difficilis susceptio, & alia duo
 à recentioribus inventa adiectæque, transfusio
 per antimonium, & quartatio sive probatio per
 aquas fortes. His positis contra antichymistam,
 sic argumentor cum Magistro Bono. Quodcun-
 que aurum habet & servat in omni examine per
 ignem & extra ignem omnes específicas propieta-
 tes, passionēs & operationes auri, illud est verum
 aurum & non sophisticum, aut per præstigias ca-
 cōdæmonum tale apparens tantum. Aurum au-
 tem quod à natura generatur in cumulis vel in ve-
 nis, aut ab arte per lapidem fit, & huiusmodi. Er-
 gò aurum à natura & arte generatum est aurum
 verum. Propositionis veritas hinc constat, quod
 differentia specificæ rerum, sive formæ substan-
 tiales sunt nobis ignotæ, ut patet ex 4. metaphys.
 in fine & ex 1. de anima. Nec cognoscimus eas, ni-
 si per proprietates & passionēs : & proprietates
 & passionēs per operationes & accidentia : &
 ideo

ideò quales sunt operationes & accidentia in rebus, tales, iudicamus proprietates & passionēs: ergò & per consequens formas: quia omnis cognitio etiam incipit à sensu, ut patet ex 1. *phys.* & 1. *post. an.* & 1. *metaphysica*. Unde philosophus in 1. *de anima*, volens nos inducere ex hoc in cognitionem animæ & aliarum formarum dicit sic: Accidentia magnā partē cōferūt ad cognoscendū τὸ τί ἦν εἶναι, id est, definitionem & formam substantialem. Talis autem cognitio accidentium est per sensum: quia sola accidentia sunt objecta sensuum. Unde philosophus 4. *metaphys.* arguit ex operibus rerum & accidentibus super ipsas formas, his verbis: *Quod enim facit operationes oculi, est oculus: quod verò non, non est oculus, sed imago oculi: & serra lignea non est serra, sed imago serræ.* Nec in rerum natura datur melior & certior modus perveniendi ad scientiam, nisi talis cognitio rei per accidentia propria: quia tum per causam uniuscuiusque rei propriam res cognoscitur, cum de accidentibus eius propriis minimè dubitatur, neque hoc in metallis est difficile, cum non sint diversæ substantiæ, sed homogenea per totum. Assumptio patet sic: quia quicumque vult verè cognoscere aurum & argentum, secundum eorū formam specificam, cognoscet per eorum proprietates & passionēs & accidentia & operationes, sive sint activæ sive passivæ. Nunc verò proprium auri est, esse metallum coloris citrini fulgentis, mutum in sono, ponderosum,

rosū, extensile sub malleo (in eam tenuitatem, ut eius unica uncia in bracteas diducta etiam decem terræ jugera tegere queat, & tertia pars grani eius trahi possit in fila 134. pedum, ut Cardanus *de varietate rerum* scribit) incorruptibile in terra, aqua & aëre, atque in igne examen per cineritium cementum, antimonium, & adustionem cæterorum adurentium calcinationes, & reductiones, ignitionem, & fusionem sibi convenientem, extinctionem item sine mutatione & diminutione sui, & ponderis & coloris sustinens, in expositione super vapores acutorum colore debito florens, argentum vivum facile suscipiens, imò in eo solum fundum petens, cor confortans, &c. neque plus de conditionibus auri in toto mundo per philosophos, & fossiores metallorum cognitum est. Ergo, experientia teste in quocunque metallo si-ve à natura si-ve ab arte generato reperiemus omnes proprietates prædictas, & accidentia & operationes, necessario arguimus ipsum esse aurum verum: & si illarum, quas enumeravimus conditionum aliqua deficiat, non erit aurum. Quia igitur aurum naturale, & magistrale habet omnia prædicta, ideò judicamus utrumque esse aurum verum & non sophisticum. Experimentum autem ex decreto philosophorum testatur hoc ut dictum est secundum sensum. Quod si non est idē aurum cum auro vero, quod solum creatum esse antichymista vult, oportebit eum necessario ponere easdem proprietates omnes in specie manare

à contrariis formis, quod est planè impossibile. Necesse est igitur, quod sint idem. Aut doceat antichymista, qui sibi soli à principibus credi ita insolenter postulat, doceat, inquam, nos & doctissimas, quibus indicis aliis aurum verum à falso dignoscatur. Sophisticum aurum, ut rursus Petrus Ferrariensis capit. 23. narrat, semper inficitur ab aëre & igni ignitionis, & pulveribus corrosivis, quibus fit cementum, nec habet molliciem, tenacitatem & ductibilitatem ad malleum nec flexionem, sed facilem fracturam, nec ignitionem auri, nec ponderositatem (imò centies rarius est legitimo) nec sonum tenuem auri, sed æris vel argenti, nec bibit argentum vivum facile, ut aurum, nec cum eo possunt deaurari metalla, nec in mercurio fundum petit, sed supernatat. Eiusmodi autem nec naturale aurum nec magistrale est. Ergò neutrum est sophisticum. Jurare ausim, ita me Deus amet, neque sophisticum aurum neque argentum ab antichymista visum unquam esse, cumque nec ulli tali examini interfuisse, unde discere potuisset, quibus conditionibus falsum à legitimo discreparet: alioqui aliter locutus fuisset, nec ita omnia more sophistarum confunderet, naturale & magistrale iniquo iudicio cum sophisticodamnans, & infantem, quod Germanis in proverbio est, cum lavacro effundens. Impostores, quod notum est ijs, qui cum illis versati sunt, in alchymia sophisticantibus suis à cineritio extremè metuunt, nec illud minus fugiunt atque cacodæmones lucem. In hoc

enim vel uno examine omnis impostura detegitur, omnisq; magica vel dæmoniaca oculorum præstri-
ctio evanescit, ut Paracelsus docet, & ejusdem se-
ptupli certitudinem, tam scriptura sancta, quam
Albertus ex perimento confirmat. Philosophi
autem nec cineritium, nec aliud ullum examinis
genus detrectant auro suo, quod faciunt, sed no-
tum est ex additionibus Joh. Andreæ *ad spec. in tit.*
de crimine falsi, quod Arnoldus Villanovanus vir-
gulas auri, quas faciebat in curia Romana consen-
tiebat submitti omni probationi. Similiter au-
rum juvenis illius insularis (cujus ita publicè
tingendi audaciâ ne, an tam maturè adeptæ diffi-
limæ artis fortunam, si cum aliorum & præsertim
Comitis Trevisani tot annorum laboriosa inquisi-
tione & studio conféro, magis mirer, non invenio)
quod projectione pulveris cujusdam sui pondero-
sissimi, pinguiissimi citrini anno. 1603. media
æstate coram Jacobo Zvvingero ex Zvvingero-
rum familia, & Johan. VVolffgango Dienhemio
Medico in academia Friburgensi professore, tin-
cturæ una parte millia quingenta octuaginta, qua-
tuor pondera plumbi in aurum transmutante,
Basileæ ex plumbo, sicut postea eodem anno die-
bus 6 & 11. Augusti ex aliis metallis etiam Colonie
coram multis testibus fecit, probatum fuit, quod
post examina aurifabrorum multis parasangis
aurum Ungaricum vel Arabicum superabat, ut
referunt Hoelandus & Dienhemius, apud quem
pari-

pariter, & Jacobum Zvvingerum frustra ejus auri arte facti adhuc invenire licet. Plures quidem artis effectus nostro tempore cognitos, ut tincturam Hinderhoferi, quæ 7000. partes, Guštenhoferi, quæ 4060 tingeat, (quæ tamen ambæ erant tela ex aliena pharetra.) Schvvertzeri, de quo auro ab ipso Augusto Saxoniae duce per projectionem ejus tincturæ facto ipse vidi apud Comitissam quandam armillam duarum unciarum pondere. Item Sendivogii, quæ erat in formaliquoris, quo majorem clavum ferreum mutavit in aurum, quod in examine ignis amicus quidam meus, qui clavum in manu habuit, frustumq; inde decedit, optimum deprehendit, pluresq; oculatos testes novissimè recensere, sed sufficiunt duo modò, & alibi etiam in publicis typis nominati, adhuc viventes, coram quibus si antichymista cum his nugis, mendaciis, calumniis, & criminationibus artis & artificum comparuerit in legitimo judicio, extremam suam stultitiam, inscitiam & temeritatem in nugando, conviciando, calumniando & damnando cum pudore, & infamia sui deplorabit, & magis quam piscis obmutescet. Quare desinat posthac imperitia sua artificibus importunè obstrepere, & sophisticos suos in aulis vendere.

XIX. *Argumentum à personis artem hanc tractantibus,*

Thes. 33. Quotusquisq; est ex aurifactoribus, qui non vocationem suam deserat, & functionibus muneris sui prætermisissis tempus in auro faciendo frustra consumat? Qui labor thes. 32. maledictionem in ipsa experientia manifestissimam habet,

Responsio.

Sophistæ est nihil distinguere, quod hîc antichymista facit, qui dum vitia personarum cum arte ipsa confundit, duplex committit sophisma accidentis. Si imperitorum errores aut frustranei labores vel impostorum fraudes arti aut artificibus per se sunt tribuendæ, etiam antichymista imperitus & impostor erit. Quotusquisq; enim ex medicis illis circumforaneis non deserit opificium suum ocium sectans? Quotusquisque illorum bene medetur, aut non impostor est? Num hæc culpa ipsius medicinæ est, aut bonorum medicorum? Minime verò gentium. Ita quoque si sutores, figuli, pictores, lanifici, aurifices, lithotomi, quos omnes vidi desertis opificiis, sine cognitione sui, huic arti sese ingerere etiam apud magnates, quid hoc ad scientiam ipsam, quæ ex se certa est? quid ad philosophos etiam, qui nequaquam ex sordidis

& quæstuariis artibus ortum ducunt, sed ex liberabilibus? Extra quas, quicumq; ad hoc magisterium aliam viam quæsierit, assimilabitur viro per scalas absq; gradibus intenti ascendere, quod cum nequiverit, super faciem pronus in terram decidit, inquit Morienus. Sed heus tu antichymista qua fronte, qua mente philosophos istos accusas desertæ vocationis, aut frustrati finis, qui ne ullum in hac scientia verum artificem per omnem vitam tuam vidisti? Xenophanes philosophus Colophonius apud Laertium cum aliquando accepisset Empedoclem Agrigentinum dicere solitum, perdifficile esse, hominem sapientem invenire, & merito respondit, quod sapientem esse oporteat, qui sapientem explorare cupit. Ex quo consequitur philosophum esse oportere, qui philosophum vult invenire aut agnoscere. Quod si comes Trevisanus scientiæ hujus studiosus per tot annos peregrinatus nullis parcendo sumptibus ne laboribus, non valuit in familiarem consuetudinem horum hominum venire, multò minus à sophistâ & antichymistâ quispiam eorum invenietur; cum sapiens etiam coràm à stulto non agnoscat. Accepi à tene quodam adhuc vivo, quo olim adolescens in hac arte magistro usus fui, quomodo vir quidam doctus casu sibi in itinere obviam factus, exinde in diversorio post multos de hac philosophia & philosophis collatos sermones, monstrata etiam mediæ naturæ, præcipuaq; artis materia, tandem valedicens in hæc verba eruperit: Hodie vides philosophum.

Et vitâ fortasse tuâ non amplius illum.

Unde facile existimare licet, quanta raritas in terris sit horum hominum. Galenus lib. 2. *meth. med. cap. 5.* fatetur se per omnem vitam suam, quam tamen, ut ex Langii epistolis constat, ultra centum & quadraginta annos produxit, ne quinque quidem viros invenisse, qui esse potius, quam videri docti cuperent. Nisi enim (inquit) quis sapientiam ipsam propter seipsam expetat, ne tempus quidem ullum inveniet, quo se in ejus inquisitione exerceat, imò divitiis, famæ & potentie civili inhians, in horum ambitu vitam totam consummet. Quod si Galeno sesquiseculi tempore non obtigit plures viros verè doctos videre, quid nobis homuncionibus tertia fere parte brevioris vitæ experientie expectandum sit de philosophis istis difficilioris sapientie indagatoribus, eorumq; numero & paucitate in promptu est divinari, quorum respectu Galenici viri initiati duntaxat nominandi essent. Quod cum ita sit, nihil mirandum est (inquit Petrus Ferrariensis *cap. 4.*) sapienti, qui terminos in libris philosophorum hujus artis novit, si non appareat aliquis hanc artem actu habens, sed potius mirandum, quomodo quis possit pervenire ad ipsam, cum ejus inquisitio sit difficilior, profundior, & longioris temporis. Sunt præterea plures alie causæ, cur viri tales cum thesauro suo latere, quàm illum publicè deprædandum gestare malint, αὐτὰρνεῖαν secundum Deum habentes in se ipsis, nec divitiis, famæ aut potentie civili

civili inhiantes, ut antichymista *thesi.* 36. incivili-
ter & portentose adversus quinq; viros Galeni, &
eos omnes philosophos mentitus est, ex pravitate
ingenii sui alios judicans. Propterea mihi quoq;
suspecta est societas illa philosophorum crucis ro-
seæ, pellicentium alteri partium adversarum sub-
sidium ex hac arte, contra institutum philosophiæ,
quæ civilibus controversiis bellicisq; rebus impli-
cari prohibet, nisi forte contra alienos à fide Chri-
stiana tyrannos, quod & ipsum tamen exemplo
Lullii malè cessisse palàm est. Cum enim regi An-
glorum sex milliones auri ad bellum adversus Tur-
cam & infideles suscipiendum suppeditasset, rex
tantavi auri non solum contra fidem promissi ad-
versus Galliarum regem bello moto abusus est, sed
& artificem ejus, largitionisq; autorem propterea
quòd esset ab eo postea violatæ fidei redargutus,
persecutus est. Lullius qui procul dubio, ut ex cir-
cumstantiis conjicitur, votum fecerat, se adepta
arte contra infideles pro Christi gloria & ecclesia
usurum, quoniam hac viâ non successerat, alîa cer-
tiori & sanctiori tentat, magnoq; zelo ipse in Afri-
cam transfretans Bogiæ Tunisi que evangelium
prædicavit, ubi tandem martyrio coronatus anno
octuagesimo ætatis suæ fati concessit, sicut in ejus
vita legitur. Sed hoc in *cap. 7. lib. 2. chymic. qua-*
stion, enucleatius disputa-
bitur.

XX. *Argumentum à modo discendi & docendi artē.*

CHRISTIANI hominis non est. 1. Deum tentare, ei que præscribere, quod tu facis aurum à Deo petendo ac sperando citra omnem promissionem Dei. 2. Revelationes petere mysteriorum à Deo. Nam Deus ipse semper certis hominibus (quos ipse ad id vocavit) mysteria sua revelavit: suamque libertatem ad certos minimè adstringi vult. 3. Alios seducere, & in exitium præcipitare audacissimis mendaciis atque ænigmatis, quod tu facis more λοξίς Apollinis seu potius Satanæ. 4. In verbo Dei, quod nobis æternæ salutis causa datum est mysterium aurificii querere, eidemque affingere.

Responsio:

Nunc intentionem chymistarum & utrumque tam discendæ, quam docendæ artis modum reprobare & suspectum reddere conatur antichymista, sed frustra. Ex suo enim ingenio solum ad aurum intento fingit scopum alchymię præcipuum esse aurum facere, vnde chymistas more vulgi, vel aurificorum, qui non plura sciunt non medicinæ sed aurifactorum & chrysopæos nominat. Cum tamen multò antiquior & nobilior ejus effectus sit medicina, propter quam primævi patres hanc artē, antequam ulla mercium permutatio esset, & numerus earum sponzor & vicarius fuisset inventus,

tractarunt ad vitæ longæve conservationem, sicut
lib. 3. quæst. chymic. cap. 2. ubi de autoribus chymia & Salomonis scientia quæstio erit, probabitur. Hodieque multos novi, qui non auri sed perfectæ sanitatis consequendæ cupiditate arti operam navant. Et planè sentio, nec philosophiæ nec religioni nostræ congruum esse alchymiam animo ad solum aurum intento seclusa medicina tractare, qua in re mecum sentit Johan. de lapide diviso *lib. i. cap. 44.* & ibidem incommoda inde evenientia recenset. Ita quidem cum perfectis perfectè sentiendum: si quid verò etiam parvulis communem vitam in seculo agentibus indulgendam, ita responderi potest. Esto, secludatur medicina contra philosophorum mentem, & solum aurum in specie petatur, num propterea non liceret artificii aurum absq; ullo dolo, alteriusvè detrimento peti legitimam artem ad necessitatem & non ad fomentum atque augmentum luxus sui & aliorum quærenti cum sudore vultus & labore manuum Deum omnis boni largitorem in vota vocare? Numquid peccant metallici fossiores & fodinarum domini, quando benedictionem divinam implorantes ad laborem in fodendo petunt & sperant in specie nihil aliud à Deo, quam aurum, vel argentum vel aliud metallorum? Si hoc est tentare Deum, ei que in specie præscribere, ut tu antichymista ais, quid largiri is debeat, ipsa oratio dominica, quæ petitiones in specie septem, & lithania, quæ multo plures habet, horrendum dictu & blasphemum, meræ tētationes atq; præscriptiones forent, imò tu ipse-

ipſemet tentator & præſcriptor talis eſſes, qui in curationibus morborum unâ cum ægris in ſpecie petis à Deo ſanitatē, & inde in ſpecie aurum, niſi fortassis numos æreos pro pietate tua *h. ſi* 38. declarata accipere malis. Abſq; hoc non inſervires tuo principi, nec academiæ, ne ægrotis. At inquis citra promiſſionem divinam chymiſtas id petere. Quiſ tibi diceret? Unde probas. Nam ex primo capite Geneſeos, quia metalla non generentur. At hoc deliramentum tuum eſt, & alibi ſatis refutatum Nihilo ſecius natura metalla generat, & quâvis non generaret, tamen finis artis immotus conſtaret, qui non eſt generare metalla, ſed dudum generata tantum tranſmutare. Deinde ſacra ſcriptura (ex qua theologus iſte contra artem ſemper diſputat) in myſteriis ejuſmodi myſticum hunc diſcendi & docendi modum non improbat, ſed mandat utrumque. Primum *Jac. 1. v. 4. Philip. 3. v. 15. Matth. 7. v. 7. alterum Matth. 7. v. 6. 1. Cor. 2. v. 6.* Quod verò addit antichymiſta. Deum ſemper certis hominibus ad id vocatis ſua myſteria revelare hoc ipſum eſt, quod volumus. Nam ſicut.

Virtutem poſuere Dii ſudore parandam:

Ita non omnibus promiſcuè, ſed certis, & iis ſolum, qui in hac arte ſudant, ſtudent, orant, & laborât, & quidem non niſi animis purgatis hoc myſterium revelat, atque largitur, Qui curvat dorſum ſuum, inquit Baſen in turba, in liberis noſtris legendis, eiſque vacat, & non eſt vanis implicitus cogita-

cogitationibus, Deumque præcatur, in regno regnabit indeficienter, quousq; morietur, Porro quod culpat doct. inam philosophorum ut per ænigmata, aliaq; obscura dicta seducunt lectores, & præcipitantem in exitium, & leges docendi artem philosophis præscribere audent, plane videtur sus Minervam docere, parum perpendens geometras geometricis, musicos musicis, medicos medicis & sic quemlibet artificem docere disciplinam suam propriis artis vocabulis, quasi solis chymistis licitum non esset suo more & modo artem tradere posteris. Hujus autem mysticæ traditionis per tropos, allegorias, & ænigmata, justissimas habent rationes de quibus *lib. 2. chymic. quæst. cap. 9.* copiosè differetur. Præcipua verò est, quod mundus, ut & supra ad argumentum 17. diximus, mixtus est adhuc ex bonis & malis, ne malorum proterviam in bonorum exitium armarent, & sic, dum indiscriminatim omnibus apertè docèdo prodesse vellent omnibus nocerent. Vnde Aristoteles in epistola ad Alexandrum scribit: causa quidem, quare tibi revelem secretum meum figurativè tecum loquens ænigmatibus atque signis, est quia timeo nimium, ne liber præsentium in manus deveniat malorum & in potestatem arrogantium, & sic perveniret ad illos ultimum bonum & arcanum divinum, quod summus Deus eos judicavit indignos. Ego sane si aliter facerem, transgressor divinæ gratiæ
I & fractor

& fractor celestis sigilli essem, nec occultor revelationis. Ea propter tibi sub attestazione divini judicii delego sacramentum eo modo, quo mihi revelatum est. Præterea quomodo philosophi possunt seducere eos, quos tam fideliter cum Gebro monent & absterrent, ne libros suos legant, scientiamvè attrectent? Ita enim *lib. 4. summa perfect. cap. 12.* inquit: Filii doctrinæ perquirite, & hoc excellentissimum Dei donū vobis solis servatum invenietis. Filii insipientes nequitia & malevolæ pravitatis immensè ab hac scientia fugite, quoniam est vobis inimica & adversa & vos in miseriam paupertatis constituet, quoniam vobis penit⁹ hoc Dei donum divinæ providentiæ judicio est occultum & denegatum omninò. Quod postremò ponit chymistas in verbo Dei mysterium hoc aurificii quærere, eidemque attingere, responsionis non eget, quoniam est aperta & crassum mendacium. Nam ne litera quidem ex vlllo probato hujus artis scriptore proferri potest, qua docuerint aurificii mysterium esse in sacris literis quærendum.

XXI. & XXII. *Argumentum, an ars Alchymia sit licita?*

Scribit antichymista *thesi.* 30. alchymiam ut artem illicitam à concilio Anticyrano damnatam deinde *thesi.* 34. nullo privilegio imperatorū, ut cetera honesta vitæ genera donatam.

Responsio.

Adhæc non potest melius responderi, quam ex ore ipsorum jurisconsultorum. Scribit autem doctissimus jurisconsultus Thomas Arfoncinus in respōso de jure alchymiaē his verbis: An ars aliqua sit licita, considerandum est nū jure divino aut humano sit prohibita. Nam licita & illicita ita discernantur *l. 1. ff. de concubin. l. cum senatus ff. de rebus dub. l. 1. & per tot. tit. ff. de colle. & corporibus.* Quantum ad divinum, certè nullum textum reperio, ubi alchymia & auri confectio prohibeatur: cum tamen innumera vitia & crimina legislator divinus Moses in levitico & deuteronomio persequatur. Neq; puto illum magis prohibuisse distillationes & auri argentiq; confectionem, quam clinodiorum, annulorum, & cæterorum ejusmodi ornamentorum conflaturam, quibus Salomon & alii reges ornabantur. Quantum autè ad jus civile, certè nulla litera in *Digestis & Cod. Justin. vel Novell.* ostendi potest, quæ ad prohibi-

tionem alchymiaē pertineat, quin potius fusoria ars comprobatur & laudatur, & præmiis decoratur *lib. 1. de excus. artif* Et de metallariis, quod legitimam artem exerçant, dubitari nō potest ex *tit. Cod. de metallariis lib. XI.* Ad propositam igitur quæstionem breviter respondetur; Si communis doctorum opinio facit jus ut inter omnes peritos constat, sequitur, quod alchymia sit licita. Verum autem est antecedens: quia Oldradus, Baldus, Iohan. Andreas, Panormitanus, Andreas Iserninus, Albericus de Rosate, Albertus Brunus, Guido Papa & alii complures tam civilistæ, quàm canonistæ illā comprobarunt. Ergo & antecedens verum, nempè alchymiam esse licitam. Tria igitur multennis stropharum meditator antichymista in hac criminatione artis crimina falsi cōmittit. Primò quia in nulla historia, nec in cōciliorum tomis legitur fuisse unquam concilium aliquod Anticyranum; deinde, quia nec ullo in concilio ejusmodi quæstio agitata vel hæc ars prohibita aut damnata refertur: tertio quia alchymia cum metallaria & fusoria (quoniam cognatarum artium par est ratio) iisdem privilegiis donata censetur. Damnamus igitur multò justius antichymistam cum sua multenni ista theórica ad Anticyras: vbi concilia habentur insanorum, donec sanam mentem & sensus ellicboro bene expurgatos receperit

F I N I S.



EPIGRAMMA IN ANTI-
chymistam metamorphosin ab
alchymia passum.

DVm Papius chymicos male sanâ mente refellit:
Fit Papius chymico Lappius in lapide.
Artem mutandi oppugnans mutatur ab ipsa:
Atq³ suo dignum crimine nomen habet.
Vos alii o sores chymiae nunc discite ab illo:
Talia contemp^ror præmia quisq³ feret
Cui nondum satis est ipsa experientia testis:
Ostendi solem postulat ille sibi.

ARGENTORATI.

Excudebat Conradus Scher.

ANNO M.DC.XVI.







